

185

Na osnovu člana 11. stav 1. tačka b. Ustavnog zakona Tuzlansko-podrinjskog kantona ("Službene novine Tuzlansko-podrinjskog kantona", broj: 1/94), Skupština Tuzlansko-podrinjskog kantona, na prijedlog Vlade Tuzlansko-podrinjskog kantona, na sjednici od 8. jula 1996. godine, donosi

ZAKON

O UNUTRAŠNJIM POSLOVIMA TUZLANSKO-PODRINJSKOG KANTONA

I OSNOVNE ODREDBE

Član 1.

Ovim zakonom uređuju se unutrašnji poslovi iz nadležnosti Tuzlansko-podrinjskog kantona (u daljem tekstu: Kanton) i način vršenja tih poslova, uređuju se dužnosti i ovlašćenja radnika Ministarstva unutrašnjih poslova Tuzlansko-podrinjskog kantona, (u daljem tekstu: Ministarstvo Kantona) školovanje, stručno osposobljavanje i usavršavanje radnika.

Član 2.

Unutrašnji poslovi iz nadležnosti Kantona su:

- Zaštita od nasilne promjene ili ugrožavanja ustavom utvrđenog poretka;
- poslovi i zadaci policije, osim poslova koji su u nadležnosti policije Federacije;
- poslovi i zadaci policije koje Ministarstvu Kantona povjeri Ministarstvo unutrašnjih poslova Federacije (u daljem tekstu: Ministarstvo Federacije);
- osiguranje određenih ličnosti i zgrada Kantona;
- praćenje, nadziranje i usmjeravanje rada policijskih uprava;
- poslovi i zadaci koji se odnose na:
 - osobne karte, osobno ime, prijavljivanje prebivališta i boravišta građana, matične knjige, jedinstveni matični broj građana, provođenje postupka i izdavanje putne isprave, održavanje javnih skupova, udruženja stranaca i međunarodne organizacije, kretanje i boravak stranaca, provođenje postupka izdavanja odobrenja za nabavljanje, držanje i nošenje oružja i municije, registracije oružja, registracije motornih vozila, polaganje vozačkih ispita i

izdavanje vozačkih dozvola, zaštita od požara i eksplozija i upotreba vatrogasnih jedinica, te drugi poslovi i zadaci određeni zakonom.

Član 3.

Ministarstvo Kantona organizovat će zdravstvenu zaštitu pripadnika Ministarstva Kantona i njihovih porodica, porodica poginulih pripadnika Ministarstva Kantona i invalida i njihovih porodica.

Član 4.

Unutrašnji poslovi su poslovi od općeg interesa za Kanton.

Član 5.

Unutrašnje poslove iz člana 2. ovog zakona na teritoriji Kantona vrši Ministarstvo Kantona.

Član 6.

Građani, preduzeća i druge pravne osobe obavezni su da postupe po naređenjima koja Ministarstvo Kantona i ovlašćene službene osobe Ministarstva Kantona izdaju na osnovu zakonskih ovlašćenja.

Član 7.

Poslove koji se odnose na posebno osiguranje određenih ličnosti i zgrada vrši Ministarstvo Kantona.

Vlada Tuzlansko-podrinjskog kantona (u daljem tekstu: Vlada Kantona) određuje koje ličnosti i zgrade se posebno osiguravaju i uređuje način njihovog osiguravanja.

Član 8.

U slučaju kada Ministarstvo Kantona u vršenju poslova iz svoje nadležnosti dođe do saznanja da se priprema izvršenje krivičnog djela iz nadležnosti Federacije, odnosno da je takvo krivično djelo izvršeno, preduzet će neophodne mjere i radnje u cilju neposrednog spriječavanja izvršenja tog djela, odnosno otkrivanja i hvatanja izvršilaca tog krivičnog djela i o tome odmah obavijestiti Ministarstvo Federacije.

Član 9.

Radnici Ministarstva Kantona, a naročito ovlašćene službene osobe dužni su da u vršenju poslova i zadataka čuvaju život ljudi i ljudsko dostojanstvo i mogu primjenjivati samo zakonom predviđene mjere prinude, kojima se sa najmanje štetnih posljedica

za građane, preduzeća i druge pravne osobe, kao i druge državne organe i njihova prava, postiže izvršenje posla, odnosno zadatka.

Član 10.

U slučaju kada je Ministarstvu Kantona povjereno vršenje poslova iz nadležnosti Federacije i u vršenju poslova iz zajedničke nadležnosti Kantona i Federacije, Ministarstvo Kantona neposredno primjenjuje zakone i druge propise koji su obavezujući u cijeloj Federaciji.

Nadzor nad sprovođenjem propisa iz stava 1. ovog člana može vršiti Ministarstvo Federacije uz učešće Ministarstva Kantona, a Ministarstvo Kantona ima pravo da učestvuje u utvrđivanju politike i donošenju propisa koji se odnose na svaku od tih nadležnosti.

Član 11.

Radi ostvarivanja javnosti rada, Ministarstvo Kantona obavještava javnost o pitanjima iz svog djelokruga, koja su od značaja za građane, preduzeća i druge pravne osobe, kao i o mjerama za njihovo rješavanje.

Davanje obavještenja i podataka uskratit će se kada se radi u državnoj, vojnoj ili službenoj tajni.

Podatke i obavještenja za javnost, u smislu odredaba prethodnih stavova, daje ministar za unutrašnje poslove (u daljem tekstu: ministar) ili radnik koga on za to ovlasti.

II ORGANIZACIJA I NADLEŽNOSTI MINISTARSTVA KANTONA

Član 12.

Unutrašnje poslove iz nadležnosti Kantona vrši Ministarstvo Kantona u sjedištu i policijske uprave.

Policijske uprave se obrazuju za područje jedne ili više općina Kantona.

Policijskom upravom rukovodi načelnik koga postavlja ministar.

Policijska uprava ima jednu ili više policijskih stanica.

Policijskom stanicom rukovodi komandir, koga postavlja ministar.

Član 13.

Ministarstvo Kantona vrši slijedeće poslove i zadatke:

- Zaštita od nasilne promjene ili ugrožavanja ustavom utvrđenog poretka;
- neposredno provodi politiku Kantona, izvršava kantonalne i federalne zakone iz svoje nadležnosti i o tome izvještava Skupštinu, predsjednika i Vladu Kantona;
- rješava u upravnim postupcima utvrđenim zakonom;
- zaštita od požara i eksplozija, nadzor nad radom vatrogasnih jedinica;
- vrši nadzor nad provođenjem kantonalnih zakona i drugih propisa;
- prati, usmjerava i usklađuje rad policijskih uprava, naročito u poslovima i zadacima policije, a u složenijim slučajevima, po potrebi, neposredno poduzima mjere za spriječavanje i otkrivanje krivičnih djela i pronalaženje i hvatanje njihovih počinitelaca, pruža stručnu pomoć policijskim upravama i vrši nadzor nad njihovim radom;
- neposredno učestvuje u vršenju poslova i zadataka zaštite života i osobne sigurnosti građana, kao i zaštiti zgrada i drugih materijalnih dobara u slučaju opće opasnosti ili kad je javni red i mir narušen u većem obimu, kao i u slučaju terorističkog i drugog nasilnog djelovanja, odnosno oružane pobune;

- vrši nadzor u pogledu izvršavanja unutrašnjih poslova koji su povjereni drugim organima, preduzećima i drugim pravnim osobama;
- priprema prijedlog organizacije i ukupnog broja aktivnog i rezervnog sastava policije u Kantonu i kriterije za njihovo popunjavanje;
- vrši mobilizaciju i angažovanje rezervnog sastava policije u slučajevima vanrednog stanja, a na osnovu odluke Vlade Kantona;
- vrši nabavku naoružanja, opreme i materijalno-tehničkih sredstava za potrebe aktivnog i rezervnog sastava Ministarstva Kantona, koja se obezbjeđuju u budžetu Kantona za ove namjene;
- utvrđivanje programa stručnog osposobljavanja i usavršavanja aktivnog i rezervnog sastava policije i drugih ovlašćenih službenih osoba i vrši provjeru njihove osposobljenosti, stara se o njihovoj realizaciji i naređuje izvođenje odgovarajućih vježbi;
- stara se o primjeni i usavršavanju stručnih i naučnih metoda u radu i sadržaju rada policije;
- vrši planiranje, organizovanje, održavanje i izgradnju jedinstvenog i funkcionalnog sistema veza, obavlja poslove prijena i zaštite informacija i protivelektronske zaštite sistema veza;
- vrši složenija kriminalističko-tehnička vještačenja za potrebe policijskih uprava;
- stara se o uvođenju i primjeni savremenih naučnih dostignuća u suzbijanju kriminaliteta;
- naučno-istraživačke poslove neophodne za obezbjeđenje djelatnosti policije;
- objavljuje kantonalne potrage i izdaje odgovarajuće glasilo o potragama;
- obezbjeđuje jedinstvenu obradu podataka iz oblasti unutrašnjih poslova;
- vodi propisane i druge potrebne statističke i operativne evidencije i stara se o vođenju tih evidencija u policijskim upravama;
- vrši kontrolu kretanja i boravka stranaca;
- vrši zdravstvenu zaštitu pripadnika Ministarstva Kantona i njihovih porodica;
- dostavlja Ministarstvu Federacije operativne podatke i obavještenja kao i statističke podatke u vezi sa poslovima iz nadležnosti Federacije, čije je vršenje povjereno Ministarstvu Kantona;
- vrši i druge poslove i zadatke koji su mu ovim i drugim zakonima stavljeni u nadležnost.

Ministarstvo Kantona može vršiti kriminalističko-tehnička vještačenja na zahtjev drugih državnih organa.

Član 14.

Policijske uprave rješavaju u prvostepenom upravnom postupku ukoliko to posebnim zakonom nije stavljeno u nadležnost Ministarstva Kantona.

Ministarstvo Kantona rješava po žalbama izjavljenim na odluku policijskih uprava u prvostepenom upravnom postupku i rješava u prvostepenom upravnom postupku i stvarima koje su mu zakonom stavljene u nadležnost.

Član 15.

Policijske uprave dužne su da pruže pomoć radi obezbjeđenja izvršenja poslova i zadataka koji spadaju u nadležnost drugih državnih organa i preduzeća i drugih pravnih osoba, kad oni na osnovu zakona vrše javna ovlašćenja, ako se prilikom tih poslova i zadataka naiđe na fizički otpor ili se takav otpor može osnovano očekivati.

O načinu i obimu pružanja pomoći u smislu prethodnog stava odlučuje načelnik policijske uprave.

Načelnik policijske uprave, kada ocijeni da se prilikom pružanja pomoći iz stava 1. ovog člana može očekivati da će doći do organizovanog i masovnog fizičkog otpora ili upotrebe oružja, dužan je prije donošenja odluke iz prethodnog stava pribaviti saglasnost ministra.

Član 16.

Ministarstvo Kantona u vozovima za prevoz putnika organizuje i vrši poslove i zadatke zaštite života i osobne sigurnosti građana, spriječavanje izvršenja krivičnih djela i otkrivanje krivičnih djela, pronalaženje i hvatanje učinilaca krivičnih djela i održavanje javnog reda i mira.

Član 17.

Za obavljanje poslova i zadataka iz člana 13. stav 1. alineja 7. ovog zakona, koje, s obzirom na njihovu prirodu, treba da vrše policajci, u Ministarstvu Kantona u sjedištu obrazuju se odgovarajuće jedinice policije.

Starješine jedinica iz prethodnog stava postavlja i razrješava ministar.

Član 18.

Kada to interes javnog poretka ili održavanje javnog reda i mira zahtijeva, ministar može od radnika policije kao i od učenika srednje policijske škole koji su navršili 18 godina života i od polaznika kursa za policajce, obrazovati jednu ili više jedinica policije za izvršenje određenog posla i zadatka.

O obrazovanju jedinice policije iz prethodnog stava, ministar je dužan obavijestiti Vladu Kantona. Aktom o obrazovanju jedinice policije iz stava 1. ovog člana određuje se njen sastav, starješina, naoružanje i oprema. Za izvršavanje postavljenih poslova i zadataka, starješina jedinice policije odgovoran je ministru.

Učenici srednje policijske škole i polaznici kursa za policajce iz stava 1. ovog člana, u izvršavanju poslova i zadataka radi kojih je osnovana jedinica policije, smatraju se ovlaštenim službenim osobama.

Član 19.

Kad interesi odbrane ili zaštite ustavnog poretka zahtijevaju, ministar može naredbom za određeno vrijeme ograničiti ili zabraniti kretanje ili okupljanje osobama na cjelokupnoj teritoriji ili na dijelu teritorije Kantona, uz prethodno pribavljeno mišljenje Vlade Kantona.

Ministar može svojom naredbom, zbog razloga iz stava 1. ovog člana, za određeno vrijeme zabraniti ili ograničiti kretanje ili okupljanje osobama na određenom području ili javnom mjestu, za određeni vremenski period, o čemu je dužan odmah obavijestiti predsjednika i Vladu Kantona.

Osobama čija je djelatnost usmjerena ili postoji osnovana sumnja da bi mogla biti usmjerena na ugrožavanje sigurnosti ili javnog poretka, ministar može svojim rješenjem narediti boravak u određenom mjestu ili zabraniti napuštanje određenog mjesta sa obavezom javljanja organizacionoj jedinici Ministarstva Kantona određenoj tim rješenjem. Ove mjere mogu trajati dok postoje okolnosti zbog kojih su preduzete.

Protiv rješenja iz stava 3. ovog člana, može se izjaviti žalba Vladi Kantona u roku od osam dana od prijema rješenja. Žalba ne odlaze izvršenje rješenja.

Član 20.

Ministarstvo Kantona je dužno da predsjednika i Vladu i druge organe Kantona redovno i blagovremeno informiše o bezbjednosnim saznanjima do kojih njihove službe dolaze u vršenju poslova i zadataka iz svoje nadležnosti.

Član 21.

Pravilnikom o unutrašnjoj organizaciji Ministarstva Kantona utvrđuju se poslovi koje vrše policijske uprave i policijske stanice, vodeći računa o njihovoj kadrovskoj, materijalnoj i tehničkoj osposobljenosti, kao i o broju stanovnika, površini i drugim bitnim karakteristikama područja općine za koje se obrazuje policijska uprava, odnosno policijska stanica.

Član 22.

Pravilnik o unutrašnjoj organizaciji Ministarstva Kantona, uz prethodno prihvaćenu saglasnost Vlade Kantona, donosi ministar.

Pravilnikom iz stava 1. ovog člana utvrđuje se naročito:

- Organizacione jedinice i njihov djelokrug;
- sistematizacija radnih mjesta, broj radnika u organizacionim jedinicama i na pojedinim radnim mjestima i uslovi koje trebaju ispunjavati radnici za raspoređivanje na određena radna mjesta;
- način rukovođenja radom organizacionih jedinica, kao i posebna prava i ovlaštenja radnika u vršenju poslova i zadataka;
- način rada organizacionih jedinica u okvirima jedinstvenog rukovođenja Ministarstvom Kantona i utvrđivanja djelokruga po mjesnoj i stvarnoj nadležnosti pojedinih unutrašnjih organizacionih jedinica.

Ukupan broj radnika Ministarstva Kantona mora odražavati nacionalnu strukturu stanovništva Kantona, kao i približnu, teritorijalnu zastupljenost rukovodnih i ostalih ovlaštenih radnika sa područja Kantona.

III RUKOVOĐENJE MINISTARSTVOM

Član 23.

Ministarstvom Kantona rukovodi ministar.

Ministar predstavlja Ministarstvo Kantona.

U cilju provođenja kantonalne politike i izvršavanja kantonalnih zakona ili izvršavanja zadataka datih od strane predsjednika Kantona, ministar naročito:

- Predlaže donošenje zakona i drugih propisa iz nadležnosti Ministarstva Kantona;
- organizira rad Ministarstva Kantona i osigurava njegovo zakonito i efikasno funkcionisanje;
- donosi pravilnike, naredbe, uputstva, instrukcije i druge akte iz svoje nadležnosti radi izvršenja zakona i drugih propisa Kantona u oblasti unutrašnjih poslova;
- pomaže predsjedniku Kantona u izvršavanju i provođenju politike Kantona;
- preduzima, odnosno predlaže preduzimanje mjera u oblasti unutrašnjih poslova iz nadležnosti Kantona;
- osigurava i ostvaruje saradnju Ministarstva Kantona sa drugim državnim organima;
- stara se o ostvarivanju zakonitosti rada Ministarstva Kantona i daje podatke i obavještenja za javnost;
- obrazuje upravne i druge stručne komisije i odgovarajuća radna tijela za izvršavanje određenih poslova iz nadležnosti Ministarstva Kantona;
- odlučuje o korišćenju sredstava za rad Ministarstva Kantona;
- odlučuje o pravima i dužnostima radnika Ministarstva Kantona;
- izvršava druge poslove i zadatke koje mu povjeri predsjednik Kantona, kao i druge poslove utvrđene zakonima.

Član 24.

Zamjenik ministra pomaže ministru u izvršavanju njegovih nadležnosti.

Zamjenjuje ministra ukoliko ovaj nije u mogućnosti da obavlja svoju funkciju ili ako je mjesto ministra upražnjeno, dok novi ministar ne preuzme dužnost.

IV POLICIJA

Član 25.

Poslove i zadatke javne bezbjednosti u Ministarstvu Kantona vrši policija.

Član 26.

Policija vrši upravne, stručne i druge poslove i zadatke koji se odnose naročito na: zaštitu života i osobne sigurnosti ljudi, zaštitu imovine, spriječavanje i otkrivanje krivičnih djela, pronalaženje i hvatanje učinilaca krivičnih djela i njihovo privođenje nadležnim organima u slučajevima kada to nije u nadležnosti sudske policije, održavanje javnog reda i mira, vršenje kriminalističko-tehničkih poslova, sigurnost i kontrolu, te regulisanje saobraćaja na putevima, policijsku kontrolu preko državne granice, kretanje i boravak u graničnom pojasu, boravak i kretanje stranaca, zaštitu određenih osoba i zgrada.

Član 27.

Poslove i zadatke neposrednog održavanja javnog reda i mira, zaštite od terorističkog i drugog nasilnog djelovanja, odnosno oružane pobune, spriječavanja i otkrivanja krivičnih djela, kontrole i regulisanja saobraćaja na putevima, policijske kontrole prelaska preko državne granice, poslove i zadatke obezbjeđenja u željezničkom saobraćaju, kao i druge poslove i zadatke iz prethodnog člana, čija priroda i uslovi u kojima se vrše zahtijevaju da ih izvršavaju ovlašćene službene osobe u uniformi vrše pripadnici policije u uniformi (u daljem tekstu: policajac), a po potrebi pripadnici policije rezervnog sastava.

Policajci nose propisanu uniformu sa određenim oznakama i u skladu sa propisima u vršenju službe naoružani su. Ministar ili radnik koga on za to ovlasti mogu odrediti da policajci određene poslove i zadatke vrše u civilnom odijelu. Kad interesi javnog poretka ili održavanje javnog reda i mira zahtijevaju, ministar ili radnik koga on za to ovlasti može narediti da druge ovlašćene službene osobe izvršavaju određene policijske poslove i zadatke u uniformi.

Član 28.

Rukovođenje u Ministarstvu Kantona zasniva se na načelima jedinstvenog rukovođenja izvršavanjem poslova iz djelokruga Ministarstva Kantona i odlučivanja o usmjeravanju rada i upotrebi snaga i sredstava službe za zaštitu ustavnog poretka i policije, kao i obaveznog izvršavanja odluka, naređenja i rješenja neposrednog rukovodioca, odnosno starješine.

Ovlašćene službene osobe dužne su izvršiti naređenje ministra odnosno neposrednog rukovodioca izdata radi vršenja službenih poslova i zadataka iz nadležnosti Kantona, osim onih čije bi izvršenje bilo suprotno ustavu i zakonu.

V DUŽNOSTI I PRAVA OVLAŠĆENIH SLUŽBENIH OSOBA

Član 29.

Određeni radnici Ministarstva Kantona u vršenju poslova i zadatka policije imaju posebne dužnosti i ovlašćenja određene ovim zakonom (u daljem tekstu: ovlašćene službene osobe).

Ovlašćenim službenim osobama smatraju se radnici koji neposredno rade na operativnim poslovima i zadacima iz nadležnosti Ministarstva i drugi radnici čiji poslovi i zadaci i odgovornost su u neposrednoj vezi sa vršenjem ovih poslova i zadataka.

Ministar utvrđuje koji radnici se smatraju ovlašćenim službenim osobama. Ovlašćenim službenim osobama izdaje se službena legitimacija i značka. Ovlašćene službene osobe imaju pravo i dužnosti da, u skladu sa propisima o vršenju poslova i zadataka policije, drže i nose oružje.

Ovlašćene službene osobe daju svečanu izjavu pred ministrom ili radnikom koga on za to ovlasti.

Tekst svečane izjave glasi:

“Izjavljujem, da ću dužnosti ovlašćene službene osobe vršiti savjesno i odgovorno da ću se pridržavati ustava i zakona Federacije i Kantona i da ću svim svojim snagama štiti prava, slobode i sigurnost građana i da ću zadatke ovlašćene službene osobe izvršavati i u slučajevima kada to dovodi u opasnost moj život”.

Član 30.

Ovlašćene službene osobe dužne su da poslove i zadatke zaštite života i osobne sigurnosti građana, spriječavanje izvršenja krivičnih djela i hvatanje njihovih učinilaca, kao i poslove i zadatke održavanja javnog reda i mira vrše u svakoj prilici bez obzira da li se nalaze na službenoj dužnosti i da li im je to posebno stavljeno u zadatak.

Ovlašćene službene osobe dužne su da poslove i zadatke policije vrše i u slučaju kada izvršavanje tih poslova i zadataka dovodi u opasnost i njihov život.

Član 31.

Kao ovlašćena službena osoba u civilnom odijelu izdaje naređenje ili vrši drugo posebno ovlašćenje po odredbama ovog zakona prema pojedincu ili pravnoj osobi, dužna je da se legitimira ako to okolnosti dozvoljavaju.

U slučaju iz prethodnog stava dužna je da se legitimira i ovlašćena službena osoba u uniformi ako to zahtijeva osoba prema kojoj vrši posebno ovlašćenje.

Član 32.

Ovlašćene službene osobe kada vrše poslove i zadatke na sredstvima javnog prijevoza, imaju pravo na besplatan prijevoz tim sredstvima i na osiguranje koje imaju putnici u javnom prijevozu.

Ovlašćena službena osoba može koristiti besplatan prijevoz po odredbi prethodnog stava samo ako ima pismeni nalog za vršenje poslova i zadataka na odnosnom saobraćajnom sredstvu.

Član 33.

U vršenju poslova i zadataka radi zaštite života i osobne sigurnosti građana, zaštite imovine od uništenja, oštećenja ili krađe, održavanja javnog reda i mira, bezbjednosti saobraćaja na putevima, kao i u slučajevima opće opasnosti prouzrokovane elementarnim nepogodama ili epidemijama, ministar i drugi radnik koga on za to odredi, a u hitnim slučajevima i druge ovlašćene službene osobe, mogu izdavati potrebna naređenja građanima, preduzećima i drugim pravnim osobama.

Član 34.

U vršenju službenih poslova i zadataka ovlašćene službene osobe imaju pravo da legitimira osobe kada je to potrebno za

izvršenje poslova i zadataka i da ih, u slučajevima predviđenim zakonom, privedu ili dovedu nadležnom organu.

Član 35.

U slučajevima predviđenim u zakonu kojim je uređen krivični postupak ovlašćene službene osobe imaju pravo da privedu osobu ukoliko se radi o krivičnim djelima iz nadležnosti Ministarstva Kantona.

Član 36.

Pored slučajeva predviđenih u Zakonu o krivičnom postupku ovlašćene službene osobe imaju pravo da privedu i osobu:

1. koja remeti ili ugrožava javni red i mir ili ugrožava bezbjednost saobraćaja, ako se uspostavljanje javnog reda i mira ili otklanjanje ugrožavanja ne može postići na drugi način;
2. koja ugrožava sigurnost druge osobe ozbiljnom prijetnjom da će napasti na njen život ili tijelo;
3. prema kojoj se po Zakonu o prekršajima može primijeniti mjera zadržavanja;
4. čiji identitet se ne može utvrditi na licu mjesta, a postoje osnovi sumnje da je izvršila teži prekršaj protiv javnog reda i mira ili krivično djelo za koje se goni po službenoj dužnosti.

U Ministarstvu Kantona u sjedištu ili policijskoj upravi osoba iz tačke 1, 2 i 3. stava 1. ovog člana može se zadržati najduže 24 sata, a osoba iz tačke 4. stava 1. ovog člana najduže 3 dana.

Izuzetno od odredbe stava 1. ovog člana, do tri dana može se zadržati i osoba koju su izručili inozemni organi, kao i osoba koja svojim ponašanjem ili ozbiljnom prijetnjom ukazuje da bi mogla ugroziti ličnost koja se posebno obezbjeđuje.

Ministar će bliže urediti uslove i način za provođenje odredaba ovog člana.

Član 37.

Na zahtjev osobe privedene po odredbama člana 34, 35 i 36. ovog zakona Ministarstvo Kantona je dužno obavijestiti njenu porodicu ili drugu odgovarajuću osobu odmah, a najkasnije u roku od 24 sata od časa privođenja.

Član 38.

Osoba koja je zadržana bez zakonskog osnova ima pravo na naknadu materijalne štete u skladu sa zakonom.

Član 39.

Radi hvatanja učinioca krivičnog djela koga neposredno gone, kao i radi prevoženja do najbliže zdravstvene ustanove žrtve krivičnog djela, elementarne nepogode ili nesretnog slučaja, ovlašćene službene osobe imaju pravo da se posluže tuđim saobraćajnim vozilom ili sredstvom veze do koga mogu doći. O upotrebi saobraćajnog sredstva ili sredstva veze ovlašćena službena osoba izdaje potvrdu njegovom vlasniku ili korisniku.

Vlasnik ili korisnik sredstava iz stava 1. ovog člana ima pravo na naknadu stvarne štete prouzrokovane upotrebom njegovog saobraćajnog vozila, odnosno sredstva veze.

Član 40.

Ovlašćene službene osobe mogu prikupljati podatke i obavještenja i od osoba koje se nalaze na izdržavanju kazne zatvora, maloljetničkog zatvora, mjere bezbjednosti ili zavodske mjere u kazneno-popravnoj ili drugoj odgovarajućoj organizaciji, kada je to potrebno radi otkrivanja drugih krivičnih djela iste osobe, njenih saučesnika ili krivičnih djela drugih učinilaca, ako kantonalnim

zakonom nije drukčije određeno. Ovi podaci i obavještenja mogu se prikupljati u vrijeme koje sporazumno odrede upravnik ili druga ovlašćena osoba te organizacije i rukovodilac odgovarajuće organizacione jedinice Ministarstva Kantona.

Član 41.

U vršenju poslova i zadataka policije na plovnim rijekama i jezerima ovlašćene službene osobe, pored drugih ovlašćenja propisanih ovim zakonom, imaju pravo da vrše pregled isprava plovila i pretresanje plovila, kao i da gone, zaustave i sprovedu nadležnom organu plovilo koje se ne pridržava zakona, drugih propisa i pravila međunarodnog prava ili posebnih odredaba međunarodnih ugovora koje je zaključila Bosna i Hercegovina, Federacija Bosne i Hercegovine i Kanton.

Član 42.

Radi spriječavanja vršenja krivičnih djela, pronalaženja i hvatanja učinilaca krivičnih djela, pronalaženja i obezbjeđenja predmeta i tragova krivičnih djela, kao i u slučajevima narušavanja javnog reda i mira u većem obimu, Ministarstvo Kantona može vršiti zatvaranje svih prilaza određenom prostoru i zgradi i onemogućiti napuštanje tog prostora i zgrade bez odobrenja. Ova mjera može trajati onoliko vremena koliko je potrebno da se izvrši potrebna kontrola i hvatanje učinilaca krivičnih djela, odnosno uspostavi narušeni javni red i mir.

Preduzimanje mjere iz prethodnog stava naređuje ministar.

O preduzetim mjerama iz stava 1. ovog člana obavještava se predsjednik i Vlada Kantona.

Član 43.

Ministarstvo Kantona, odnosno ovlašćene službene osobe imaju pravo upotrijebiti odgovarajuća sredstva prinude i to: vodeni top, službene pse, službenu konjicu, sredstvo za nasilno zaustavljanje i zapriječavanje vozila i osoba, hemijska sredstva, sredstva za vezivanje, fizičku snagu i palice kada je to potrebno radi odbijanja napada na sebe ili drugu osobu ili ličnost ili zgradu koju obezbjeđuju, radi savlađivanja otpora jedne ili više osoba koje remete javni red i mir ili ugrožavaju bezbjednost saobraćaja ili osoba koje treba dovesti, zadržati ili lišiti slobode, radi uspostavljanja narušenog javnog reda i mira, kao i radi spriječavanja bjekstva osoba koje se sprovede ili koje treba dovesti, zadržati ili lišiti slobode ako postoji sumnja da će pokušati bjekstvo.

Osim u slučajevima iz stava 1. ovog člana, ovlašćena službena osoba ima pravo upotrijebiti sredstva za vezivanje i u drugim slučajevima kada treba osobu dovesti, sprovesti, zadržati ili lišiti slobode.

Član 44.

Pri vršenju poslova i zadataka iz svoje nadležnosti ovlašćene službene osobe mogu upotrijebiti vatreno oružje:

- Da zaštite život ljudi;
- da zaštite svoj život, odnosno da od sebe odbiju istovremen neposredan napad kojim se ugrožava njihov život;
- da odbiju napad na ličnost ili zgradu koja se obezbjeđuje;
- da spriječe bjekstvo osobe zatečene u vršenju krivičnih djela protiv bezbjednosti Bosne i Hercegovine, Federacije Bosne i Hercegovine i Kantona, ubistva, otmice ili ugrožavanja bezbjednosti leta vazduhoplova, teške krađe, razbojničke krađe, silovanja i razbojništva;

- da spriječi bjekstvo osobe lišene slobode zbog izvršenja kojeg od krivičnih djela iz prethodne tačke i osobe za koju je izdat nalog za lišenje slobode zbog izvršenja tih krivičnih djela;
- da spriječi bjekstvo osobe zatečene u vršenju ostalih krivičnih djela za koja se goni po službenoj dužnosti ako ta osoba ima pri sebi vatreno oružje i postoji osnovana sumnja da će ga upotrijebiti.

Izuzetno od odredaba prethodnog stava, ovlašćena službena osoba smije upotrijebiti vatreno oružje u slučaju ako drukčije ne može spriječiti bjekstvo osobe koja je izbjegla zaustavljanje ili zadržavanje na licu mjesta u toku sprovođenja akcije obezbjeđenja ličnosti ili zgrada koje se posebno obezbjeđuju ili druge bezbjednosne akcije, ako se na osnovu njenog ponašanja i drugih odgovarajućih okolnosti može osnovano zaključiti da namjerava izvršiti napad na ličnost ili zgradu koji se obezbjeđuju ili koje od krivičnih djela protiv osnova uređenja Bosne i Hercegovine, Federacije Bosne i Hercegovine i Kantona.

Član 45.

Ovlašćene službene osobe upotrebljavaju vatreno oružje iz prethodnog člana ako upotrebom fizičke snage, gumene palice ili drugih sredstava prinude ne mogu izvršiti posao, odnosno zadatak.

Ako je u datoj situaciji moguće, ovlašćena službena osoba dužna je, prije upotrebe vatrene oružja, da na to upozori osobu prema kojoj ga namjerava upotrijebiti i da je zastraši pucanjem u zrak.

Ovlašćena službena osoba koja vrši poslove i zadatke u sastavu jedinice ili grupe, smije upotrijebiti vatreno oružje samo po naređenju starješine te jedinice, odnosno grupe. Naređenje za upotrebu oružja može se izdati samo u slučajevima i pod uslovima predviđenim zakonom.

Član 46.

Ovlašćena službena osoba u slučaju upotrebe sredstava prinude ili vatrene oružja, dužna je odmah obavijestiti neposrednog rukovodioca.

Neposredni rukovodilac dužan je, najkasnije u roku od dva dana od dana saznanja da je ovlašćena službena osoba u vršenju svojih poslova i zadataka upotrijebila sredstvo prinude iz člana 43. ovog zakona ili vatreno oružje, prikupiti sve podatke i činjenice neophodne za ocjenu zakonitosti i pravilnosti upotrebe konkretnog sredstva prinude ili vatrene oružja.

Zakonitost i pravilnost upotrebe sredstava prinude ili vatrene oružja od strane ovlašćene službene osobe, ocjenjuje ministar u roku od sedam dana od dana saznanja za upotrebu sredstava prinude ili vatrene oružja.

Ako ministar utvrdi da je ovlašćena službena osoba nezakonito ili nepravilno upotrijebila sredstvo prinude ili vatreno oružje, dužan je odmah preduzeti odgovarajuće mjere za utvrđivanje odgovornosti te ovlašćene službene osobe.

Član 47.

Ako se protiv ovlašćene službene osobe pokrene ili vodi krivični, prekršajni ili parnični postupak zbog upotrebe vatrene oružja, sredstva prinude ili intervencija u vršenju ili u vezi sa vršenjem poslova i zadataka, Ministarstvo Kantona će toj osobi obezbijediti odbranu i drugu odgovarajuću pravnu pomoć u vezi sa vođenjem postupka.

Pravna pomoć obezbijediće se ovlašćenoj službenoj osobi i kao oštećenom u postupku za naknadu štete ako joj je šteta nanesena u vršenju ili u vezi sa vršenjem poslova i zadataka.

Odredbe prethodnih stavova primjenjuju se i u slučaju kada se protiv ovlašćene službene osobe pokrene i vodi postupak i poslije prestanka njenog radnog odnosa u Ministarstvu Kantona.

Ministarstvo Kantona neće pružiti pravnu pomoć po odredbama prethodnih stavova radniku kome je za konkretni slučaj izrečena disciplinska mjera prestanak radnog odnosa zbog namjernog prekoračenja ovlašćenja, odnosno zbog zloupotrebe u vršenju poslova i zadataka, kao i u slučaju kada je Ministarstvo Kantona podnijelo krivičnu prijavu protiv radnika.

Odredbe stavova 1. i 2. shodno se primjenjuju i u pogledu osobe koja je Ministarstvu Kantona, odnosno ovlašćenoj službenoj osobi u vršenju poslova i zadataka pružila pomoć.

Član 48.

Troškovi pružanja pravne pomoći po odredbama prethodnog člana padaju na teret Kantonu.

Član 49.

Ministar može pozvati pripadnike rezervnog sastava radi vršenja poslova i zadataka vanrednog obezbjeđenja i pružanja neophodne pomoći u slučaju elementarnih nepogoda.

Član 50.

Kada se pripadnici rezervnog sastava Ministarstva Kantona, u skladu sa zakonom, nalaze na vježbi, imaju prava iz zdravstvenog, penzijskog i invalidskog osiguranja kao ovlašćene službene osobe, a kada se angažuju na vršenju poslova policije dok vrše te poslove, smatraju se ovlašćenim službenim osobama.

Član 51.

Osoba koja na zahtjev Ministarstva Kantona pruži pomoć i pri tome bude povrijeđena, razboli se ili bude onemogućena u vršenju svoga poziva, ima prava iz penzijskog i invalidskog osiguranja kao radnik koji je pretrpio povredu na radu ili u vezi sa radom.

Prava iz stava 1. ovog člana imaju i članovi uže porodice osobe koja je izgubila život ili koja umre od posljedica povrede koju je zadobila prilikom pružanja pomoći Ministarstvu Kantona kada je pomoć pružila na zahtjev Ministarstva Kantona, odnosno ovlašćene službene osobe Ministarstva Kantona.

VI POSEBNE ODREDBE O MEĐUSOBNIM ODNOSIMA MINISTARSTAVA

Član 52.

Ministarstvo Kantona saraduje sa Ministarstvom Federacije, federalnom policijom i ministarstvima unutrašnjih poslova kantona u okviru Federacije Bosne i Hercegovine radi razmatranja zajedničkih akcija i bezbjednosnih mjera od zajedničkog interesa.

VII RADNI ODNOSI, STRUČNO OSPOSOBLJAVANJE I DISCIPLINSKA ODGOVORNOST

Član 53.

Zakoni, drugi propisi i opći akti, kojima su uređeni radni odnosi, plaće, zdravstveno i penzijsko osiguranje za radnike u organima državne uprave Kantona, primjenjuju se i za radnike Ministarstva Kantona ako ovim zakonom nije drugačije propisano.

Član 54.

Radni odnos u Ministarstvu Kantona može se zasnivati bez javnog konkursa i javnog oglasa.

Član 55.

Pored općih uslova za zasnivanje radnog odnosa propisanih kantonalnim zakonom, mogu se utvrditi i posebni uslovi u pogledu stručnih, zdravstvenih i psiho-fizičkih sposobnosti kandidata za službu i stručno osposobljavanje za službu u Ministarstvu Kantona.

Posebne uslove iz stava 1. ovog člana propisuje ministar.

Član 56.

Ovlašćene službene osobe ne mogu biti poslanici u Skupštini Kantona.

Ovlašćene službene osobe i drugi radnici Ministarstva Kantona ne mogu obavljati drugu službu ili posao, odnosno obavljati dodatno zanimanje bez odobrenja ministra.

Član 57.

Radnici Ministarstva Kantona u svojstvu pripravnika polažu stručni ispit. Program i način polaganja stručnog ispita propisuje ministar.

Član 58.

Kad interes službe zahtijeva, ministar može privremeno rasporediti ovlašćenu službenu osobu u organizacionu jedinicu u drugom mjestu dok to potreba službe zahtijeva, a najduže godinu dana.

Raspoređivanje na zahtjev radnika ne smatra se raspoređivanjem po potrebi službe u smislu odredbe stava 1. ovog člana.

Član 59.

Radniku raspoređenom po odredbi stava 1. prethodnog člana, ako je raspoređen u mjesto rada udaljeno više od 60 km od njegovog dosadašnjeg mjesta rada i koji izdržava porodicu, od dana stupanja na rad u organizacionu jedinicu u drugom mjestu za svo vrijeme dok mu se ne obezbijedi odgovarajući stan, pripada mjesečna naknada za odvojeni život od porodice.

Radniku iz stava 1. ovog člana, pored putnih i selidbenih troškova, isplaćuje se i naknada u visini iznosa akontacije plaće koju je radnik ostvario u posljednjem mjesecu prije raspoređivanja.

Član 60.

Rješenjem, kojim se ovlašćena osoba privremeno raspoređuje u organizacionu jedinicu u drugom mjestu, određuje se i rok u kome radnik treba da se javi na rad.

Član 61.

Radnik Ministarstva Kantona dužan je da čuva državnu, vojnu i službenu tajnu.

Obaveza čuvanja državne, vojne i službene tajne traje i po prestanku radnog odnosa.

Ministar donosi bliže propise o službenoj tajni, čuvanju službene tajne, odgovornosti radnika u Ministarstvu Kantona za zaštitu službene tajne.

Član 62.

Osim u slučajevima predviđenim federalnim i kantonalnim zakonom, kojima se uređuju radni odnosi službenika federalnih i kantonalnih organa uprave, ovlašćenoj službenoj osobi prestaje radni odnos i u slučaju:

- Da prestane ispunjavati posebne uvjete na osnovu kojih je zasnovala radni odnos;
- da odbije da radi na poslovima i zadacima na koje je raspoređena;
- da odbije da izvrši zakonito naređenje, izdato radi vršenja poslova i zadataka iz nadležnosti Ministarstva Kantona;

- da se utvrdi da obavlja drugu službu ili posao, odnosno da obavlja dodatno zanimanje bez odobrenja ministra i
- da se utvrdi da svojim radom, stručnim i drugim sposobnostima, ne može odgovarati zahtjevima izvršavanja poslova i zadataka na koje je raspoređena ili ako ne ostvaruje predviđene rezultate rada.

U slučaju iz alineje 1. do 5. stava 1. ovog člana radni odnos prestaje danom uručenja rješenja o prestanku radnog odnosa. Ukoliko radnik bude izabran u Skupštinu Kantona, njegova prava i obaveze iz radnog odnosa, dok obavlja tu dužnost, miruju.

Član 63.

Kada to zahtijeva potreba izvršavanja značajnih i neodložnih poslova i zadataka, ministar može radniku Ministarstva Kantona prekinuti korišćenje godišnjeg odmora.

U slučaju iz stava 1. ovog člana, radniku pripada naknada putnih i drugih troškova koji su nastali zbog prekida korišćenja godišnjeg odmora. Ministar utvrđuje koji troškovi, osim putnih troškova i u kojoj visini se priznaju zbog prekida godišnjeg odmora.

Član 64.

Radnicima koji obavljaju poslove ovlašćene službene osobe plaća se uvećava do 35%.

Procenat uvećanja po pojedinim poslovima i zadacima utvrđuje ministar rješenjem.

Finansijska sredstva za plaće ovlašćenih službenih osoba Ministarstva Kantona, zbog posebnih uslova rada i prirode poslova i zadataka koje obavljaju, Ministarstvu Kantona se obezbjeđuju uvećana do 35% u odnosu na sredstva koja se obezbjeđuju za plaće radnika u drugim kantonalnim organima državne uprave.

Član 65.

Zbog posebnih uslova rada i prirode poslova i zadataka koje vrše, ovlašćenim službenim osobama u Ministarstvu Kantona koje neposredno vrše operativne poslove i zadatke javne bezbjednosti i radnicima čije su odgovornosti i poslovi i zadaci koje vrše u vezi sa ovim poslovima (u daljem tekstu: ovlašćene službene osobe) računa se svakih efektivno provedenih 12. mjeseci na tim poslovima i zadacima, kao 16 mjeseci staža osiguranja.

Član 66.

Kada to interes službe zahtijeva, radniku Ministarstva Kantona koji ima najmanje 20 godina penzijskog staža, od čega najmanje 10 godina efektivno provedenih na poslovima i zadacima na kojima se staž osiguranja računa u uvećanom trajanju može, i bez njegovog pristanka, prestati radni odnos sa pravom na starosnu penziju i prije ispunjenja općih uslova za sticanje prava na starosnu penziju.

Kao staž ostvaren u Ministarstvu Kantona, u smislu stava 1. ovog člana, smatra se i staž proveden na odgovarajućim poslovima u ministarstvima unutrašnjih poslova Republike i Federacije Bosne i Hercegovine.

O prestanku radnog odnosa po odredbama stava 1. ovog člana odlučuje ministar.

Član 67.

Radnik Ministarstva Kantona koji, u vršenju ili povodom vršenja službenog posla ili zadatka, izgubi život, sahranit će se o trošku Ministarstva Kantona u mjestu koje odredi njegova porodica.

Porodici koju je poginuli radnik izdržavao, pripada jednokratna novčana pomoć u visini ukupnog iznosa plaća koje je radnik ostvario u posljednjih šest mjeseci.

Naknada iz stava 2. ovog člana isplaćuje se iz sredstava Ministarstva Kantona.

Član 68.

Ovlašćenoj službenoj osobi za vrijeme privremene nesposobnosti za rad zbog bolesti ili zbog povrede zadobijene u vršenju ili u vezi sa vršenjem poslova i zadataka na koje je raspoređena, pripada naknada u visini plaće ostvarene u mjesecu koji je prethodio nastupanju slučaja, na osnovu kojeg ostvaruje pravo na naknadu.

Razliku između naknade za vrijeme privremene nesposobnosti koju osigurava nadležni fond zdravstvenog osiguranja i visine plaće iz stava 1. ovog člana osigurava Ministarstvo Kantona.

Član 69.

Organizacionim jedinicama i radnicima Ministarstva mogu se dodjeljivati pohvale, nagrade i druga priznanja za naročito zalaganje i postignute uspjehe u izvršavanju radnih zadataka.

Pohvale, nagrade i druga priznanja iz stava 1. ovog člana utvrđuje i dodjeljuje ministar.

Član 70.

Ministarstvo organizuje i neposredno provodi stručno osposobljavanje i usavršavanje radnika na radu u Ministarstvu Kantona i školovanju kandidata za rad u njemu.

Poslovi iz stava 1. ovog člana obavljaju se putem školovanja, kurseva i drugih oblika stručnog osposobljavanja i usavršavanja.

Član 71.

Radi obavljanja poslova iz člana 70. ovog zakona za svoje potrebe, Ministarstvo Kantona može organizovati rad srednje policijske škole (u daljem tekstu: škola).

Na školu se primjenjuju propisi o srednjem obrazovanju ako ovim zakonom nije drugačije određeno.

Školu osniva Skupština Kantona.

Član 72.

Ministar utvrđuje plan i program stručnog osposobljavanja i usavršavanja radnika Ministarstva Kantona, nastavni plan i program škole, posebne uvjete koje treba da ispunjavaju kandidati za redovne učenike škole, međusobna prava i obaveze Ministarstva Kantona i učenika škole i njihovih roditelja, uvjete za smještaj u internatu i druga pitanja od značaja za rad škole i unutrašnji red.

Nastava iz vojnih predmeta u školi izvodi se po nastavnom planu i programu koji donosi nadležni organ Federacije za poslove odbrane.

Član 73.

Redovno školovanje učenika u školi traje četiri godine.

Član 74.

Međusobna prava i obaveze Ministarstva Kantona i redovnih učenika škole i njihovih roditelja utvrđuju se posebnim ugovorom.

Član 75.

Ministarstvo Kantona može organizovati kurs za policajce u trajanju od tri do šest mjeseci.

Na kurs za policajce može biti primljena osoba koja ispunjava opće uvjete za zasnivanje radnog odnosa u Ministarstvu Kantona i posebne uvjete koje utvrđuje ministar.

Član 76.

Ukupan broj polaznika, dužina trajanja i nastavni plan i program kursa za policajce iz člana 75. ovog zakona utvrđuju se u zavisnosti od potreba Ministarstva Kantona.

Polazniku kursa za policajce za vrijeme trajanja kursa osigurava se smještaj i ishrana, uniforma, obuća i rublje, udžbenici, zdravstveno i invalidsko osiguranje, ukoliko to osiguranje nemaju po drugom osnovu, mjesečna primanja za neophodne osobne izdatke.

Iznos mjesečnih primanja za neophodne osobne izdatke polaznika iz stava 1. ovog člana utvrđuje Vlada Kantona na prijedlog ministra.

Član 77.

Polaznik kursa za policajce koji samovoljno napusti kurs, zbog svoje krivice bude isključen sa kursa, ne završi kurs sa uspjehom ili se po završetku kursa ne javi na rad ili ne ostane na radu u Ministarstvu Kantona, odnosno uslijed njegove krivice radni odnos prestane prije isteka ugovorenog roka, dužan je nadoknaditi troškove kursa, odnosno srazmjeran dio tih troškova.

Član 78.

Osoba koja završi školu ili kurs za policajca raspoređuje se u skladu sa ugovornim obavezama u Ministarstvo Kantona u statusu pripravnika.

Pripravnički staž iz stava 1. ovog člana traje šest mjeseci.

Za vrijeme pripravničkog staža, pripravnik se osposobljava za obavljanje poslova i zadataka policajca kroz praktični rad.

Po isteku pripravničkog staža, a najkasnije u roku od šest mjeseci od završetka pripravničkog staža, pripravnik je dužan položiti stručni ispit.

Član 79.

Postupak za utvrđivanje disciplinske odgovornosti pokreće i vodi ministar ili rukovodeći radnik koga on ovlasti. Disciplinski postupak bliže se uređuje pravilnikom koji donosi ministar.

Član 80.

Pored težih povreda radne dužnosti utvrđenih federalnim zakonom, kao teža povreda radne dužnosti radnika Ministarstva Kantona smatra se i: - nemarno vršenje poslova i zadataka koje može dovesti do povrede propisa o čuvanju državne i službene tajne ili odavanje državne ili službene tajne; - samovoljno napuštanje radnog mjesta ili mjesta osiguranja određenih zgrada ili osoba; - nepreduzimanje ili nedovoljno preduzimanje mjera, u okviru svoje dužnosti, potrebnih za sigurnost objekata, saobraćajnih i drugih sredstava, osoba i povjerenih stvari; - nezakonito raspolaganje sredstvima ili protivpravno pribavljanje osobne i materijalne koristi u vezi sa vršenjem poslova i zadataka; - nepreduzimanje ili nedovoljno preduzimanje mjera ili nepružanje pomoći u okviru svojih prava i dužnosti drugim radnicima Ministarstva Kantona kada izvršavaju službene radnje; - prikrivanje činjenica u pogledu vremena, obima i načina izvršavanja službenih radnji ili upotrebe sredstava prinude od strane drugog radnika Ministarstva Kantona kada je izvršenjem te radnje, odnosno upotrebom sredstava prinude učinio težu povredu radne dužnosti; - svaka radnja, odnosno propuštanje radnje, koja onemogućava, ometa ili otežava vršenje službenih zadataka; - neukazivanje pravne

i druge stručne pomoći u okviru svojih prava i dužnosti neukoj stranci u ostvarivanju njenih zakonskih prava i pravnih interesa; - ponašanje koje šteti ugledu Ministarstva Kantona; - izbjegavanje obaveza u vezi sa stručnim osposobljavanjem i usavršavanjem; - izbjegavanje ljekarskih pregleda radi utvrđivanja sposobnosti za rad.

Član 81.

Radnik Ministarstva Kantona udaljit će se privremeno sa poslova i zadataka koje vrši u Ministarstvu Kantona kada je protiv njega pokrenut krivični ili disciplinski postupak, ako se s obzirom na prirodu krivičnog djela, odnosno teže povrede radne dužnosti, okolnosti pod kojima su oni izvršeni i druge okolnosti, može osnovano zaključiti, da bi bilo štetno po interes službe da radnik i dalje ostane na poslovima i zadacima koje obavlja u Ministarstvu Kantona.

Rješenje o mjeri privremenog udaljenja po odredbama stava 1. ovog člana donosi ministar.

Ovlašćenoj službenoj osobi kojoj je izrečena mjera privremenog udaljenja iz Ministarstva Kantona, kao i ovlašćenoj službenoj osobi kojoj je izrečena mjera privremenog udaljenja sa poslova i zadataka koje vrši, ako se rasporedi na poslove i zadatke koje ne vrše ovlašćene službene osobe, oduzima se oružje, službena legitimacija i značka koji su mu dati kao ovlašćenoj službenoj osobi i za to vrijeme ne smije nositi uniformu.

Odredba stava 3. ovog člana shodno se primjenjuje i prema radniku kome je izrečena disciplinska mjera raspoređivanja na druge poslove i zadatke.

Član 82.

Prigovor koji se podnosi na rješenje kojim se odlučuje o pravima i dužnostima radnika ne odlaže izvršenje rješenja.

VIII PRIJELAZNE I ZAVRŠNE ODREDBE

Član 83.

Vlada Kantona će donijeti bliže propise:

- o činovima u policiji Ministarstva Kantona i zvanjima drugih ovlašćenih službenih osoba u Ministarstvu Kantona;
- o naoružanju i opremi policije Ministarstva Kantona i drugih radnika Ministarstva Kantona;
- o kantonalnim oznakama.

Član 84.

Ministar će donijeti propise o:

- vršenju poslova i zadataka policije i drugih ovlašćenih osoba Ministarstva Kantona;
- upotrebi sredstava prinude i vatrenog oružja policije i drugih ovlašćenih službenih osoba Ministarstva Kantona;
- legitimaciji ovlašćenih službenih osoba Ministarstva Kantona (obrascu i sadržaju obrasca, postupku za izdavanje, roku važenja i načinu vođenja evidencije o legitimacijama ovlašćenih službenih osoba);
- programu i načinu polaganja stručnog ispita i o troškovima u vezi sa polaganjem stručnog ispita u Ministarstvu Kantona;
- materijalnom poslovanju sa predmetima naoružanja i opreme u Ministarstvu Kantona;
- vremenu trajanja uniforme.

Član 85.

Ministarstvo Kantona će preuzeti sve radnike CSB Tuzla u sjedištu i stanica javne bezbjednosti CSB Tuzla koji su bili u radnom odnosu na dan 1. februara 1996. godine u CSB ili stanici javne

bezbjednosti, izuzev osoba kojima je, u skladu sa zakonom, u međuvremenu od 1. februara 1996. godine do stupanja na snagu ovog zakona prestao radni odnos, i rasporedit ih u skladu sa pravilnikom o unutrašnjoj organizaciji Ministarstva Kantona.

Radnicima iz stava 1. ovog člana koji ne ispunjavaju propisane uslove ili onima koji iz drugih razloga ne budu raspoređeni u Ministarstvu Kantona prestaje radni odnos u roku od tri mjeseca od dana stupanja na snagu pravilnika iz tog stava.

Radnici iz stava 2. ovog člana mogu ostvariti pravo na penziju, ako za to ispunjavaju uvjete koji su važili na dan stupanja na snagu ovog zakona.

Član 86.

Pravilnik o unutrašnjoj organizaciji Ministarstvo Kantona će donijeti u roku od 15 dana od dana stupanja na snagu ovog zakona.

Propisi iz ovog zakona donijet će se u roku od dva mjeseca od stupanja na snagu ovog zakona.

Do stupanja na snagu propisa iz stava 1. ovog člana i drugih propisa u oblasti unutrašnjih poslova iz nadležnosti Kantona i Federacije shodno će se primjenjivati zatečeni propisi koji su bili na snazi na području Kantona do dana stupanja na snagu ovog zakona.

Član 87.

Ovaj zakon stupa na snagu danom objavljivanja u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Skupština

Broj: 01-011-150-5/96

Tuzla, 8. jula 1996. g.

Predsjedavajući
Skupštinom
Tuzlansko-podrinjskog
kantona
Mustafa Ramić, v.r.

185

Na temelju članka 11. stavak 1. točka b. Ustavnog zakona Tuzlansko-podrinjskog kantona ("Službene novine Tuzlansko-podrinjskog kantona", broj: 1/94), Sabor Tuzlansko-podrinjskog kantona, na prijedlog Vlade Tuzlansko-podrinjskog kantona, na sjednici od 8. srpnja 1996. godine, donosi

ZAKON

O UNUTARNJIM POSLOVIMA TUZLANSKO-PODRINJSKOG KANTONA

I OSNOVNE ODREDBE

Članak 1.

Ovim zakonom uređuju se unutarnji poslovi iz nadležnosti Tuzlansko-podrinjskog kantona (u daljem tekstu: Kanton) i način obnašanja tih poslova, uređuju se dužnosti i ovlašćenja djelatnika Ministarstva unutarnjih poslova Tuzlansko-podrinjskog kantona, (u daljem tekstu: Ministarstvo Kantona) školovanje, stručno osposobljavanje i usavršavanje djelatnika.

Članak 2.

Unutarnji poslovi iz nadležnosti Kantona su:

- Zaštita od nasilne promjene ili ugrožavanja ustavom utvrđenog poretka;
- poslovi i zadaće policije, osim poslova koji su u nadležnosti policije Federacije;

- poslovi i zadaće policije koje Ministarstvu Kantona povjeri Ministarstvo unutarnjih poslova Federacije (u daljem tekstu: Ministarstvo Federacije);
- osiguranje određenih osoba i zgrada Kantona;
- praćenje, nadziranje i usmjeravanje rada policijskih uprava;
- poslovi i zadaće koji se odnose na:
 - osobne karte, osobno ime, prijavljivanje prebivališta i boravišta građana, matične knjige, jedinstveni matični broj građana, provođenje postupka i izdavanje osobne isprave, održavanje javnih skupova, udruženja stranaca i međunarodne organizacije, kretanje i boravak stranaca, provođenje postupka izdavanja odobrenja za nabavljanje, držanje i nošenje oružja i municije, registriranja oružja, registriranja motornih vozila, polaganje vozačkih ispita i izdavanje vozačkih dozvola, zaštita od požara i eksplozija i uporaba vatrogasnih jedinica, te drugi poslovi i zadaće određeni zakonom.

Članak 3.

Ministarstvo Kantona organizovat će zdravstvenu zaštitu pripadnika Ministarstva Kantona i njihovih porodica, obitelji poginulih pripadnika Ministarstva Kantona i invalida i njihovih obitelji.

Članak 4.

Unutarnji poslovi su poslovi od općeg interesa za Kanton.

Članak 5.

Unutarnje poslove iz članka 2. ovog zakona na teritoriji Kantona vrši Ministarstvo Kantona.

Članak 6.

Građani, poduzeća i druge pravne osobe obavezni su da postupke po naređenjima koja Ministarstvo Kantona i ovlaštene službene osobe Ministarstva Kantona izdaju na osnovu zakonskih ovlaštenja.

Članak 7.

Poslove koji se odnose na posebno osiguranje određenih ličnosti i zgrada obnaša Ministarstvo Kantona.

Vlada Tuzlansko-podrinjskog kantona (u daljem tekstu: Vlada Kantona) određuje koje ličnosti i zgrade se posebno osiguravaju i uređuje način njihovog osiguravanja.

Članak 8.

U slučaju kada Ministarstvo Kantona u obnašanju poslova iz svoje nadležnosti dođe do saznanja da se priprema izvršenje krivičnog djela iz nadležnosti Federacije, odnosno da je takvo krivično djelo izvršeno, preduzet će neophodne mjere i radnje u cilju izravnog spriječavanja izvršenja tog djela, odnosno otkrivanja i uhićenja izvršilaca tog krivičnog djela i o tome odmah obavijestiti Ministarstvo Federacije.

Članak 9.

Djelatnici Ministarstva Kantona, a poglavito ovlaštene službene osobe dužni su u obnašanju poslova i zadaća čuvati život ljudi i ljudsko dostojanstvo i mogu primjenjivati samo zakonom predviđene mjere prinude, kojima se sa najmanje štetnih posljedica za građane, poduzeća i druge pravne osobe, kao i druge državne organe i njihova prava, postiže izvršenje posla, odnosno zadaće.

Članak 10.

U slučaju kada je Ministarstvu Kantona povjereno obnašanje poslova iz nadležnosti Federacije i u obnašanju poslova iz zajedničke nadležnosti Kantona i Federacije, Ministarstvo

Kantona izravno primjenjuje zakone i druge propise koji su obvezujući u cijeloj Federaciji.

Nadzor nad sprovođenjem propisa iz stavka 1. ovog članka može vršiti Ministarstvo Federacije uz učešće Ministarstva Kantona, a Ministarstvo Kantona ima pravo sudjelovati u utvrđivanju politike i donošenju propisa koji se odnose na svaku od tih nadležnosti.

Članak 11.

Radi ostvarivanja javnosti rada, Ministarstvo Kantona izvješćuje javnost o pitanjima iz svog djelokruga, koja su od značaja za građane, poduzeća i druge pravne osobe, kao i o mjerama za njihovo rješavanje.

Davanje obavijesti i podataka uskratice se kada se radi u državnoj, vojnoj ili službenoj tajni.

Podatke i obavijesti za javnost, u smislu odredaba prethodnih stavova, daje ministar za unutarnje poslove (u daljem tekstu: ministar) ili radnik koga on za to ovlasti.

II ORGANIZACIJA I NADLEŽNOSTI MINISTARSTVA KANTONA

Članak 12.

Unutarnje poslove iz nadležnosti Kantona vrši Ministarstvo Kantona u sjedištu i policijske uprave.

Policijske uprave se obrazuju za područje jedne ili više općina Kantona.

Policijskom upravom rukovodi načelnik koga postavlja ministar.

Policijska uprava ima jednu ili više policijskih postaja. Policijskom postajom rukovodi komandir, koga postavlja ministar.

Članak 13.

Ministarstvo Kantona vrši slijedeće poslove i zadaće:

- Zaštita od nasilne promjene ili ugrožavanja ustavom utvrđenog poretka;
- izravno sprovodi politiku Kantona, izvršava kantonalne i federalne zakone iz svoje nadležnosti i o tome izvješćuje Skupštinu, predsjednika i Vladu Kantona;
- rješava u upravnim postupcima utvrđenim zakonom;
- zaštita od požara i eksplozija, nadzor nad radom vatrogasnih postrojbi;
- vrši nadzor nad sprovođenjem kantonálnih zakona i drugih propisa;
- prati, usmjerava i usklađuje rad policijskih uprava, naročito u poslovima i zadaćama policije, a u složenijim slučajevima, po potrebi, izravno poduzima mjere za spriječavanje i otkrivanje krivičnih djela i pronalaženje i hvatanje njihovih počinitelja, pruža strukovnu pomoć policijskim upravama i vrši nadzor nad njihovim radom;
- izravno sudjeluje u vršenju poslova i zadaća zaštite života i osobne sigurnosti građana, kao i zaštiti zgrada i drugih materijalnih dobara u slučaju opće opasnosti ili kad je javni red i mir narušen u većem obimu, kao i u slučaju terorističkog i drugog nasilnog djelovanja, odnosno oružane pobune;
- vrši nadzor glede izvršavanja unutarnjih poslova koji su povjereni drugim organima, poduzećima i drugim pravnim osobama;
- priprema prijedlog organizacije i ukupnog broja aktivnog i rezervnog sastava policije u Kantonu i kriterije za njihovo popunjavanje;

- vrši mobiliziranje i angažiranje rezervnog sastava policije u slučajevima izvanrednog stanja, a na temelju odluke Vlade Kantona;
- vrši nabavku naoružanja, opreme i materijalno-tehničkih sredstava za potrebe aktivnog i rezervnog sastava Ministarstva Kantona, koja se osiguravaju u proračunu Kantona za ove svrhe;
- utvrđivanje programa stručnog osposobljavanja i usavršavanja aktivnog i rezervnog sastava policije i drugih ovlaštenih službenih osoba i vrši provjeru njihove osposobljenosti, stara se o njihovom realiziranju i naređuje izvođenje odgovarajućih vježbi;
- stara se o primjeni i usavršavanju stručnih i znanstvenih metoda u radu i sadržaju rada policije;
- vrši planiranje, organizovanje, održavanje i izgradnju jedinstvenog i funkcionalnog sustava veza, obavlja poslove prijenosa i zaštite informacija i protivelektronske zaštite sustava veza;
- vrši složenija kriminalističko-tehnička vještačenja za potrebe policijskih uprava;
- stara se o uvođenju i primjeni suvremenih znanstvenih dostignuća u suzbijanju kriminaliteta;
- znanstveno-istraživačke poslove neophodne za osiguranje djelatnosti policije;
- objavljuje kantonalne potrage i izdaje odgovarajuće glasilo o potragama;
- osiguravaju jedinstvenu obradu podataka iz oblasti unutarnjih poslova;
- vodi propisane i druge potrebne statističke i operativne evidencije i stara se o vođenju tih evidencija u policijskim upravama;
- vrši kontrolu kretanja i boravka stranaca;
- vrši zdravstvenu zaštitu pripadnika Ministarstva Kantona i njihovih obitelji;
- dostavlja Ministarstvu Federacije operativne podatke i obavijesti kao i statističke podatke u svezi s poslovima iz zajedničke nadležnosti Kantona i Federacije i poslovima iz nadležnosti Federacije, čije je vršenje povjereno Ministarstvu Kantona;
- vrši i druge poslove i zadaće koji su mu ovim i drugim zakonima stavljani u nadležnost.

Ministarstvo Kantona može vršiti kriminalističko-tehnička vještačenja na zahtjev drugih državnih organa.

Članak 14.

Policijske uprave rješavaju u prvostepenom upravnom postupku ukoliko to posebnim zakonom nije stavljeno u nadležnost Ministarstva Kantona.

Ministarstvo Kantona rješava po žalbama izjavljenim na odluku policijskih uprava u prvostepenom upravnom postupku i rješava u prvostepenom upravnom postupku u stvarima koje su mu zakonom stavljene u nadležnost.

Članak 15.

Policijske uprave dužne su da pruže pomoć radi osiguranja izvršenja poslova i zadaća koji spadaju u nadležnost drugih državnih organa i poduzeća i drugih pravnih osoba, kad oni na temelju zakona vrše javna ovlaštenja, ako se prilikom tih poslova i zadaća naiđe na fizički otpor ili se takav otpor može osnovano očekivati.

O načinu i obimu pružanja pomoći u smislu prethodnog stava odlučuje načelnik policijske uprave.

Načelnik policijske uprave, kada ocijeni da se prilikom pružanja pomoći iz stava 1. ovog članka može očekivati da će doći do organizovanog i masovnog fizičkog otpora ili uporabe oružja, dužan je prije donošenja odluke iz prethodnog stava pribaviti suglasnost ministra.

Članak 16.

Ministarstvo Kantona u vlakovima za prijevoz putnika organizira i vrši poslove i zadaće zaštite života i osobne sigurnosti građana, spriječavanje izvršenja krivičnih djela i otkrivanje krivičnih djela, pronalaženje i uhićenje učinilaca krivičnih djela i održavanje javnog reda i mira.

Članak 17.

Za obavljanje poslova i zadaća iz članka 13. stavak 1. alineja 7. ovog zakona, koje, s obzirom na njihovu prirodu, treba da obnašaju policajci, u Ministarstvu Kantona u sjedištu obrazuju se odgovarajuće postrojbe policije.

Starješine postrojbi iz prethodnog stavka postavlja i razrješava ministar.

Članak 18.

Kada to interes javnog poretka ili održavanje javnog reda i mira zahtijeva, ministar može od djelatnika policije kao i od učenika srednje policijske škole koji su navršili 18 godina života i od polaznika tečaja za policajce, obrazovati jednu ili više postrojbi policije za izvršenje određenog posla i zadaća.

O organiziranju postrojbi policije iz prethodnog stavka, ministar je dužan obavijestiti Vladu Kantona. Aktom o organiziranju postrojbe policije iz stavka 1. ovog članka određuje se njen sastav, starješina, naoružanje i oprema. Za izvršavanje postavljenih poslova i zadaća, starješina postrojbe policije odgovoran je ministru.

Učenici srednje policijske škole i polaznici tečaja za policajce iz stavka 1. ovog članka, u izvršavanju poslova i zadaća radi kojih je osnovana postrojba policije, smatraju se ovlaštenim službenim osobama.

Članak 19.

Kad interesi odbrane ili zaštite ustavnog poretka zahtijevaju, ministar može naredbom za određeno vrijeme ograničiti ili zabraniti kretanje ili okupljanje osobama na cjelokupnoj teritoriji ili na dijelu teritorije Kantona, uz prethodno pribavljeno mišljenje Vlade Kantona.

Ministar može svojom naredbom, zbog razloga iz stavka 1. ovog članka, za određeno vrijeme zabraniti ili ograničiti kretanje ili okupljanje osobama na određenom području ili javnom mjestu, za određeno vremensko razdoblje, o čemu je dužan odmah obavijestiti predsjednika i Vladu Kantona.

Osobama čija je djelatnost usmjerena ili postoji osnovana sumnja da bi mogla biti usmjerena na ugrožavanje sigurnosti ili javnog poretka, ministar može svojim rješenjem narediti boravak u određenom mjestu ili zabraniti napuštanje određenog mjesta sa obvezom javljanja organizacijskoj postrojbi Ministarstva Kantona određenoj tim rješenjem. Ove mjere mogu trajati dok postoje uvjeti zbog kojih su poduzete.

Protiv rješenja iz stavka 3. ovog članka, može se izjaviti žalba Vladi Kantona u roku od osam dana od prijema rješenja. Žalba ne odlaže izvršenje rješenja.

Članak 20.

Ministarstvo Kantona je dužno da predsjednika i Vladu i druge organe Kantona redovito i blagovremeno informira o sigurnosnim saznanjima do kojih njihove službe dolaze u obnašanju poslova i zadataka iz svoje nadležnosti.

Članak 21.

Pravilnikom o unutarnjoj organizaciji Ministarstva Kantona utvrđuju se poslovi koje vrše policijske uprave i policijske postaje, vodeći računa o njihovoj kadrovskoj, materijalnoj i tehničkoj osposobljenosti, kao i o broju stanovnika, površini i drugim bitnim

karakteristikama područja općine za koje se organizira policijska uprava, odnosno policijska postaja.

Članak 22.

Pravilnik o unutarnjoj organizaciji Ministarstva Kantona, uz prethodno pribavljenu suglasnost Vlade Kantona, donosi ministar.

Pravilnikom iz stavka 1. ovog članka utvrđuje se osobito:

- Organizacione jedinice i njihov djelokrug;
- sistematizacija radnih mjesta, broj djelatnika u organizacionim jedinicama i na pojedinim radnim mjestima i uvjeti koje trebaju ispunjavati djelatnici za raspoređivanje na određena radna mjesta;
- način rukovođenja radom organizacijskih jedinica, kao i posebna prava i ovlaštenja djelatnika u vršenju poslova i zadaća;
- način rada organizacijskih jedinica u okvirima jedinstvenog rukovođenja Ministarstvom Kantona i utvrđivanja djelokruga po mjesnoj i stvarnoj nadležnosti pojedinih unutrašnjih organizacijskih jedinica.

Ukupan broj djelatnika Ministarstva Kantona mora odražavati nacionalnu strukturu pučanstva Kantona, kao i približnu, teritorijalnu zastupljenost rukovodnih i ostalih ovlašćenih djelatnika sa područja Kantona.

III RUKOVOĐENJE MINISTARSTVOM

Članak 23.

Ministarstvom Kantona rukovodi ministar.

Ministar predstavlja Ministarstvo Kantona.

U cilju provođenja kantonalne politike i izvršavanja kantonalnih zakona ili izvršavanja zadaća datih od strane predsjednika Kantona, ministar osobito:

- Predlaže donošenje zakona i drugih propisa iz nadležnosti Ministarstva Kantona;
- organizira rad Ministarstva Kantona i osigurava njegovo zakonito i efikasno funkcioniranje;
- donosi pravilnike, naredbe, uputstva, instrukcije i druge akte iz svoje nadležnosti radi izvršenja zakona i drugih propisa Kantona u oblasti unutarnjih poslova;
- pomaže predsjedniku Kantona u izvršavanju i provođenju politike Kantona;
- preduzima, odnosno predlaže preduzimanje mjera u oblasti unutarnjih poslova iz nadležnosti Kantona;
- osigurava i ostvaruje suradnju Ministarstva Kantona sa drugim državnim organima;
- stara se o ostvarivanju zakonitosti rada Ministarstva Kantona i daje podatke i obavjesti za javnost;
- obrazuje upravne i druge stručne komisije i odgovarajuća djelatna tijela za izvršavanje određenih poslova iz nadležnosti Ministarstva Kantona;
- odlučuje o korišćenju sredstava za rad Ministarstva Kantona;
- odlučuje o pravima i dužnostima djelatnika Ministarstva Kantona;
- izvršava druge poslove i zadaće koje mu povjeri predsjednik Kantona, kao i druge poslove utvrđene zakonima.

Članak 24.

Doministar pomaže ministru u izvršavanju njegovih nadležnosti.

Zamjenjuje ministra ukoliko ovaj nije u mogućnosti da obavlja svoju funkciju ili ako je mjesto ministra upražnjeno, dok novi ministar ne preuzme dužnost.

IV POLICIJA

Članak 25.

Poslove i zadaće javne sigurnosti u Ministarstvu Kantona vrši policija.

Članak 26.

Policija vrši upravne, stručne i druge poslove i zadaće koji se odnose poglavito na: zaštitu života i osobne sigurnosti ljudi, zaštitu imovine, spriječavanje i otkrivanje krivičnih djela, pronalaženje i hvatanje učinilaca krivičnih djela i njihovo privođenje nadležnim organima u slučajevima kada to nije u nadležnosti sudbene policije, održavanje javnog reda i mira, vršenje kriminalističko-tehničkih poslova, sigurnost i nadzor, te reguliranje prometa na putevima, policijski nadzor preko državne granice, kretanje i boravak u graničnom pojasu, boravak i kretanje stranaca, zaštitu određenih osoba i zgrada.

Članak 27.

Poslove i zadaće neposrednog održavanja javnog reda i mira, zaštite od terorističkog i drugog nasilnog djelovanja, odnosno oružane pobune, spriječavanja i otkrivanja krivičnih djela, nadzora i reguliranja prometa na cestama, policijskog nadzora prelaska preko državne granice, poslove i zadaće osiguranja u željezničkom prometu, kao i druge poslove i zadaće iz prethodnog članka, čija priroda i uvjeti u kojima se obnašaju zahtijevaju da ih izvršavaju ovlašćene službene osobe u uniformi vrše pripadnici policije u uniformi (u daljem tekstu: policajac), a po potrebi pripadnici policije pričuvnog sastava.

Policajci nose propisanu uniformu sa određenim oznakama i u skladu sa propisima u obnašanju službe naoružani su. Ministar ili djelatnik koga on za to ovlasti mogu odrediti da policajci određene poslove i zadaća vrše u civilnom odijelu. Kad interesi javnog poretka ili održavanje javnog reda i mira zahtijevaju, ministar ili djelatnik koga on za to ovlasti može narediti da druge ovlašćene službene osobe izvršavaju određene policijske poslove i zadaće u uniformi.

Članak 28.

Rukovođenje u Ministarstvu Kantona zasniva se na načelima jedinstvenog rukovođenja izvršavanjem poslova iz djelokruga Ministarstva Kantona i odlučivanja o usmjeravanju rada i upotrebi snaga i sredstava službe za zaštitu ustavnog poretka i policije, kao i obveznog izvršavanja odluka, naredjenja i rješenja neposrednog rukovodioca, odnosno starješine.

Ovlašćene službene osobe dužne su izvršiti naredjenje ministra odnosno izravnog rukovoditelja izdata radi obnašanja službenih poslova i zadaća iz nadležnosti Kantona, osim onih čije bi izvršenje bilo suprotno ustavu i zakonu.

V DUŽNOSTI I PRAVA OVLAŠĆENIH SLUŽBENIH OSOBA

Članak 29.

Određeni djelatnici Ministarstva Kantona u obnašanju poslova i zadaća policije imaju posebne dužnosti i ovlaštenja određene ovim zakonom (u daljem tekstu: ovlašćene službene osobe).

Ovlašćenim službenim osobama smatraju se djelatnici koji izravno rade na operativnim poslovima i zadaćama iz nadležnosti

Ministarstva i drugi djelatnici čiji poslovi i zadaće i odgovornost su u izravnoj svezi s obnašanjem ovih poslova i zadaća.

Ministar utvrđuje koji djelatnici se smatraju ovlaštenim službenim osobama. Ovlaštenim službenim osobama izdaje se službena iskaznica i značka.

Ovlašćene službene osobe imaju pravo i dužnosti da, sukladno sa propisima o vršenju poslova i zadaća policije, drže i nose oružje.

Ovlašćene službene osobe daju svečanu izjavu pred ministrom ili djelatnikom koga on za to ovlasti.

Tekst svečane izjave glasi:

"Izjavljujem, da ću dužnosti ovlašćene službene osobe vršiti savjesno i odgovorno da ću se pridržavati ustava i zakona Federacije i Kantona i da ću svim svojim snagama štiti prava, slobode i sigurnost građana i da ću zadatke ovlašćene službene osobe obnašati i u slučajevima kada to dovodi u opasnost moj život".

Članak 30.

Ovlašćene službene osobe dužne su da poslove i zadaće zaštite života i osobne sigurnosti građana, spriječavanje izvršenja krivičnih djela i hvatanje njihovih počinitelja, kao i poslove i zadaće održavanja javnog reda i mira obnašaju u svakoj prilici bez obzira da li se nalaze na službenoj dužnosti i da li im je to posebno stavljeno u zadaću.

Ovlašćene službene osobe dužne su da poslove i zadaće policije obnašaju i u slučaju kada obnašanje tih poslova i zadataka dovodi u opasnost i njihov život.

Članak 31.

Kad ovlašćena službena osoba u civilnom odijelu izdaje naređenje ili vrši drugo posebno ovlašćenje što proizilazi iz odredaba ovog zakona prema pojedincu ili pravnoj osobi, dužna je da stavi na uvid iskaznicu ako to okolnosti dozvoljavaju.

U slučaju iz prethodnog stavka dužna je da pokaže iskaznicu i ovlašćena službena osoba u uniformi ako to zahtijeva osoba prema kojoj vrši posebno ovlašćenje.

Članak 32.

Ovlašćene službene osobe kada obnašaju poslove i zadaće na sredstvima javnog prijevoza, imaju pravo na besplatan prijevoz tim sredstvima i na osiguranje koje imaju osobe u javnom prijevozu.

Ovlašćena službena osoba može koristiti besplatan prijevoz po odredbi prethodnog stavka samo ako ima pismeni nalog za vršenje poslova i zadaća na odnosnom prometnom sredstvu.

Članak 33.

U vršenju poslova i zadaća radi zaštite života i osobne sigurnosti građana, zaštite imovine od uništenja, oštećenja ili krađe, održavanja javnog reda i mira, sigurnosti prometa na cestama, kao i u slučajevima opće opasnosti prouzrokovane elementarnim nepogodama ili epidemijama, ministar i drugi radnik koga on za to odredi, a u hitnim slučajevima i druge ovlašćene službene osobe, mogu izdavati potrebna naređenja građanima, poduzećima i drugim pravnim osobama.

Članak 34.

U vršenju službenih poslova i zadataka ovlašćene službene osobe imaju pravo da zatraže iskaznicu od osoba kada je to potrebno za izvršenje poslova i zadaća i da ih, u slučajevima predviđenim zakonom, privedu ili dovedu nadležnom organu.

Članak 35.

U slučajevima predviđenim u zakonu kojim je uređen krivični postupak ovlašćene službene osobe imaju pravo da privedu osobu ukoliko se radi o krivičnim djelima iz nadležnosti Ministarstva Kantona.

Članak 36.

Pored slučajeva predviđenih u Zakonu o krivičnom postupku ovlašćene službene osobe imaju pravo da privedu i osobu:

1. koja remeti ili ugrožava javni red i mir ili ugrožava sigurnost prometa, ako se uspostavljanje javnog reda i mira ili otklanjanje ugrožavanja ne može postići na drugi način;
2. koja ugrožava sigurnost druge osobe ozbiljnom prijetnjom da će napasti na njen život ili tijelo;
3. prema kojoj se po Zakonu o prekršajima može primijeniti mjera zadržavanja;
4. čiji identitet se ne može utvrditi na licu mjesta, a postoje osnovi sumnje da je izvršila teži prekršaj protiv javnog reda i mira ili krivično djelo za koje se tjera po službenoj dužnosti.

U Ministarstvu Kantona u sjedištu ili policijskoj upravi osoba iz točke 1, 2 i 3. stavka 1. ovog članka može se zadržati najduže 24 sata, a osoba iz točke 4. stavka 1. ovog članka najduže 3 dana.

Izostavno od odredbe stavka 1. ovog članka, do tri dana može se zadržati i osoba koju su izručili inozemni organi, kao i osoba koja svojim ponašanjem ili ozbiljnom prijetnjom ukazuje da bi mogla ugroziti osobu koja se posebno osigurava.

Ministar će bliže urediti uvjete i način za sprovođenje odredaba ovog članka.

Članak 37.

Na zahtjev osobe privedene po odredbama članka 34, 35 i 36. ovog zakona Ministarstvo Kantona je dužno obavijestiti njenu obitelj ili drugu odgovarajuću osobu odmah, a najkasnije u roku od 24 sata od sata privođenja.

Članak 38.

Osoba koja je zadržana bez zakonskog osnova ima pravo na naknadu materijalne štete u skladu sa zakonom.

Članak 39.

Radi uhićenja počinitelja krivičnog djela koga izravno tjeraju, kao i radi prevoženja do najbliže zdravstvene ustanove žrtve krivičnog djela, elementarne nepogode ili nesretnog slučaja, ovlašćene službene osobe imaju pravo da se posluže tuđim prometnim vozilom ili sredstvom veze do koga mogu doći. O uporabi prometnog sredstva ili sredstva veze ovlašćena službena osoba izdaje potvrdu njegovom vlasniku ili korisniku.

Vlasnik ili korisnik sredstava iz stavka 1. ovog članka ima pravo na naknadu stvarne štete prouzrokovane uporabom njegovog prometnog vozila, odnosno sredstva veze.

Članak 40.

Ovlašćene službene osobe mogu prikupljati podatke i obavijesti i od osoba koje se nalaze na izdržavanju kazne zatvora, maloljetničkog zatvora, mjere sigurnosti ili zavodske mjere u kazneno-popravnoj ili drugoj odgovarajućoj organizaciji, kada je to potrebno radi otkrivanja drugih krivičnih djela iste osobe, njenih suučesnika ili krivičnih djela drugih počinitelja, ako kantonalnim zakonom nije drukčije određeno. Ovi podaci i obavijesti mogu se

prikupljati u vrijeme koje sporazumno odrede upravnik ili druga ovlaštena osoba te organizacije i rukovodilac odgovarajuće organizacijske jedinice Ministarstva Kantona.

Članak 41.

U vršenju poslova i zadataka policije na plovnim rijekama i jezerima ovlaštene službene osobe, pored drugih ovlaštenja propisanih ovim zakonom, imaju pravo da vrše pregled isprava plovila i pretresanje plovila, kao i tjerati, zaustaviti i sprovesti nadležnom organu plovilo koje se ne pridržava zakona, drugih propisa i pravila međunarodnog prava ili posebnih odredaba međunarodnih ugovora koje je zaključila Bosna i Hercegovina, Federacija Bosne i Hercegovine i Kanton.

Članak 42.

Radi spriječavanja vršenja krivičnih djela, pronalaženja i uhićenja počinitelja krivičnih djela, pronalaženja i osiguranja predmeta i tragova krivičnih djela, kao i u slučajevima narušavanja javnog reda i mira u većem obimu, Ministarstvo Kantona može vršiti zatvaranje svih prilaza određenom prostoru i zgradi i onemogućiti napuštanje tog prostora i zgrade bez odobrenja. Ova mjera može trajati onoliko vremena koliko je potrebno da se izvrši potreban nadzor i uhićenje učinilaca krivičnih djela, odnosno uspostavi narušeni javni red i mir.

Preduzimanje mjere iz prethodnog stavka naređuje ministar.

O preduzetim mjerama iz stavka 1. ovog članka izvješćuje se predsjednik i Vlada Kantona.

Članak 43.

Ministarstvo Kantona, odnosno ovlaštene službene osobe imaju pravo upotrijebiti odgovarajuća sredstva prinude i to: vodeni top, službene pse, službenu konjicu, sredstvo za nasilno zaustavljanje i zapriječavanje vozila i osoba, hemijska sredstva, sredstva za vezivanje, fizičku snagu i palice kada je to potrebno radi odbijanja napada na sebe ili drugu osobu ili ličnost ili zgradu koju obezbjeđuju, radi savladivanja otpora jedne ili više osoba koje remete javni red i mir ili ugrožavaju sigurnost prometa ili osoba koje treba dovesti, zadržati ili uhititi slobode, radi uspostavljanja narušenog javnog reda i mira, kao i radi spriječavanja bjekstva osoba koje se sprovede ili koje treba dovesti, zadržati ili lišiti ako postoji sumnja da će pokušati bjekstvo.

Osim u slučajevima iz stavka 1. ovog članka, ovlaštena službena osoba ima pravo upotrijebiti sredstva za vezivanje i u drugim slučajevima kada treba osobu dovesti, sprovesti, zadržati ili uhititi.

Članak 44.

Pri obnašanju poslova i zadataka iz svoje nadležnosti ovlaštene službene osobe mogu upotrijebiti vatreno oružje:

- Da zaštite život ljudi;
- da zaštite svoj život, odnosno da od sebe odbiju istovremen izravan napad kojim se ugrožava njihov život;
- da odbiju napad na ličnost ili zgradu koja se osigurava;
- da spriječe bjekstvo osobe zatečene u vršenju krivičnih djela protiv sigurnosti Bosne i Hercegovine, Federacije Bosne i Hercegovine i Kantona, ubojstva, otmice ili ugrožavanja sigurnosti leta zrakoplova, teške krađe, razbojničke krađe, silovanja i razbojništva;
- da spriječi bjekstvo osobe uhićene zbog izvršenja kojeg od krivičnih djela iz prethodne točke i osobe za koju je izdat nalog za uhićenje zbog izvršenja tih krivičnih djela;
- da spriječi bjekstvo osobe zatečene u vršenju ostalih krivičnih djela za koja se tjera po službenoj dužnosti ako

ta osoba ima pri sebi vatreno oružje i postoji osnovana sumnja da će ga upotrijebiti.

Izuzetno od odredaba prethodnog stavka, ovlaštena službena osoba smije upotrijebiti vatreno oružje u slučaju ako drukčije ne može spriječiti bjekstvo osobe koja je izbjegla zaustavljanje ili zadržavanje na licu mjesta u toku sprovođenja akcije osiguranja ličnosti ili zgrada koje se posebno osiguravaju ili druge sigurnosne akcije, ako se na osnovu njenog ponašanja i drugih odgovarajućih okolnosti može osnovano zaključiti da namjerava izvršiti napad na ličnost ili zgradu koja se osigurava ili koje od krivičnih djela protiv temelja uređenja Bosne i Hercegovine, Federacije Bosne i Hercegovine i Kantona.

Članak 45.

Ovlaštene službene osobe upotrebljavaju vatreno oružje iz prethodnog članka ako upotrebom fizičke snage, gumene palice ili drugih sredstava prinude ne mogu izvršiti posao, odnosno zadaću.

Ako je u datoj situaciji moguće, ovlaštena službena osoba dužna je, prije uporabe vatrene oružja, da na to upozori osobu prema kojoj ga namjerava uporabiti i da je zastraši pucanjem u zrak.

Ovlaštena službena osoba koja vrši poslove i zadatke u sastavu postrojbe ili skupine, smije uporabiti vatreno oružje samo po naređenju starješine te postrojbe, odnosno skupine. Naređenje za uporabu oružja može se izdati samo u slučajevima i pod uvjetima predviđenim zakonom.

Članak 46.

Ovlaštena službena osoba u slučaju uporabe sredstava prinude ili vatrene oružja, dužna je odmah obavijestiti izravnog rukovoditelja.

Neposredni rukovoditelj dužan je, najkasnije u roku od dva dana od dana saznanja da je ovlaštena službena osoba u obnašanju svojih poslova i zadata uporabila sredstvo prinude iz članka 43. ovog zakona ili vatreno oružje, prikupiti sve podatke i činjenice neophodne za ocjenu zakonitosti i pravilnosti uporabe konkretnog sredstva prinude ili vatrene oružja.

Zakonitost i pravilnost uporabe sredstava prinude ili vatrene oružja od strane ovlaštene službene osobe, ocjenjuje ministar u roku od sedam dana od dana saznanja za uporabu sredstava prinude ili vatrene oružja.

Ako ministar utvrdi da je ovlaštena službena osoba nezakonito ili nepravilno uporabila sredstvo prinude ili vatreno oružje, dužan je odmah preduzeti odgovarajuće mjere za utvrđivanje odgovornosti te ovlaštene službene osobe.

Članak 47.

Ako se protiv ovlaštene službene osobe pokrene ili vodi krivični, prekršajni ili parnični postupak zbog uporabe vatrene oružja, sredstva prinude ili intervencija u obnašanju ili u svezi s obnašanjem poslova i zadata, Ministarstvo Kantona će toj osobi osigurati odbranu i drugu odgovarajuću pravnu pomoć u svezi sa vođenjem postupka.

Pravna pomoć osigurava se ovlaštenoj službenoj osobi i kao oštećenom u postupku za naknadu štete ako joj je šteta nanesena u obnašanju ili u svezi sa vršenjem poslova i zadata.

Odredbe prethodnih stavova primjenjuju se i u slučaju kada se protiv ovlaštene službene osobe pokrene i vodi postupak i poslije prestanka njenog radnog odnosa u Ministarstvu Kantona.

Ministarstvo Kantona neće pružiti pravnu pomoć po odredbama prethodnih stavova djelatnika kome je za konkretni slučaj izrečena disciplinska mjera prestanak radnog odnosa zbog

namjernog prekoračenja ovlaštenja, odnosno zbog zlouporabe u obnašanju poslova i zadaća, kao i u slučaju kada je Ministarstvo Kantona podnijelo krivičnu prijavu protiv djelatnika.

Odredbе stavova 1. i 2. shodno se primjenjuju i glede osobe koja je Ministarstvu Kantona, odnosno ovlaštenoj službenoj osobi u obnašanju poslova i zadaća pružila pomoć.

Članak 48.

Troškovi pružanja pravne pomoći po odredbama prethodnog članka padaju na teret Kantonu.

Članak 49.

Ministar može pozvati pripadnike rezervnog sastava radi obnašanja poslova i zadaća izvanrednog osiguranja i pružanja neophodne pomoći u slučaju elementarnih nepogoda.

Članak 50.

Kada se pripadnici rezervnog sastava Ministarstva Kantona, sukladno sa zakonom, nalaze na vježbi, imaju prava iz zdravstvenog, mirovinskog i invalidskog osiguranja kao ovlaštene službene osobe, a kada se angažuju na obnašanju poslova policije dok obnašaju te poslove, smatraju se ovlaštenim službenim osobama.

Članak 51.

Osoba koja na zahtjev Ministarstva Kantona pruži pomoć i pri tome bude povrijeđena, razboli se ili bude onemogućena u obnašanju svoga poziva, ima prava iz mirovinskog i invalidskog osiguranja kao djelatnik koji je pretrpio povredu na radu ili u svezi s radom.

Prava iz stavka 1. ovog članka imaju i članovi uže obitelji osobe koja je izgubila život ili koja umre od posljedica povrede koju je zadobila prilikom pružanja pomoći Ministarstvu Kantona kada je pomoć pružila na zahtjev Ministarstva Kantona, odnosno ovlaštene službene osobe Ministarstva Kantona.

VI POSEBNE ODREDBE O MEĐUSOBNIM ODNOSIMA MINISTARSTAVA

Članak 52.

Ministarstvo Kantona surađuje sa Ministarstvom Federacije, federalnom policijom i ministarstvima unutarnjih poslova kantona u okviru Federacije Bosne i Hercegovine radi razmatranja zajedničkih akcija i sigurnosti mjera od zajedničkog interesa.

VII RADNI ODNOSI, STRUČNO OSPOSOBLJAVANJE I DISCIPLINSKA ODGOVORNOST

Članak 53.

Zakoni, drugi propisi i opći akti, kojima su uređeni radni odnosi, plaće, zdravstveno i mirovinsko osiguranje za djelatnike u organima državne uprave Kantona, primjenjuju se i za djelatnike Ministarstva Kantona ako ovim zakonom nije drukčije propisano.

Članak 54.

Radni odnos u Ministarstvu Kantona može se zasnivati bez javnog natječaja i javnog oglasa.

Članak 55.

Pored općih uvjeta za zasnivanje radnog odnosa propisanih kantonalnim zakonom, mogu se utvrditi i posebni uvjeti glede stručnih, zdravstvenih i psihofizičkih sposobnosti kandidata za službu i stručno osposobljavanje za službu u Ministarstvu Kantona.

Posebne uvjete iz stavka 1. ovog članka propisuje ministar.

Članak 56.

Ovlaštene službene osobe ne mogu biti zastupnici u Saboru Kantona.

Ovlaštene službene osobe i drugi djelatnici Ministarstva Kantona ne mogu obnašati drugu službu ili posao, odnosno obnašati dodatno zanimanje bez odobrenja ministra.

Članak 57.

Djelatnici Ministarstva Kantona u svojstvu pripravnika polažu stručni ispit. Program i način polaganja stručnog ispita propisuje ministar.

Članak 58.

Kad interes službe zahtijeva, ministar može privremeno rasporediti ovlaštenu službenu osobu u organizacijsku jedinicu u drugom mjestu dok to potreba službe zahtijeva, a najduže godinu dana.

Raspoređivanje na zahtjev djelatnika ne smatra se raspoređivanjem po potrebi službe u smislu odredbe stava 1. ovog članka.

Članak 59.

Djelatniku raspoređenom po odredbi stava 1. prethodnog članka, ako je raspoređen u mjesto rada udaljeno više od 60 km od njegovog dosadašnjeg mjesta rada i koji izdržava obitelj, od dana stupanja na rad u organizacijsku jedinicu u drugom mjestu za svo vrijeme dok mu se ne osigura odgovarajući stan, pripada mjesečna naknada za odvojeni život od obitelji.

Djelatnik iz stavka 1. ovog članka, pored osobnih i selidbenih troškova, isplaćuje se i naknada u visini iznosa akontacije plaće koju je djelatnik ostvario u posljednjem mjesecu prije raspoređivanja.

Članak 60.

Rješenjem, kojim se ovlaštena osoba privremeno raspoređuje u organizacijsku jedinicu u drugom mjestu, određuje se i rok u kome se djelatnik treba javiti na rad.

Članak 61.

Djelatnik Ministarstva Kantona dužan je da čuva državnu, vojnu i službenu tajnu.

Obveza čuvanja državne, vojne i službene tajne traje i po prestanku radnog odnosa.

Ministar donosi bliže propise o službenoj tajni, čuvanju službene tajne, odgovornosti djelatnika u Ministarstvu Kantona za zaštitu službene tajne.

Članak 62.

Osim u slučajevima predviđenim federalnim i kantonalnim zakonom, kojima se uređuju radni odnosi djelatnika federalnih i kantonalnih organa uprave, ovlaštenoj službenoj osobi prestaje radni odnos i u slučaju:

- da prestane ispunjavati posebne uvjete na osnovu kojih je zasnovala radni odnos;
- da odbije da radi na poslovima i zadaćama na koje je raspoređena;
- da odbije da izvrši zakonito naređenje, izdato radi obnašanja poslova i zadaća iz nadležnosti Ministarstva Kantona;
- da se utvrdi da obnaša drugu službu ili posao, odnosno da obnaša dodatno zanimanje bez odobrenja ministra i
- da se utvrdi da svojim radom, stručnim i drugim sposobnostima, ne može odgovarati zahtjevima izvršavanja

poslova i zadaća na koje je raspoređena ili ako ne ostvaruje predviđene rezultate rada.

U slučaju iz alineje 1. do 5. stavka 1. ovog članka radni odnos prestaje danom uručenja rješenja o prestanku radnog odnosa. Ukoliko djelatnik bude izabran u Sabor Kantona, njegova prava i obveze iz radnog odnosa, dok obavlja tu dužnost, miruju.

Članak 63.

Kada to zahtijeva potreba izvršavanja značajnih i neodložnih poslova i zadaća, ministar može djelatniku Ministarstva Kantona prekinuti godišnji odmor.

U slučaju iz stavka 1. ovog članka, djelatniku pripada naknada osobnih i drugih troškova koji su nastali zbog prekida godišnjeg odmora. Ministar utvrđuje koji troškovi, osim osobnih troškova i u kojoj visini se priznaju zbog prekida godišnjeg odmora.

Članak 64.

Djelatnici koji obavljaju poslove ovlaštene službene osobe plaća se uvećava do 35%.

Procenat uvećanja po pojedinim poslovima i zadacima utvrđuje ministar rješenjem.

Financijska sredstva za plaće ovlašćenih službenih osoba Ministarstva Kantona, zbog posebnih uvjeta rada i prirode poslova i zadaća koje obnašaju, Ministarstvu Kantona se osiguravaju uvećana do 35% u odnosu na sredstva koja se osiguravaju za plaće djelatnika u drugim kantonalskim organima državne uprave.

Članak 65.

Zbog posebnih uvjeta rada i prirode poslova i zadaća koje obnašaju, ovlašćenim službenim osobama u Ministarstvu Kantona koje izravno obnašaju operativne poslove i zadatke javne sigurnosti i djelatnicima čije su odgovornosti i poslovi i zadatke koje obnašaju u svezi sa ovim poslovima (u daljem tekstu: ovlašćene službene osobe) računa se svakih efektivno provedenih 12. mjeseci na tim poslovima i zadacima, kao 16 mjeseci staža osiguranja.

Članak 66.

Kada to interes službe zahtijeva, djelatniku Ministarstva Kantona koji ima najmanje 20 godina mirovinskog staža, od čega najmanje 10 godina efektivno provedenih na poslovima i zadacima na kojima se staž osiguranja računa u uvećanom trajanju može, i bez njegovog pristanka, prestati radni odnos sa pravom na starosnu mirovinu i prije ispunjenja općih uvjeta za stjecanje prava na starosnu penziju.

Kao staž ostvaren u Ministarstvu Kantona, u smislu stavka 1. ovog članka, smatra se i staž proveden na odgovarajućim poslovima u ministarstvima unutarnjih poslova Republike i Federacije Bosne i Hercegovine.

O prestanku radnog odnosa po odredbama stavka 1. ovog članka odlučuje ministar.

Članak 67.

Djelatnik Ministarstva Kantona koji, u obnašanju ili povodom obnašanja službenog posla ili zadaća, izgubi život, sahranit će se o trošku Ministarstva Kantona u mjestu koje odredi njegova obitelj.

Obitelj koju je poginuli djelatnik izdržavao, pripada jednokratna novčana pomoć u visini ukupnog iznosa plaća koje je djelatnik ostvario u posljednjih šest mjeseci.

Naknada iz stavka 2. ovog članka isplaćuje se iz sredstava Ministarstva Kantona.

Članak 68.

Ovlašćenju službenoj osobi za vrijeme privremene nesposobnosti za rad zbog bolesti ili zbog povrede zadobijene u obnašanju ili u svezi s obnašanjem poslova i zadaća na koje je raspoređena, pripada naknada u visini plaće ostvarene u mjesecu koji je prethodio nastupanju slučaja, na temelju kojeg ostvaruje pravo na naknadu.

Razliku između naknade za vrijeme privremene nesposobnosti koju osigurava nadležni fond zdravstvenog osiguranja i visine plaće iz stavka 1. ovog članka osigurava Ministarstvo Kantona.

Članak 69.

Organizacionim jedinicama i djelatnicima Ministarstva mogu se dodjeljivati pohvale, nagrade i druga priznanja za osobito zalaganje i postignute uspjehe u izvršavanju radnih zadataka.

Pohvale, nagrade i druga priznanja iz stavka 1. ovog članka utvrđuje i dodjeljuje ministar.

Članak 70.

Ministarstvo organizira i izravno provodi stručno osposobljavanje i usavršavanje djelatnika na radu u Ministarstvu Kantona i školovanju kandidata za rad u njemu.

Poslovi iz stavka 1. ovog članka obnašaju se putem školovanja, tečajeva i drugih oblika stručnog osposobljavanja i usavršavanja.

Članak 71.

Radi obavljanja poslova iz članka 70. ovog zakona za svoje potrebe, Ministarstvo Kantona može organizovati rad srednje policijske škole (u daljem tekstu: škola).

Na školu se primjenjuju propisi o srednjem obrazovanju ako ovim zakonom nije drukčije određeno.

Školu osniva Sabor Kantona.

Članak 72.

Ministar utvrđuje plan i program stručnog osposobljavanja i usavršavanja djelatnika Ministarstva Kantona, nastavni plan i program škole, posebne uvjete koje treba da ispunjavaju kandidati za redovite učenike škole, međusobna prava i obveze Ministarstva Kantona i učenika škole i njihovih roditelja, uvjete za smještaj u internatu i druga pitanja od značaja za rad škole i unutarnji red. Nastava iz vojnih predmeta u školi izvodi se po nastavnom planu i programu koji donosi nadležni organ Federacije za poslove obrane.

Članak 73.

Redovno školovanje učenika u školi traje četiri godine.

Članak 74.

Međusobna prava i obveze Ministarstva Kantona i redovitih učenika škole i njihovih roditelja utvrđuju se posebnim ugovorom.

Članak 75.

Ministarstvo Kantona može organizirati tečaj za policajce u trajanju od tri do šest mjeseci.

Na tečaj za policajce može biti primljena osoba koja ispunjava opće uvjete za zasnivanje radnog odnosa u Ministarstvu Kantona i posebne uvjete koje utvrđuje ministar.

Članak 76.

Ukupan broj polaznika, dužina trajanja i nastavni plan i program tečaja za policajce iz članka 75. ovog zakona utvrđuju se u ovisnosti od potreba Ministarstva Kantona.

Polazniku tečaja za policajce za vrijeme trajanja tečaja osigurava se smještaj i ishrana, uniforma, obuća i rublje, udžbenici, zdravstveno i invalidsko osiguranje, ukoliko to osiguranje nemaju po drugom osnovu, mjesečna primanja za neophodne osobne izdatke.

Iznos mjesečnih primanja za neophodne osobne izdatke polaznika iz stavka 1. ovog članka utvrđuje Vlada Kantona na prijedlog ministra.

Članak 77.

Polaznik tečaja za policajce koji samovoljno napusti tečaj, zbog svoje krivice bude isključen sa tečaja, ne završi tečaj s uspjehom ili se po završetku tečaja ne javi na rad ili ne ostane na radu u Ministarstvu Kantona, odnosno uslijed njegove krivice radni odnos prestane prije isteka ugovorenog roka, dužan je nadoknaditi troškove tečaja, odnosno srazmjernan dio tih troškova.

Članak 78.

Osoba koja završi školu ili tečaj za policajca raspoređuje se sukladno ugovornim obvezama u Ministarstvo Kantona u statusu pripravnika.

Pripravnički staž iz stavka 1. ovog članka traje šest mjeseci.

Za vrijeme pripravničkog staža, pripravnik se osposobljava za obavljanje poslova i zadaća policajca kroz praktični rad.

Po isteku pripravničkog staža, a najkasnije u roku od šest mjeseci od završetka pripravničkog staža, pripravnik je dužan položiti stručni ispit.

Članak 79.

Postupak za utvrđivanje disciplinske odgovornosti pokreće i vodi ministar ili rukovodeći djelatnik koga on ovlasti. Disciplinski postupak bliže se uređuje pravilnikom koji donosi ministar.

Članak 80.

Pored težih povreda radne dužnosti utvrđenih federalnim zakonom, kao teža povreda radne dužnosti djelatnik Ministarstva Kantona smatra se i: - nemarno obnašanje poslova i zadaća koje može dovesti do povrede propisa o čuvanju državne i službene tajne ili odavanje državne ili službene tajne; - samovoljno napuštanje radnog mjesta ili mjesta osiguranja određenih zgrada ili osoba; - nepreduzimanje ili nedovoljno preduzimanje mjera, u okviru svoje dužnosti, potrebnih za sigurnost objekata, prometnih i drugih sredstava, osoba i povjerenih stvari; - nezakonito raspolaganje sredstvima ili protivpravno pribavljanje osobne i materijalne koristi u svezi sa vršenjem poslova i zadaća; - nepreduzimanje ili nedovoljno preduzimanje mjera ili nepružanje pomoći u okviru svojih prava i dužnosti drugim djelatnicima Ministarstva Kantona kada obnašaju službene radnje; - prikrivanje činjenica glede vremena, obima i načina obnašanja službenih radnji ili uporabe sredstava prinude od strane drugog djelatnika Ministarstva Kantona kada je izvršenjem te radnje, odnosno uporabom sredstava prinude učinio težu povredu radne dužnosti; - svaka radnja, odnosno propuštanje radnje, koja onemogućava, ometa ili otežava obnašanje službenih zadaća; - neukazivanje pravne i druge stručne pomoći u okviru svojih prava i dužnosti nekoj stranci u ostvarivanju njenih zakonskih prava i pravnih interesa; - ponašanje koje šteti ugledu Ministarstva Kantona; - izbjegavanje obveza u svezi sa stručnim osposobljavanjem i usavršavanjem; - izbjegavanje ljekarskih pregleda radi utvrđivanja sposobnosti za rad.

Članak 81.

Radnik Ministarstva Kantona udaljit će se privremeno sa poslova i zadaća koje obnaša u Ministarstvu Kantona kada je protiv njega pokrenut krivični ili disciplinski postupak, ako se s obzirom na prirodu krivičnog djela, odnosno teže povrede radne dužnosti, okolnosti pod kojima su oni izvršeni i druge okolnosti, može osnovano zaključiti, da bi bilo štetno po interes službe da djelatnik i dalje ostane na poslovima i zadaćama koje obnaša u Ministarstvu Kantona.

Rješenje o mjeri privremenog udaljenja po odredbama stavka 1. ovog članka donosi ministar.

Ovlašćenoj službenoj osobi kojoj je izrečena mjera privremenog udaljenja iz Ministarstva Kantona, kao i ovlašćenoj službenoj osobi kojoj je izrečena mjera privremenog udaljenja sa poslova i zadaća koje obnaša, ako se rasporedi na poslove i zadaće koje ne obnašaju ovlašćene službene osobe, oduzima se oružje, službena iskaznica i značka koji su mu dati kao ovlašćenoj službenoj osobi i za to vrijeme ne smije nositi uniformu.

Odredba stavka 3. ovog članka shodno se primjenjuje i prema djelatniku kome je izrečena disciplinska mjera raspoređivanja na druge poslove i zadaće.

Članak 82.

Prigovor koji se podnosi na rješenje kojim se odlučuje o pravima i dužnostima djelatnika ne odlaže izvršenje rješenja.

VIII PRIJELAZNE I ZAVRŠNE ODREDBE

Članak 83.

Vlada Kantona će donijeti bliže propise:

- o činovima u policiji Ministarstva Kantona i zvanjima drugih ovlašćenih službenih osoba u Ministarstvu Kantona;
- o naoružanju i opremi policije Ministarstva Kantona i drugih djelatnika Ministarstva Kantona;
- o kantonalnim oznakama.

Članak 84.

Ministar će donijeti propise o:

- vršenju poslova i zadaća policije i drugih ovlašćenih osoba Ministarstva Kantona;
- uporabi sredstava prinude i vatrenog oružja policije i drugih ovlašćenih službenih osoba Ministarstva Kantona;
- iskaznici ovlašćenih službenih osoba Ministarstva Kantona (obrascu i sadržaju obrasca, postupku za izdavanje, roku važenja i načinu vođenja evidencije o iskaznicama ovlašćenih službenih osoba);
- programu i načinu polaganja stručnog ispita i o troškovima u svezi s polaganjem stručnog ispita u Ministarstvu Kantona;
- materijalnom poslovanju sa predmetima naoružanja i opreme u Ministarstvu Kantona;
- vremenu trajanja uniforme.

Članak 85.

Ministarstvo Kantona će preuzeti sve djelatnike CSB Tuzla u sjedištu i postaji javne sigurnosti CSB Tuzla koji su bili u radnom odnosu na dan 1. veljače 1996. godine u CSB ili stanici javne sigurnosti, osim osoba kojima je, sukladno sa zakonom, u međuvremenu od 1. veljače 1996. godine do stupanja na snagu ovog zakona prestao radni odnos, i rasporedit ih sukladno sa pravilnikom o unutarnjoj organizaciji Ministarstva Kantona.

Djelatnici iz stava 1. ovog članka koji ne ispunjavaju propisane uvjete ili onima koji iz drugih razloga ne budu raspoređeni u Ministarstvu Kantona prestaje radni odnos u roku od tri mjeseca od dana stupanja na snagu pravilnika iz tog stavka.

Djelatnici iz stavka 2. ovog članka mogu ostvariti pravo na mirovinu, ako za to ispunjavaju uvjete koji su važili na dan stupanja na snagu ovog zakona.

Članak 86.

Pravilnik o unutarnjoj organizaciji Ministarstvo Kantona će donijeti u roku od 15 dana od dana stupanja na snagu ovog zakona.

Propisi iz ovog zakona donijet će se u roku od dva mjeseca od stupanja na snagu ovog zakona.

Do stupanja na snagu propisa iz stavka 1. ovog članka i drugih propisa u oblasti unutarnjih poslova iz nadležnosti Kantona i Federacije shodno će se primjenjivati zatečeni propisi koji su bili na snazi na području Kantona do dana stupanja na snagu ovog zakona.

Članak 87.

Ovaj zakon stupa na snagu danom objavljivanja u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Sabor

Predsjedatelji
Saborom
Tuzlansko-podrinjskog
kantona
Mustafa Ramić, v.r.

Broj: 01-011-150-5/96
Tuzla, 8. srpnja 1996. g.

186

Na osnovu člana 24. stav 1. tačka d) i e) Ustavnog zakona Tuzlansko-podrinjskog kantona ("Službene novine Tuzlansko-podrinjskog kantona", broj: 1/94), Skupština Tuzlansko-podrinjskog kantona, na sjednici od 8. jula 1996. godine, na prijedlog Vlade Tuzlansko-podrinjskog kantona, donosi

ZAKON

O SUDOVIMA

I OPĆE ODREDBE

Član 1.

Kantonalni sud i općinski sudovi (u daljem tekstu: sudovi) su organi državne vlasti koji vrše sudsku funkciju u granicama svoje nadležnosti utvrđene Ustavom Federacije Bosne i Hercegovine, Ustavom Tuzlansko-podrinjskog kantona, federalnim i kantonalnim zakonom.

Član 2.

Sudovi se osnivaju i ukidaju zakonom Tuzlansko-podrinjskog kantona.

Član 3.

Sudovi su u vršenju sudske funkcije samostalni i nezavisni i sude na osnovu ustava i zakona.

Član 4.

Ovim zakonom osnivaju se Kantonalni sud, kao najviši sud Tuzlansko-podrinjskog kantona (u daljem tekstu: Kanton) i općinski sudovi.

Član 5.

Sudovi odlučuju u sporovima o osnovnim ličnim odnosima, pravima i obavezama građana i pravima i obavezama pravnih osoba, izriču kazne i druge mjere prema učiniocima krivičnih djela i drugih kažnjivih djela određenih zakonom, odlučuju u upravnom sporu za koji nije određena nadležnost drugog suda, rješavaju sporove o imovinskim i radnim odnosima, ako rješavanje tih sporova nije povjereno drugom državnom organu, rješavaju u statusno-privrednim sporovima i o drugim odnosima kada je to zakonom predviđeno.

Član 6.

Sudovi prate i proučavaju društvene odnose i pojave od interesa za ostvarivanje svojih funkcija i daju nadležnim državnim organima prijedloge za spriječavanje društveno opasnih i štetnih pojava i za učvršćivanje zakonitosti i zaštite ljudskih prava i sloboda.

Sudovi prate i proučavaju probleme sudske prakse koji su od interesa za pravilnu i jedinstvenu primjenu zakona. Radi ostvarivanja funkcije iz prethodnih stavova, Kantonalni sud može tražiti od općinskih sudova potrebna obavještenja.

Član 7.

Sudovi imaju pravo i dužnost da u okviru ostvarivanja svojih funkcija obavještavaju odgovarajuća zakonodavna tijela, na njihov zahtjev ili po svojoj inicijativi, o primjenjivanju zakona, potrebi donošenja, izmjene i dopune zakona i o radu sudova.

Član 8.

Kada sudovi Kantona u toku postupka, koji se pred njima vodi, smatraju da određeni zakon nije u skladu sa Ustavom Federacije Bosne i Hercegovine ili Ustavom Bosne i Hercegovine, zastat će se sa postupkom i predložiti Ustavnom sudu Federacije Bosne i Hercegovine pokretanje postupka za ocjenjivanje ustavnosti toga zakona.

Član 9.

Sudovi, pod uslovima predviđenim u zakonu, pružaju pravnu pomoć građanima u ostvarivanju i zaštiti njihovih prava u stvarima iz sudske nadležnosti.

Član 10.

Rad sudova je javan.

Javnost rada osigurava se naročito: javnim raspravljanjem pred sudovima; objavljivanjem sastava sudskih vijeća; davanjem obavještenja u toku sudske postupka zainteresiranim osobama pod uslovima predviđenim zakonom; javnim objavljivanjem sudskih odluka i omogućavanjem javnosti da se putem sredstava javnog informiranja upozna sa radom sudova; objavljivanjem važnijih sudskih odluka i obavještanjem Skupštine Kantona i nadležnog općinskog vijeća o svom radu.

Sudovi mogu, saglasno zakonu, isključiti javnost u raspravljanju pred sudom radi čuvanja tajne, zaštite morala, interesa maloljetnika ili zaštite drugih posebnih državnih interesa.

Član 11.

Zabranjen je svaki oblik utjecaja na donošenje sudske odluke, a posebno svaka upotreba javnog ovlašćenja, sredstava javnog informiranja i uopće javnih istupanja radi utjecanja na tok i ishod sudskih postupaka.

Odluku suda može mijenjati i ukidati samo sud u čiju nadležnost spada predmet, u postupku propisanom zakonom.

Član 12.

Sudovi sude u vijećima.

Sastav vijeća određuje se zakonom.

Zakonom se može odrediti da u određenim stvarima sudi sudija pojedinac.

Član 13.

Sudska funkcija je javna funkcija i sudije kao njeni nosioci podliježu svim oblicima odgovornosti nosilaca javnih funkcija predviđenih ustavom i zakonom.

Član 14.

Predsjednik suda i sudije biraju se, imenuju i razrješavaju uz uslove i po postupku u kojem se osigurava stručnost, nezavisnost i dostojnost za obavljanje sudijske dužnosti.

Član 15.

Sudija ili sudija porotnik ne može biti pozvan na odgovornost za izraženo mišljenje ili glasanje pri donošenju sudske odluke.

Sudija i sudija porotnik Kantonalnog suda ne može bez odobrenja Skupštine Kantona koja ga je izabrala biti pritvoren u postupku pokrenutom zbog krivičnog djela učinjenog u vršenju sudijske funkcije.

Sudija i sudija porotnik općinskog suda ne može bez odobrenja predsjednika Kantonalnog suda biti pritvoren u postupku pokrenutom zbog krivičnog djela učinjenog u vršenju sudijske funkcije.

Član 16.

Vijeće Kantonalnog suda može ukazati općinskom sudu na nedostatke u suđenju zapažene prilikom rješavanja o pravnom lijeku.

Ako se ovi nedostaci pojavljuju kod većeg broja općinskih sudova ili ako su od većeg značaja, Kantonalni sud će općinskim sudovima ukazati na ove nedostatke. Pravna shvatanja izražena u primjedbi Kantonalnog suda nisu obavezna za općinske sudove.

Član 17.

Kantonalni sud može zahtijevati od općinskih sudova na području Kantona podatke koji su mu potrebni radi praćenja i proučavanja pojedinih pitanja koja se pojavljuju u ostvarivanju sudske funkcije. Radi ostvarivanja funkcije iz prethodnog stava, Kantonalni sud može vršiti neposredan uvid u rad općinskih sudova na području Kantona.

Član 18.

Sudovi su dužni jedni drugima pružati pravnu pomoć. Državni organi i druge pravne osobe dužne su pružati pomoć sudovima u vršenju poslova iz njihove nadležnosti.

Član 19.

Pravnosnažne odluke sudova donesene u drugim kantonima imaju važnost i moguće ih je izvršiti i na teritoriji ovog Kantona.

Član 20.

Odluke, isprave i druga pojedinačna akta državnih organa i ovlašćenih organizacija u drugim kantonima imaju pred sudovima ovog Kantona istu važnost kao i takva akta državnih organa i ovlašćenih organizacija ovog Kantona.

Član 21.

U sudovima su u službenoj upotrebi bosanski i hrvatski jezik i latinično pismo.

Kada sud odlučuje u prvom stepenu, ovjeren prepis odluke dostavlja se ovlašćenom organu ili stranci na službenom jeziku na kome je odluka donesena, s tim da se stranci odluka može dostaviti i na drugom jeziku na kome je svojim podneskom stranka pokrenula postupak, odnosno dala odgovor u vezi sa pokretanjem postupka ili se u toku postupka služila drugim jezikom.

Ovjeren prepis odluke koju je sud donio u postupku po redovnom ili vanrednom pravnom lijeku dostavlja se sudu, odnosno drugom organu čija je odluka razmatrana, na službenom jeziku na kome je odluka donesena, a prepis odluke namijenjen stranci odnosno drugom učesniku u postupku, osim na službenom jeziku, može se dostaviti i na drugom jeziku kojim se u postupku služio.

Tužbe, žalbe i drugi podnesci mogu se sudovima upućivati i na jeziku koji nije u službenoj upotrebi u sudu.

Odredbе stava 2 i 3. ovog člana shodno se primjenjuju prilikom dostavljanja poziva i drugih sudskih pisama strankama i drugim učesnicima u postupku.

Član 22.

Unutrašnja organizacija u sudovima utvrđuje se pravilnikom o unutrašnjoj organizaciji suda. Pravilnik iz stava 1. ovog člana donosi predsjednik suda, a na njega saglasnost daje ministar pravde Kantona.

Član 23.

Propisi o radnim odnosima radnika u organima uprave shodno se primjenjuju i na radnike sudova ako ovim zakonom nije drukčije određeno. Propisi o državnoj upravi, koji se odnose na rukovođenje i odgovornost funkcionera i njegovog zamjenika, shodno se primjenjuju na predsjednika suda, ako ovim zakonom nije drukčije određeno.

Odredbе o odgovornosti zbog povrede dužnosti, utvrđene pravilnikom o unutrašnjoj organizaciji suda, ne primjenjuju se na sudije.

Član 24.

Za vrijeme vršenja službe sudija nosi posebnu odoru. Ministar pravde Kantona propisat će pravilnikom izgled i uslove pod kojima se nosi odora.

Član 25.

Sudijama se izdaje službena legitimacija.

Ministar pravde Kantona posebnim pravilnikom propisuje obrasce i način izdavanja službene legitimacije.

Član 26.

Sredstva za rad sudova osiguravaju se u budžetu Kantona u obimu koji osigurava nezavisnost, samostalnost i efikasno obavljanje sudske funkcije.

Član 27.

Sudovi imaju pečat u skladu sa zakonom.

Na zgradi u kojoj su smješteni sudovi moraju biti istaknuti naziv suda i grb Republike Bosne i Hercegovine, Federacije Bosne i Hercegovine i Kantona, a kada je zakonom predviđeno i zastave.

II ORGANIZACIJA SUDOVA

Član 28.

Sudovi Kantona su: Kantonalni sud i općinski sudovi.

Član 29.

Kantonalni sud osniva se za područje Kantona.

Član 30.

Općinski sud osniva se za područje jedne ili više općina.

Član 31.

Sudovi sude u svom sjedištu.

Općinski sudovi mogu izuzetno obavljati sudsku vlast i pružati građanima pravnu pomoć i izvan sjedišta suda (sudski dani).

Odluku o održavanju sudskih dana, po prethodno pribavljenom mišljenju suda, donosi ministar pravde Kantona. Odluka o održavanju sudskih dana sadrži podatke o mjestu, području i vremenu održavanja sudskih dana, a objavljuje se u "Službenim novinama Tuzlansko-podrinjskog kantona" i na drugi pogodan način.

III NADLEŽNOST SUDOVA

1. Kantonalni sud

Član 32.

Kantonalni sud je nadležan:

1. Da u prvom stepenu sudi:
 - a) za krivična djela za koja je zakonom propisana kazna zatvora preko 10 godina ili smrtna kazna;
 - b) za krivična djela za koja je posebnim zakonom određena nadležnost Kantonalnog suda;
 - c) sporove iz autorskog prava, kao i sporove koji se odnose na zaštitu ili upotrebu i zaštitu pronalazaka, uzoraka, modela ili žigova, o pravu na upotrebu i zaštitu firme, kao i sporove iz nelojalne, konkurencije i monopolističkih sporazuma;
 - d) u statusno-privrednim sporovima u kojima su obje stranke državni organi, preduzeća, zajednice i druge organizacije, odnosno u kojima je jedna stranka državni organ, preduzeće, organizacija ili zajednica, a druga stranka inostrano pravno ili fizičko lice;
 - e) u sporovima koji se odnose na brodove i plovidbu na unutrašnjim vodama kao i sporovima na kojima se primjenjuje plovidbeno pravo (plovidbeni sporovi) osim sporova u prijevozu putnika;
 - f) u sporovima koji nastanu u toku i povodom sprovođenja postupka prinudnog poravnjanja, stečaja i redovne likvidacije preduzeća;
 - g) po tužbama iz osnova nezakonite radnje kojom se narušava jedinstvo bosansko-hercegovačkog tržišta (federalnog tržišta), u oblasti prometa robe i usluga.
2. Upravno-računske sporove.
3. Da sprovodi istragu, pojedine istražne radnje za krivična djela iz svoje nadležnosti, sprovodi preparni postupak prema maloljetnicima i vrši druge poslove u postupku prema maloljetnicima iz svoje nadležnosti.
4. Da odlučuje o žalbama protiv odluka općinskih sudova.
5. Da odlučuje o žalbama protiv rješenja istražnog sudije Kantonalnog suda.
6. Da rješava sukobe o mjesnoj nadležnosti između općinskih sudova sa područja Kantona.
7. Da odlučuje o prenošenju mjesne nadležnosti sa jednog općinskog suda na drugi općinski sud na području Kantona.

8. Da sprovodi postupak u vezi sa molbama za pružanje međunarodne krivično-pravne pomoći za izručenje okrivljenih ili osuđenih stranaca.
9. Da odlučuje o molbama osuđenih osoba za brisanje osude na osnovu sudske odluke i molbama osuđenih osoba za prestanak mjere sigurnosti odnosno za prestanak pravne posljedice osude.
10. Da rješava o priznavanju odluka stranih sudova, stranih trgovačkih sudova i stranih arbitraža.
11. Da sprovodi postupak redovne likvidacije, prinudnog poravnjanja i stečaja.
12. Da odlučuje o tužbama protiv konačnih upravnih akata (upravni sporovi).

Član 33.

O žalbama na odluke Kantonalnog suda i vanrednim pravnim lijekovima uložanim na pravosnažne odluke općinskih i Kantonalnog suda odlučuje sud određen zakonom Federacije Bosne i Hercegovine.

Član 34.

Svaka strana u žalbenom postupku, u kojem je Kantonalni sud izrekao presudu bez prava na žalbu, može, iz bilo kojeg razloga osim zbog isteka roka za koji je odgovorna strana koja je pokrenula postupak, podnijeti žalbu na presudu Sudu za ljudska prava na osnovu bilo kojeg pitanja iz okvira njegove nadležnosti.

Kantonalni sud, na zahtjev bilo koje od strana u žalbenom postupku pred njim, ili na vlastitu inicijativu u odnosu na takvu žalbu, može se obratiti Sudu za ljudska prava pitanjem koje je proizišlo iz žalbe ako je to pitanje u vezi sa bilo čime iz nadležnosti tog suda.

2. Općinski sudovi

Član 35.

Općinski sudovi su nadležni:

1. Da u prvom stepenu sude:
 - a) za krivična djela za koja je zakonom propisana kao glavna kazna novčana kazna ili kazna zatvora do 10 godina ako za pojedina krivična djela nije nadležan Kantonalni sud;
 - b) za krivična djela za koja je posebnim zakonom određena nadležnost općinskog suda;
 - c) građansko-pravne sporove ako za pojedine vrste sporova nije zakonom propisana nadležnost drugog suda;
 - d) u sporovima u kojima su obje stranke Kanton ili jedinice lokalne samouprave, preduzeća i druge organizacije i zajednice kao i kad u tim sporovima, pored ovih osoba učestvuju kao suparničari i druga fizička ili pravna osoba;
 - e) u sporovima u kojima je jedna stranka Kanton ili jedinica lokalne samouprave, preduzeće i druga organizacija i zajednica, a druga stranka inostrano pravna ili fizička osoba kao i kad u tim sporovima pored ovih osoba, učestvuju kao suparničari i druga fizička ili pravna osoba;
 - f) u sporovima koji proizilaze iz međusobnih privrednih odnosa imalaca radnji i drugih pojedinaca koji u vidu registriranog zanimanja obavljaju neku privrednu djelatnost, odnosno iz međusobnih privrednih odnosa tih osoba i Kantona ili jedinica lokalne samouprave, preduzeća i druge organizacije ili zajednice;

- g) u sporovima iz radnih odnosa;
- h) privredne prijestupe.
2. Da sprovede istragu, pojedine istražne radnje kao i pripremni postupak prema maloljetnicima za krivična djela iz svoje nadležnosti.
3. Da odlučuju o žalbama protiv rješenja istražnih sudija općinskog suda.
4. Da rješavaju u posebnim postupcima ako zakonom nije drukčije određeno.
5. Da obavljaju zemljišno-knjižne poslove ako zakonom nije drukčije određeno.
6. Da određuju i sprovede izvršenja i osiguranja ako zakonom nije drukčije određeno.
7. Da odlučuju o molbama osuđenih osoba za brisanje osude na osnovu sudske odluke i o molbama osuđenih osoba za prestanak mjere sigurnosti odnosno za prestanak pravne posljedice osude, a odluku donosi sud koji je sudio u prvom stepenu.
8. Da vrše poslove međunarodne pravne pomoći kada zakonom nije određeno da neke od tih poslova vrši Kantonalni sud.
9. Da pružaju pravnu pomoć sudovima Bosne i Hercegovine, Federacije Bosne i Hercegovine i Kantona.
10. Da vrše i druge poslove određene zakonom.

Zakonom se može odrediti da u određenoj vrsti predmeta iz nadležnosti općinskog suda na području Kantona sudi jedan od općinskih sudova.

Član 36.

Općinski sud u vijeću od jednog sudije i dvojice sudija porotnika rješava u sporovima o postojanju, nepostojanju, poništenju i razvodu braka, utvrđivanju ili osporavanju očinstva, o zakonskom i doživotnom izdržavanju, o povjeravanju djece na zaštitu i vaspitanje i o otkazu ugovora o korišćenju stana i poslovnih prostorija.

U posebnim sudskim postupcima iz oblasti u kojima društvene odnose uređuje Federacija Bosne i Hercegovine, postupak sprovodi i odluke donosi sudija pojedinac ako posebnim zakonom nije drukčije određeno.

Član 37.

Molba za brisanje osude na osnovu sudske odluke i molba za prestanak mjera sigurnosti odnosno pravne posljedice osude podnose se općinskom sudu na čijem području osuđeni ima prebivalište.

IV SJEDIŠTE I PODRUČJE SUDOVA

Član 38.

Sjedište Kantonalnog suda je u Tuzli.

Član 39.

Općinski sudovi su:

1. Općinski sud u Banovićima - za područje općine Banovići;
2. Općinski sud u Brčkom - za područje općine Brčko;
3. Općinski sud u Čelici - za područje općine Čelić;
4. Općinski sud u Gračanici - za područje općine Gračanica;
5. Općinski sud u Gradačcu - za područje općine Gradačac;
6. Općinski sud u Kalesiji - za područje općine Kalesija;
7. Općinski sud u Kladnju - za područje općine Kladanj;

8. Općinski sud u Lukavcu - za područje općine Lukavac;
9. Općinski sud u Maloj Brijesnici - za područje istočnog dijela općine Dobojo;
10. Općinski sud u Srebreniku - za područje općine Srebrenik;
11. Općinski sud u Teočaku - za područje općine Ugljevik - Teočak;
12. Općinski sud u Tuzli - za područje općine Tuzla;
13. Općinski sud Zvornik u Sapni - za područje dijela općine Zvornik;
14. Općinski sud u Živinicama - za područje općine Živinice.

V UNUTRAŠNJA ORGANIZACIJA

Član 40.

Unutrašnju organizaciju u sudovima, osim broja sudija, utvrđuje predsjednik suda.

Na akt predsjednika suda iz prethodnog stava saglasnost daje ministar pravde Kantona.

Broj sudija utvrđuje se zakonom Kantona.

1. Sudska uprava

Član 41.

Poslovi kojima se osiguravaju uslovi za pravilan rad i poslovanje suda obavljaju se u okviru sudske uprave.

Član 42.

Poslovi sudske uprave obuhvataju osiguranje uslova za pravilan rad i poslovanje suda, a naročito:

- organiziranje unutrašnjeg poslovanja u sudu;
- staranje da se poslovi u sudu vrše uredno i na vrijeme;
- stručne poslove u vezi sa ostvarivanjem prava i dužnosti radnika iz radnog odnosa;
- organiziranje stručnog obrazovanja sudija, stručnih saradnika, pripravnika i ostalih radnika suda;
- vođenje statistike i izvještajne službe suda;
- poslove pozivanja i raspoređivanja sudija porotnika;
- poslove u vezi sa stalnim sudskim tumačima i vještacima;
- poslove izvršenja krivičnih sankcija;
- finansijsko-materijalno poslovanje suda;
- poslove ovjere isprava namijenjenih za upotrebu u inostranstvu;
- poslove u vezi sa pritužbama stranaka na rad suda;
- druge poslove određene zakonom.

Član 43.

Poslovima sudske uprave rukovodi predsjednik suda.

Član 44.

Predsjednik suda predstavlja sud prema drugim organima i organizacijama i obavlja druge poslove određene zakonom.

Član 45.

Predsjednik suda je naredbodavac za izvršenje finansijskog plana i predračuna sredstava suda.

Predsjednik suda vrši nadzor nad pritvorenima u Okružnom zatvoru, a predsjednik općinskog suda nad pritvorenima u općinskom zatvoru.

Ako se u Okružnom zatvoru nalaze i pritvoreni prema kojima je pritvor određen rješenjem ili presudom općinskog suda,

nadzor nad tim pritvorenjcima može vršiti i predsjednik općinskog suda koji je donio rješenje ili presudu kojima je određen pritvor.

Član 46.

Predsjednik suda utvrđuje raspored poslova i osigurava njihovo izvršenje.

Rasporedom poslova obavezno se određuje sudija za maloljetnike, a u Kantonalnom sudu i drugostepeno vijeće za maloljetnike.

Član 47.

Predsjednik suda rasporedom poslova određuje zamjenika koji ga zamjenjuje u njegovoj odsutnosti ili spriječenosti i koji mu, prema potrebi, pomaže u vršenju poslova sudske uprave.

Član 48.

Sudovi mogu imati sekretara suda koji pomaže predsjedniku suda u poslovima sudske uprave.

Predsjednik suda može prenijeti na sekretara suda vršenje određenih poslova sudske uprave.

2. Sudska odjeljenja i sjednica svih sudija

Član 49.

U sudovima u kojima ima više vijeća odnosno sudija pojedinaca; koji odlučuju u stvarima iz iste pravne oblasti, obrazuju se sudska odjeljenja u čiji sastav ulaze sudije koji odlučuju u stvarima iz iste pravne oblasti.

Član 50.

Na sjednicama sudskih odjeljenja razmatraju se pitanja od interesa za rad odjeljenja, a naročito: organiziranje unutrašnjeg poslovanja odjeljenja, praćenje stanja poslova odjeljenja; ujednačavanje sudske prakse po pravnim i drugim pitanjima odjeljenja, unapređenje metoda rada odjeljenja i stručno uzdizanje sudija, stručnih saradnika i pripravnika diplomiranih pravnika.

Član 51.

Sjednica sudskog odjeljenja se saziva i kada se utvrdi da o pitanjima primjene zakona postoji nezavisnost u shvatanjima između pojedinih vijeća ili kada jedno vijeće odstupa od pravnog shvatanja usvojenog u svojoj praksi ili od pravnog shvatanja koja su usvojila sva vijeća.

Sjednica sudskog odjeljenja utvrđuje pravna shvatanja većinom glasova svih sudija odjeljenja. Pravno shvatanje usvojeno na sjednici sudskog odjeljenja obavezno je za sva vijeća koja su u sastavu odjeljenja.

Ako je u konkretnom slučaju vijeće drugostepenog suda već donijelo odluku koja nije u saglasnosti sa pravnim shvatanjima drugog vijeća, predsjednik suda će odrediti da se zastane sa slanjem prepisa odluke i da se pitanje nesaglasnosti raspravi na sjednici sudskog odjeljenja.

Ako u takvom slučaju sjednica sudskog odjeljenja zauzme stav protivan donesenoj odluci, vijeće koje je donijelo odluku dužno je o predmetu ponovo odlučivati.

Član 52.

Sudskim odjeljenjem rukovodi rukovodilac odjeljenja, koji se određuje rasporedom poslova.

Sjednicu sudskog odjeljenja saziva i njenim radom rukovodi rukovodilac odjeljenja.

Predsjednik suda može učestvovati u radu sjednice sudskog odjeljenja i ima pravo glasa.

Član 53.

U sudovima se održavaju sjednice svih sudija na kojima se razmatraju pitanja od interesa za rad suda kao i pitanja koja su značajna za društvene odnose i pojave koje je sud pratio i proučavao i na probleme sudske prakse, pripremaju izvještaji i obavještenja za nadležne skupštine i druge organe i organizacije i daju mišljenje predsjedniku suda za raspored sudijskih poslova.

Predsjednik suda može na sjednicu svih sudija pozvati i sudije porotnike kada se razmatraju pitanja koja se odnose na društvene odnose i pojave, izvještaje i obavještenja za nadležne skupštine i druge organe i organizacije kao i druga slična pitanja.

Član 54.

Sjednica svih sudija razmatra i pitanja iz člana 50 i 51. ovog zakona u sudovima koji nemaju uslove da obrazuju sudska odjeljenja.

Član 55.

Sjednicu svih sudija saziva i njenim radom rukovodi predsjednik suda.

3. Stručni saradnici i ostali radnici suda

Član 56.

Sudovi mogu imati određeni broj stručnih saradnika i drugih radnika za vršenje stručnih i administrativno-tehničkih poslova sa odgovarajućom stručnom spremom.

Član 57.

Za stručnog saradnika u Kantonalni ili općinski sud prima se odnosno raspoređuje diplomirani pravnik sa položenim pravosudnim ispitom.

Stručni saradnici pomažu sudiji u proučavanju i pripremanju predmeta za rasprave, pretrase i referisanje, proučavanju pravnih pitanja u vezi sa radom suda u pojedinim predmetima, izradi sudskih odluka, uzimaju na zapisnik tužbe, prijedloge i druge podneske i izjave stranaka i vrše samostalno ili pod nadzorom i po uputstvima sudije druge stručne poslove predviđene zakonom ili pravilnikom o unutrašnjem poslovanju redovnih sudova ili aktom o unutrašnjoj organizaciji suda.

Broj stručnih saradnika u sudu utvrđuje se aktom o unutrašnjoj organizaciji u skladu sa orijentacionim mjerilima o potrebnom broju sudija i ostalih radnika.

4. Pripravnici

Član 58.

U sudovima postoji određen broj pripravnika - diplomiranih pravnika. Broj pripravnika iz prethodnog stava utvrđuje se aktom o unutrašnjoj organizaciji.

Član 59.

Sudovi mogu primati na praksu i druge osobe koje su diplomirale na pravnom fakultetu (pripravnike - volontere) ako im je ta praksa potrebna radi stručnog osposobljavanja i stjecanja uslova za polaganje pravosudnog ispita.

Pripravnici - volonterima za vrijeme obavljanja prakse ne pripada naknada za rad na teret suda.

Broj pripravnika -volontera iz stava 1. ovog člana utvrđuje se aktom o unutrašnjoj organizaciji suda, zavisno od mogućnosti za obavljanje ove prakse, kao i osiguranih sredstava od nadležnih

organa za plaćanje obaveznih doprinosa, za slučaj invalidnosti i tjelesnog oštećenja prouzrokovanih povredom na radu ili profesionalnom bolešću.

Član 60.

Pripravnici - volonteri primaju se na praksu i provode ovu praksu u sudu shodno odredbama koje važe za pripravnike - diplomirane pravnike.

Protiv odluke kojom se odbija zahtjev za prijem na praksu podnosilac zahtjeva može izjaviti prigovor predsjedniku suda u roku od petnaest dana.

Član 61.

Zbog teže povrede radne dužnosti predsjednik suda može rješenjem pripravniku - volonteru prekinuti dalje obavljanje prakse.

Protiv rješenja iz prethodnog stava može se izjaviti prigovor predsjedniku suda u roku od petnaest dana.

Član 62.

Pripravnički staž u sudovima traje jednu godinu.

Za vrijeme pripravničkog staža pripravnik se kroz praktičan rad na odgovarajućim poslovima i zadacima, uz stručnu pomoć i pod stručnim nadzorom predsjednika suda ili određenog sudije osposobljava za samostalno vršenje poslova i zadataka čije je vršenje uslovljeno pravosudnim ispitom.

Pripravnički staž, provodi se po programu koji utvrđuje ministar pravde Kantona.

Član 63.

Uslovi za stjecanje prava na polaganje pravosudnog ispita, program i način polaganja tog ispita uređuju se federalnim zakonom.

VI PRAVOSUDNA UPRAVA

Član 64.

Ovlašćenja u vezi sa organiziranjem rada u sudovima i nadzor nad vršenjem sudske uprave vrši Ministarstvo pravde Kantona osim ako zakonom Federacije Bosne i Hercegovine ili Kantona nije drukčije regulisano.

Nadzor nad poslovima sudova obuhvata naročito i pitanje da li se poslovi vrše uredno i na vrijeme, da li se poslovi sudske uprave obavljaju u saglasnosti sa zakonom i drugim propisima; ispitivanje pritužbi građana državnih organa, preduzeća i drugih organizacija i zajednica.

Član 65.

Ministarstvo pravde Kantona:

- osigurava provođenje zakona i drugih propisa i mjera koji se odnose na organizaciju i rad sudova;
- prati provođenje utvrđene politike i proučava stanje i pojave kod sudova i predlaže preduzimanje potrebnih mjera;
- prati i proučava rad sudova u vezi sa unapređenjem njihove organizacije i poslovanja, kadrovskim pitanjima, stručnim usavršavanjem kadrova, osiguranjem materijalnih i drugih uslova za rad sudova, kao i drugim pitanjima od značaja za pravilan rad sudova;
- ispituje neposredno ili preko predsjednika suda pritužbe na rad sudova zbog nepostupanja, odugovlačenja sudskog postupanja ili drugih razloga;
- vrši i druge poslove predviđene zakonom.

Ministarstvo pravde Kantona može zahtijevati od sudova podatke ili izvještaje koji su mu potrebni radi vršenja poslova iz svog djelokruga.

Član 66.

Ministar pravde Kantona:

- propisuje organizaciju i način unutrašnjeg poslovanja u sudovima;
- utvrđuje orijentaciona mjerila o potrebnom broju sudija i ostalih radnika;
- vrši i druge poslove predviđene zakonom.

Propise iz alineje 1 i 2. prethodnog stava ministar pravde Kantona donosi po prethodno pribavljenom mišljenju sudova.

Član 67.

Kada se ustanovi da se poslovi sudske uprave u sudu ne vrše u skladu sa propisima ili da se ne vrše blagovremeno, uslijed čega je otežano izvršavanje funkcije suda, Ministarstvo pravde Kantona upozorit će predsjednika suda i dati uputstva za izvršenje odgovarajućih poslova i otklanjanje propusta.

Ako se i pored tog upozorenja propusti ne otklone, Ministarstvo pravde Kantona o tome će obavijestiti Skupštinu Kantona odnosno predsjednika Kantonalnog suda i predložiti preduzimanje određenih mjera.

Član 68.

Ministarstvo pravde Kantona provodi postupak i odlučuje povodom zahtjeva oštećenog za naknadu štete, rehabilitaciju i ostvarivanje drugih prava osoba neopravdano osuđenih i neosnovano lišenih slobode.

1. Unutrašnje poslovanje sudova

Član 69.

Propisom iz alineje 1. člana 66. ovog zakona uređuju se naročito:

- rad sudske uprave;
- način vođenja evidencija i sudske statistike;
- rad stalnih sudskih vještaka;
- pružanje pravne pomoći građanima i održavanje sudskih dana;
- informiranje javnosti o radu sudova;
- evidencija, pozivanje i raspoređivanje sudija porotnika;
- evidencija vršenja pripravničke prakse u sudovima;
- načela unutrašnje organizacije poslovanja suda;
- način organiziranja i poslovanja sudskih odjeljenja;
- vrsta, sadržaj i način vođenja upisnika i pomoćnih knjiga;
- obrasci za rad sudova;
- postupanje sa sudskim spisima;
- rad u vijećima;
- postupanje na sjednicama sudskih odjeljenja;
- rad na sjednicama sudija;
- materijalno i finansijsko poslovanje (poslovi depozita);
- način vršenja poslova međunarodne pravne pomoći.

2. Stalni sudski tumači

Član 70.

Stalne sudske tumače postavlja i razrješava ministar pravde Kantona.

Propise o pravima i dužnostima stalnih sudskih tumača donosi Vlada Kantona ako donošenje ovih propisa nije u nadležnosti Vlade Federacije Bosne i Hercegovine.

VII SUDIJE I SUDIJE POROTNICI

Član 71.

Broj sudija Kantonalnog suda i općinskih sudova utvrđuje Skupština Kantona.

Broj sudija porotnika Kantonalnog suda i općinskih sudova određuje Skupština Kantona na prijedlog predsjednika suda.

1. Izbor sudija i sudija porotnika

Član 72.

Inicijativu za izbor sudije Kantonalnog suda može podnijeti ministar pravde Kantona i Kantonalni sud, u sjednici svih sudija.

Član 73.

Sudije Kantonalnog suda predlaže predsjednik Kantona a bira ih Skupština Kantona većinom glasova ukupnog broja poslanika.

U Kantonalni sud biraju se sudije Bošnjaci i Hrvati i odgovarajući broj ostalih, srazmjerno nacionalnoj strukturi stanovništva Kantona.

Član 74.

Za sudiju Kantonalnog suda može biti izabran državljanin Bosne i Hercegovine, koji ima završen pravni fakultet i položen pravosudni ispit, koji je radio najmanje pet godina kao sudija ili predsjednik suda, tužilac ili njegov zamjenik, pravobranilac ili advokat, koji je radeći na navedenim poslovima stekao ugled pravnog stručnjaka i koji posjeduje najviše moralne osobine za obavljanje službe sudije Kantonalnog suda.

Član 75.

Kantonalni sud iz reda sudija Kantonalnog suda bira i razrješava predsjednika Kantonalnog suda dvotrećinskom većinom glasova svih sudija.

Predsjednik Kantonalnog suda bira se na osam godina i nakon isteka mandata može ponovo biti izabran.

Predsjednik suda koji nije ponovo izabran za predsjednika nastavlja vršiti dužnost sudije u istom sudu bez ponovnog biranja.

Član 76.

Sudija Kantonalnog suda bit će u službi do dobi od 70 godina, ukoliko ne podnese ostavku ili ne bude smijenjen od vršenja dužnosti sudije.

Član 77.

Za sudiju porotnika Kantonalnog suda može biti izabran državljanin Bosne i Hercegovine koji je punoljetan i koji posjeduje najviše moralne osobine za obavljanje službe sudije porotnika Kantonalnog suda.

Sudije porotnike Kantonalnog suda predlaže predsjednik Kantonalnog suda a bira ih, većinom ukupnog broja glasova poslanika Skupština Kantona.

Sudije porotnici Kantonalnog suda biraju se na četiri godine i po isteku tog roka mogu ponovo biti izabrani.

Član 78.

Kada je protiv sudije porotnika Kantonalnog suda pokrenut krivični postupak ili pokrenut postupak za njegovo smjenjivanje od službe, predsjednik Kantonalnog suda neće pozivati sudiju porotnika da vrši službu dok se ovi postupci pravnosnažno ne dovrše.

Član 79.

Sudijama porotnicima za vršenje službe pripada naknada nastalih troškova, naknada za neostvarenu plaću ili zaradu i nagrada.

Uslove, visinu naknade i nagrade iz stava 1. ovog člana određuje ministar pravde Kantona.

Član 80.

Odredbe ovog zakona koje se odnose na broj i nacionalnu strukturu sudija Kantonalnog suda, shodno se primjenjuju i na sudije porotnike Kantonalnog suda.

Član 81.

Za sudiju općinskog suda može biti imenovan državljanin Bosne i Hercegovine, koji je diplomirani pravnik i ima položen pravosudni ispit i koji je proveo na radu na pravnim poslovima najmanje dvije godine nakon položenog pravosudnog ispita i koji posjeduje stručnu sposobnost i najviše moralne osobine za obavljanje službe sudije općinskog suda.

Član 82.

Inicijativu i prijedlog za imenovanje sudije općinskog suda može podnijeti ministar pravde Kantona ili općinski sud na sjednici svih sudija.

Član 83.

Sudija općinskog suda bit će u službi do dobi od 70 godina ukoliko ne podnese ostavku ili ne bude smijenjen od vršenja službe.

Član 84.

Sudije općinskog suda imenuje predsjednik Kantonalnog suda nakon konsultacija sa općinskim načelnikom. Ukoliko mjesno područje općinskog suda obuhvata dvije ili više općina, sudije takvog općinskog suda imenuje predsjednik Kantonalnog suda nakon konsultacija sa općinskim načelnicima tih općina.

Nacionalna struktura općinskog suda u cjelini odražava nacionalnu strukturu stanovništva općine ili općina za koje je osnovan općinski sud.

Član 85.

Općinski sud iz reda sudija općinskog suda bira i razrješava predsjednika općinskog suda dvotrećinskom većinom glasova svih sudija.

Predsjednik općinskog suda bira se na osam godina i nakon isteka mandata može biti ponovo izabran.

Predsjednik suda koji nije ponovo izabran za predsjednika suda nastavlja vršiti dužnost sudije u istom sudu bez ponovnog imenovanja.

Član 86.

Za sudiju porotnika općinskog suda može biti imenovan državljanin Bosne i Hercegovine koji je punoljetan i koji posjeduje najviše moralne osobine za obavljanje službe sudije porotnika općinskog suda.

Sudije porotnike općinskog suda predlaže predsjednik općinskog suda a imenuje predsjednik Kantonalnog suda.

Sudije porotnike općinskih sudova imenuju se na četiri godine i po isteku tog roka mogu ponovo biti imenovani.

Član 87.

Prije stupanja na službu sudije i sudije porotnici Kantonalnog suda daju svečanu izjavu pred predsjedavajućim Skupštinom Kantona, a sudije i sudije porotnici općinskog suda pred predsjednikom Kantonalnog suda.

Tekst svečane izjave glasi:

“Izjavljujem da ću se u vršenju službe sudije - sudije porotnika pridržavati ustava i zakona i da ću službu sudije - sudije porotnika vršiti savjesno i nepristrasno”.

Član 88.

Odredbе člana 78. i 79. ovog zakona shodno se primjenjuju i na sudije porotnike općinskog suda.

Član 89.

Izbor sudija Kantonalnog i imenovanje sudija općinskih sudova vrši se na osnovu javnog konkursa.

Javni konkurs raspisuje i daje stručno mišljenje o ispunjavanju uslova za izbor sudije Ministarstvo pravde Kantona, u skladu sa odredbama ovog zakona.

2. Prestanak službe sudije i sudije porotnika**Član 90.**

Sudiji i sudiji porotniku služba prestaje smjenjivanjem od vršenja službe i podnošenjem ostavke na vršenje službe, te navršavanjem 70 godina životne dobi.

Član 91.

Sudija Kantonalnog i općinskog suda bit će smijenjen od vršenja službe ako bude osuđen za krivično djelo koje ga čini nedostojnim za vršenje službe sudije; ako se utvrdi da je izvršio težu povredu službe, odnosno ugleda službe sudije; ako se utvrdi da nije stručno sposoban za vršenje službe sudije ili da kroz duže vrijeme neuredno obavlja službu sudije, odnosno da kroz duže vrijeme ne postiže zadovoljavajuće rezultate u radu ili ako se na osnovu mišljenja zdravstvene ustanove utvrdi da je trajno izgubio sposobnost za vršenje službe sudije.

Član 92.

Prijedlog za pokretanje postupka za smjenjivanje sudije Kantonalnog suda od vršenja službe može podnijeti ministar pravde Kantona i predsjednik Kantonalnog suda.

Prijedlog za pokretanje postupka za smjenjivanje sudije općinskog suda od vršenja službe može podnijeti ministar pravde Kantona i predsjednik općinskog suda.

Član 93.

Odluka o smjenjivanju sudije Kantonalnog suda iz razloga navedenih u članu 91. ovog zakona donosi se konsenzusom sudija Vrhovnog suda Federacije Bosne i Hercegovine.

Odluka o smjenjivanju sudije općinskog suda iz razloga navedenih u članu 91. ovog zakona donosi se konsezusom sudija Kantonalnog suda.

Član 94.

Odluku o smjenjivanju sudija porotnika Kantonalnog suda od vršenja službe iz razloga navedenih u članu 91. ovog zakona donosi Skupština Kantona, a odluku o smjenjivanju sudija porotnika općinskog suda donosi predsjednik Kantonalnog suda.

Član 95.

U postupku smjenjivanja sudiji će se omogućiti da se izjasni o razlozima smjenjivanja.

Član 96.

Sudija Kantonalnog suda i sudija općinskog suda bit će udaljen od vršenja službe ako je protiv njega određen pritvor.

Sudija može biti udaljen od vršenja službe ako je protiv njega pokrenut krivični postupak ili postupak za smjenjivanje od vršenja službe za djelo koje ga čini nedostojnim za vršenje službe sudije.

Član 97.

Odluku o udaljenju sudije od vršenja službe donosi predsjednik suda, po prethodno pribavljenom mišljenju sjednice svih sudija tog suda; za predsjednika općinskog suda predsjednik

Kantonalnog suda, a za predsjednika Kantonalnog suda predsjednik Vrhovnog suda Federacije, po prethodno pribavljenom mišljenju sjednice sudija tog suda.

Član 98.

Sudija i sudija porotnik Kantonalnog suda može podnijeti ostavku na vršenje službe Skupštini Kantona. Sudija i sudija porotnik općinskog suda može podnijeti ostavku na vršenje službe predsjedniku Kantonalnog suda.

Sudiji, odnosno sudiji porotniku prestaje vršenje službe slijedećeg dana od dana u koji je ostavka primljena.

3. Prava i dužnosti sudija**Član 99.**

Sudija je dužan čuvati svoj ugled i ugled suda u kojem vrši dužnost.

Sudija ne može biti nosilac funkcije niti član izvršnog tijela političke organizacije, kao niti član zakonodavne i izvršne vlasti.

Bračni drugovi, srodnici u pravoj liniji, odnosno srodnici u pobočnoj liniji do drugog stupnja ne mogu vršiti službu sudije u Kantonalnom odnosno u istom općinskom sudu.

Član 100.

Sudija ne može vršiti drugu službu ili posao.

Član 101.

Sudija za vrijeme službe ima pravo na plaću i druge naknade utvrđene zakonom, koja sudiji osigurava potpunu materijalnu i društvenu nezavisnost.

Plaće i druge naknade sudija ne mogu biti umanjivane tokom trajanja službe.

Sudija ima pravo na penzijsko, invalidsko i zdravstveno osiguranje i prava koja iz toga proizilaze po općim propisima, pravo na odmore i dopuste koje imaju radnici u sudu i godišnji odmor u trajanju od 30 radnih dana, pravo na materijalne troškove pod uslovima predviđenim zakonom i drugim propisima, naknadu za službena putovanja i putne troškove u vezi sa obavljanjem sudijske dužnosti, kao i pravo na stručno usavršavanje i specijalizaciju u okviru sredstava osiguranih za tu namjenu.

Član 102.

Sudija Kantonalnog ili općinskog suda bez svog pristanka može biti privremeno upućen na rad u drugi sud najduže tri mjeseca, a po svom pristanku najduže šest mjeseci u jednoj kalendarskoj godini.

Privremeno upućivanje na rad u drugi sud vrši se samo ako zbog spriječenosti ili izuzeća sudija ili iz drugih opravdanih razloga bude dovedeno u pitanje redovno vršenje poslova u tom sudu.

U Kantonalni sud može biti privremeno upućen na rad sudija općinskog suda, a u općinski sud sudija drugog općinskog ili Kantonalnog suda.

Rješenje o privremenom upućivanju na rad u drugi sud donosi predsjednik Kantonalnog suda uz saglasnost predsjednika suda u kojem sudija obavlja dužnost.

Protiv rješenja o upućivanju na rad u drugi sud sudija ima pravo prigovora ministru pravde Kantona u roku od osam dana od dostavljanja rješenja. Odluka ministra pravde po prigovoru konačna je.

Član 103.

Ako sudija bude imenovan za funkcionera u izvršnoj zakonodavnoj vlasti sudijska dužnost mu je dok obavlja dužnost na koju je imenovan, u izvršnoj ili zakonodavnoj vlasti.

Sudija uz svoj postanak može biti raspoređen na druge poslove u Ministarstvu pravde Kantona ali ne duže od dvije godine, za koje vrijeme mu sudijska dužnost miruje.

U slučaju iz prethodnog stava ovog člana sudija ima pravo na plaću koja je za njega povoljnija.

Odluku o rasporedu sudija prema stavu 2 ovog člana donosi ministar pravde Kantona uz saglasnost predsjednika suda u kojem sudija obavlja sudijsku dužnost.

Član 104.

Kanton odgovara za štetu koju u vršenju službe nanese sudija građaninu ili pravnoj osobi svojim nepravilnim ili nezakonitim radom.

Kanton može od sudije zahtijevati naknadu isplaćene svote samo kada je sudija štetu učinio namjerno ili iz krajnje nepažnje.

Zahtjev za naknadu štete iz stava 2 ovog člana zastarijeva u roku od šest mjeseci od dana isplaćene naknade.

Član 105.

Nadležna tijela izvršne vlasti dužna su u svakom trenutku osigurati ličnu sigurnost i fizičku zaštitu sudija i njihovih porodica.

VIII SREDSTVA ZA RAD SUDOVA

Član 106.

Sredstva za rad sudova osiguravaju se u budžetu Kantona.

Sredstva za rad sudova obuhvataju sredstva za obavljanje redovne djelatnosti (sredstva za plaće sudija ostalih radnika, sredstva za materijalne rashode, sredstva za amortizaciju stvari, opreme i zgrada) i sredstva za posebne namjene.

Sredstva iz stava 2. ovog člana osiguravaju se u visini koja će osigurati redovno obavljanje svih poslova u sudu, te materijalnu i društvenu nezavisnost sudija.

Član 107.

Finansijsko i materijalno poslovanje sudova obavlja se na način koji važi za organe državne uprave, a finansijsko i materijalno poslovanje sa strankama na način određen zakonom i propisom koji donosi ministar pravde Kantona.

IX PRIJELAZNE I ZAVRŠNE ODREDBE

Član 108.

Kantonalni i općinski sudovi počinju sa radom danom početka primjene ovog zakona.

Po stupanju na snagu ovog zakona u roku od 30 dana donijet će se zakon o broju sudija i izvršiti izbor i imenovanje sudija, predsjednika sudova i sudija porotnika Kantonalnog i općinskih sudova.

Izuzetno sudije koje nisu stekle uslove za izbor do dana donošenja ovog zakona, mogu biti birani - imenovani u roku iz stava 2. ovog člana.

Član 109.

Danom početka rada Kantonalnog i općinskih sudova redovni sudovi (osnovni i Viši sud) ustupit će predmete iz svoje nadležnosti utvrđene ovim zakonom Kantonalnom i općinskim sudovima, osnovanim ovim zakonom.

Član 110.

Predsjednici sudova donijet će u roku 30 dana od dana početka rada sudova pravilnik o unutrašnjoj organizaciji suda.

Član 111.

Do donošenja pravilnika o unutrašnjoj organizaciji sudova prema odredbama ovog zakona, primjenjivaće se postojeći pravilnik o unutrašnjem poslovanju redovnih sudova ako nije u suprotnosti sa ovim zakonom.

Propisi za čije je donošenje po odredbama ovog zakona ovlašten ministar pravde Kantona, donijet će se u roku od 30 dana od dana stupanja na snagu ovog zakona.

Član 112.

Ovaj zakon stupa na snagu osmog dana od dana objavljivanja u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Skupština

Broj: 01-011-205-6/96
Tuzla, 8. juli 1996. g.

Predsjedavajući
Skupština
Tuzlansko-podrinjskog
kantona,
Musafa Ramić, v.r.



186

Na temelju članka 24. stavak 1., točka d) i e). Ustavnog zakona Tuzlansko-podrinjskog kantona ("Službene novine Tuzlansko-podrinjskog kantona", broj: 1/94), Sabor Tuzlansko-podrinjskog kantona, na sjednici od 8. srpnja 1996. godine, na prijedlog Vlade Tuzlansko-podrinjskog kantona, donosi

ZAKON**O SUDOVIMA****I OPĆE ODREDBE**

Članak 1.

Kantonalni sud i općinski sudovi (u daljem tekstu: sudovi) su organi državne vlasti koji vrše sudbinu funkcije u granicama svoje nadležnosti utvrđene Ustavom Federacije Bosne i Hercegovine, Ustavom Tuzlansko-podrinjskog kantona, federalnim i kantonalnim zakonom.

Članak 2.

Sudovi se osnivaju i ukidaju zakonom Tuzlansko-podrinjskog kantona.

Članak 3.

Sudovi su u vršenju sudbene funkcije samostalni i neovisni i sude na osnovu ustava i zakona.

Članak 4.

Ovim zakonom osnivaju se Kantonalni sud, kao najviši sud Tuzlansko-podrinjskog kantona (u daljem tekstu: Kanton) i općinski sudovi.

Članak 5.

Sudovi odlučuju u sporovima o osnovnim osobnim odnosima, pravima i obvezama građana i pravima i obvezama pravnih osoba, izriču kazne i druge mjere prema počiniteljima krivičnih djela i drugih kažnjivih djela određenih zakonom, odlučuju u upravnom sporu za koji nije određena nadležnost drugog suda, rješavaju

sporove o imovinskim i radnim odnosima, ako rješavanje tih sporova nije povjereno drugom državnom organu, rješavaju u statusno-privrednim sporovima i o drugim odnosima kada je to zakonom predviđeno.

Članak 6.

Sudovi prate i proučavaju društvene odnose i pojave od interesa za ostvarivanje svojih funkcija i daju nadležnim državnim organima prijedloge za sprječavanje društveno opasnih i štetnih pojava i za učvršćivanje zakonitosti i zaštite ljudskih prava i sloboda.

Sudovi prate i proučavaju probleme sudbene prakse koji su od interesa za pravilnu i jedinstvenu primjenu zakona.

Radi ostvarivanja funkcije iz prethodnih stavova, Kantonalni sud može tražiti od općinskih sudova potrebna priopćenja.

Članak 7.

Sudovi imaju pravo i dužnost da u okviru ostvarivanja svojih funkcija priopćavaju odgovarajuća zakonodavna tijela, na njihov zahtjev ili po svojoj inicijativi, o primjenjivanju zakona, potrebi donošenja, izmjene i dopune zakona i o radu sudova.

Članak 8.

Kada sudovi Kantona u toku postupka, koji se pred njima vodi, smatraju da određeni zakon nije u skladu sa Ustavom Federacije Bosne i Hercegovine ili Ustavom Bosne i Hercegovine, zastat će se sa postupkom i predložiti Ustavnom sudu Federacije Bosne i Hercegovine pokretanje postupka za ocjenjivanje ustavnosti toga zakona.

Članak 9.

Sudovi, pod uvjetima predviđenim u zakonu, pružaju pravnu pomoć građanima u ostvarivanju i zaštiti njihovih prava u stvarima iz sudbene nadležnosti.

Članak 10.

Rad sudova je javan.

Javnost rada osigurava se naročito: javnim raspravljanjem pred sudovima; objavljivanjem sastava sudbenih vijeća; davanjem priopćenja u toku sudbenog postupka zainteresiranim osobama pod uvjetima predviđenim zakonom; javnim objavljivanjem sudbenih odluka i omogućavanjem javnosti da se putem sredstava javnog informiranja upozna sa radom sudova; objavljivanjem važnijih sudbenih odluka i priopćavanjem Sabora Kantona i nadležnog općinskog vijeća o svom radu.

Sudovi mogu, suglasno zakonu, isključiti javnost u raspravljanju pred sudom radi čuvanja tajne, zaštite morala, interesa maloljetnika ili zaštite drugih posebnih državnih interesa.

Članak 11.

Zabranjen je svaki oblik utjecaja na donošenje sudbene odluke, a posebno svaka uporaba javnog ovlašćenja, sredstava javnog informiranja i uopće javnih istupanja radi utjecanja na tijek i ishod sudbenih postupaka.

Odluku suda može mijenjati i ukidati samo sud u čiju nadležnost spada predmet, u postupku propisanom zakonom.

Članak 12.

Sudovi sude u vijećima.

Sastav vijeća određuje se zakonom.

Zakonom se može odrediti da u određenim stvarima sudi sudac pojedinac.

Članak 13.

Sudbena funkcija je javna funkcija i sutci kao njeni nositelji podliježu svim oblicima odgovornosti nositelja javnih funkcija predviđenih ustavom i zakonom.

Članak 14.

Predsjednik suda i sutci biraju se, imenuju i razrješavaju uz uvjete i po postupku u kojem se osigurava stručnost, neovisnost i dostojnost za obavljanje sudačke dužnosti.

Članak 15.

Sudac ili sudac porotnik ne može biti pozvan na odgovornost za izraženo mišljenje ili glasovanje pri donošenju sudbene odluke.

Sudac i sudac porotnik Kantonalnog suda ne može bez odobrenja Sabora Kantona koja ga je izabrala biti pritvoren u postupku pokrenutom zbog krivičnog djela učinjenog u vršenju sudbene funkcije.

Sudac i sudac porotnik općinskog suda ne može bez odobrenja predsjednika Kantonalnog suda biti pritvoren u postupku pokrenutom zbog krivičnog djela učinjenog u vršenju sudbene funkcije.

Članak 16.

Vijeće Kantonalnog suda može ukazati općinskom sudu na nedostatke u suđenju zapažene prilikom rješavanja o pravnom lijeku.

Ako se ovi nedostaci pojavljuju kod većeg broja općinskih sudova ili ako su od većeg značaja, Kantonalni sud će općinskim sudovima ukazati na ove nedostatke.

Pravna shvaćanja izražena u primjedbi Kantonalnog suda nisu obvezna za općinske sudove.

Članak 17.

Kantonalni sud može zahtijevati od općinskih sudova na području Kantona podatke koji su mu potrebni radi praćenja i proučavanja pojedinih pitanja koja se pojavljuju u ostvarivanju sudbene funkcije.

Radi ostvarivanja funkcije iz prethodnog stava, Kantonalni sud može vršiti neposredan uvid u rad općinskih sudova na području Kantona.

Članak 18.

Sudovi su dužni jedni drugima pružati pravnu pomoć.

Državni organi i druge pravne osobe dužne su pružati pomoć sudovima u vršenju poslova iz njihove nadležnosti.

Članak 19.

Pravnosnažne odluke sudova donesene u drugim kantonima imaju važnost i moguće ih je izvršiti i na teritoriju ovog Kantona.

Članak 20.

Odluke, isprave i druga pojedinačna akta državnih organa i ovlaštenih organizacija u drugim kantonima imaju pred sudovima ovog Kantona istu važnost kao i takva akta državnih organa i ovlaštenih organizacija ovog Kantona.

Članak 21.

U sudovima su u službenoj uporabi bosanski i hrvatski jezik i latinično pismo.

Kada sud odlučuje u prvom stupnju, ovjeren prijepis odluke dostavlja se ovlaštenom organu ili stranci na službenom jeziku na kojem je odluka donesena, s tim da se stranci odluka može dostaviti i na drugom jeziku na kojem je svojim podneskom stranka

pokrenula postupak, odnosno dala odgovor u svezi s pokretanjem postupka ili se tijekom postupka služila drugim jezikom.

Ovjeren prijepis odluke koju je sud donio u postupku po redovitom ili izvanrednom pravnom lijeku dostavlja se sudu, odnosno drugom organu čija je odluka razmatrana, na službenom jeziku na kome je odluka donesena, a prijepis odluke namijenjen stranci odnosno drugom učesniku u postupku, osim na službenom jeziku, može se dostaviti i na drugom jeziku kojim se u postupku služi.

Tužbe, žalbe i drugi podnesci mogu se sudovima upućivati i na jeziku koji nije u službenoj uporabi u sudu.

Odredbе stava 2 i 3. ovog članka shodno se primjenjuju prilikom dostavljanja poziva i drugih sudbenih pisama strankama i drugim učesnicima u postupku.

Članak 22.

Unutarnja organizacija u sudovima utvrđuje se pravilnikom o unutarnjoj organizaciji suda.

Pravilnik iz stava 1. ovog članka donosi predsjednik suda, a na njega suglasnost daje ministar pravde Kantona.

Članak 23.

Propisi o radnim odnosima radnika u organima uprave shodno se primjenjuju i na radnike sudova ako ovim zakonom nije drukčije određeno.

Propisi o državnoj upravi, koji se odnose na rukovođenje i odgovornost funkcionara i njegovog zamjenika, shodno se primjenjuju na predsjednika suda, ako ovim zakonom nije drukčije određeno.

Odredbе o odgovornosti zbog povrede dužnosti, utvrđene pravilnikom o unutarnjoj organizaciji suda, ne primjenjuju se na sutce.

Članak 24.

Za vrijeme vršenja službe sudac nosi posebnu odoru. Ministar pravde Kantona propisat će pravilnikom izgled i uvjete pod kojima se nosi odora.

Članak 25.

Sutcima se izdaje službena legitimacija.

Ministar pravde Kantona posebnim pravilnikom propisuje obrasce i način izdavanja službene legitimacije.

Članak 26.

Sredstva za rad sudova osiguravaju se u budžetu Kantona u obimu koji osigurava neovisnost, samostalnost i efikasno obavljanje sudbene funkcije.

Članak 27.

Sudovi imaju pečat sukladno zakonu. Na zgradi u kojoj su smješteni sudovi moraju biti istaknuti naziv suda i grb Republike Bosne i Hercegovine, Federacije Bosne i Hercegovine i Kantona, a kada je zakonom predviđeno i zastave.

II ORGANIZACIJA SUDOVA

Članak 28.

Sudovi Kantona su: Kantonalni sud i općinski sudovi.

Članak 29.

Kantonalni sud osniva se za područje Kantona.

Članak 30.

Općinski sud osniva se za područje jedne ili više općina.

Članak 31.

Sudovi sude u svom sjedištu.

Općinski sudovi mogu izuzetno obavljati sudbenu vlast i pružati građanima pravnu pomoć i izvan sjedišta suda (sudbeni dani).

Odluku o održavanju sudbenih dana, po prethodno pribavljenom mišljenju suda, donosi ministar pravde Kantona.

Odluka o održavanju sudbenih dana sadrži podatke o mjestu, području i vremenu održavanja sudbenih dana, a objavljuje se u "Službenim novinama Tuzlansko-podrinjskog kantona" i na drugi pogodan način.

III NADLEŽNOST SUDOVA

1. Kantonalni sud

Članak 32.

Kantonalni sud je nadležan:

1. U prvom stupnju suditi:

- a) zakrivljena djela za koja je zakonom propisana kazna zatvora preko 10 godina ili smrtna kazna;
 - b) za krivična djela za koja je posebnim zakonom određena nadležnost Kantonalnog suda;
 - c) sporove iz autorskog prava, kao i sporove koji se odnose na zaštitu ili uporabu i zaštitu pronalazaka, uzoraka, modela ili žigova, o pravu na uporabu i zaštitu firme, kao i sporove iz nelojalne konkurencije i monopolističkih sporazuma;
 - d) u statusno-privrednim sporovima u kojima su obje stranke državni organi, poduzeća, zajednice i druge organizacije, odnosno u kojima je jedna stranka državni organ, poduzeće, organizacija ili zajednica, a druga stranka inozemno pravno ili fizičko lice;
 - e) u sporovima koji se odnose na brodove i plovidbu na unutarnjim vodama kao i sporovima u kojima se primjenjuje plovidbeno pravo (plovidbeni sporovi) osim sporova u prijevozu putnika;
 - f) u sporovima koji nastanu tijekom i u povodu sprovođenja postupka prinudnog poravnjanja, stečaja i redovne likvidacije poduzeća;
 - g) po tužbama iz osnova nezakonite radnje kojom se narušava jedinstvo bosansko-hercegovačkog tržišta (federalnog tržišta), u oblasti prometa robe i usluga.
2. Upravno-računske sporove.
 3. Sprovoditi istragu, pojedine istražne radnje za krivična djela iz svoje nadležnosti, sprovoditi pripremni postupak prema maloljetnicima i vršiti druge poslove u postupku prema maloljetnicima iz svoje nadležnosti.
 4. Odlučivati o žalbama protiv odluka općinskih sudova.
 5. Odlučivati o žalbama protiv rješenja istražnog sutca Kantonalnog suda.
 6. Rješavati sukobe o mjesnoj nadležnosti između općinskih sudova s područja Kantona.
 7. Odlučivati o prenošenju mjesne nadležnosti sa jednog općinskog suda na drugi općinski sud na području Kantona.
 8. Sprovoditi postupak u svezi s molbama za pružanje međunarodne krivično-pravne pomoći za izručenje okrivljenih ili osuđenih stranaca.
 9. Odlučivati o molbama osuđenih osoba za brisanje osude na osnovu sudbene odluke i molbama osuđenih osoba za prestanak mjere sigurnosti, odnosno za prestanak pravne posljedice osude.
 10. Rješavati o priznavanju odluka stranih sudova, stranih trgovačkih sudova i stranih arbitraža.
 11. Sprovodi postupak redovite likvidacije, prinudnog poravnjanja i stečaja.
 12. Odlučivati o tužbama protiv konačnih upravnih akata (upravni sporovi).

Članak 33.

O žalbama na odluke Kantonalnog suda i izvanrednim pravnim lijekovima uloženi na pravnosnažne odluke općinskih i Kantonalnog suda odlučuje sud određen zakonom Federacije Bosne i Hercegovine.

Članak 34.

Svaka strana u žalbenom postupku, u kojem je Kantonalni sud izrekao presudu bez prava na žalbu, može, iz bilo kojeg razloga osim zbog isteka roka za koji je odgovorna strana koja je pokrenula postupak, podnijeti žalbu na presudu Sudu za ljudska prava na osnovu bilo kojeg pitanja iz okvira njegove nadležnosti.

Kantonalni sud, na zahtjev bilo koje od strana u žalbenom postupku pred njim, ili na vlastitu inicijativu u odnosu na takvu žalbu, može se obratiti Sudu za ljudska prava pitanjem koje je proizišlo iz žalbe ako je to pitanje u svezi s bilo čime iz nadležnosti tog suda.

2. Općinski sudovi

Članak 35.

Općinski sudovi su nadležni:

1. U prvom stupnju suditi:
 - a) za krivična djela za koja je zakonom propisana kao glavna kazna novčana kazna ili kazna zatvora do 10 godina ako za pojedina krivična djela nije nadležan Kantonalni sud;
 - b) za krivična djela za koja je posebnim zakonom određena nadležnost općinskog suda;
 - c) građansko-pravne sporove ako za pojedine vrste sporova nije zakonom propisana nadležnost drugog suda;
 - d) u sporovima u kojima su obje stranke Kanton ili jedinice lokalne samouprave, poduzeća i druge organizacije i zajednice kao i kad u tim sporovima, pored ovih osoba sudjeluju kao suparničari i druga fizička ili pravna osoba;
 - e) u sporovima u kojima je jedna stranka Kanton ili jedinica lokalne samouprave, poduzeće i druga organizacija i zajednica, a druga stranka inozemno pravna ili fizička osoba kao i kad u tim sporovima pored ovih osoba, sudjeluju kao suparničari i druga fizička ili pravna osoba;
 - f) u sporovima koji proizilaze iz međusobnih privrednih odnosa vlasnika radnji i drugih pojedinaca koji u vidu registriranog zanimanja obavljaju neku privrednu djelatnost, odnosno iz međusobnih privrednih odnosa tih osoba i Kantona ili jedinica lokalne samouprave, poduzeća i druge organizacije ili zajednice;
 - g) u sporovima iz radnih odnosa;
 - h) privredne prijestupe.
2. Sprovoditi istragu, pojedine istražne radnje kao i pripremni postupak prema maloljetnicima za krivična djela iz svoje nadležnosti.
3. Odlučivati o žalbama protiv rješenja istražnih sudija općinskog suda.
4. Rješavati u posebnim postupcima ako zakonom nije drukčije određeno.
5. Obavljati zemljišno-knjižne poslove ako zakonom nije drukčije određeno.

6. Određivati i sprovoditi izvršenja i osiguranja ako zakonom nije drukčije određeno.
7. Odlučivati o molbama osuđenih osoba za brisanje osude na osnovu sudbene odluke i o molbama osuđenih osoba za prestanak mjere sigurnosti odnosno za prestanak pravne posljedice osude, a odluku donosi sud koji je sudio u prvom stepenu.
8. Vršiti poslove međunarodne pravne pomoći kada zakonom nije određeno da neke od tih poslova vrši Kantonalni sud.
9. Pružati pravnu pomoć sudovima Bosne i Hercegovine, Federacije Bosne i Hercegovine i Kantona.
10. Vršiti i druge poslove određene zakonom.

Zakonom se može odrediti da u određenoj vrsti predmeta iz nadležnosti općinskog suda na području Kantona sudi jedan od općinskih sudova.

Članak 36.

Općinski sud u vijeću od jednog sutca i dvojice sudaca porotnika rješava u sporovima o postojanju, nepostojanju, poništenju i razvodu braka, utvrđivanju ili osporavanju očinstva, o zakonskom i doživotnom izdržavanju, o povjeravanju djece na zaštitu i odgoj i o otkazu ugovora o korištenju stana i poslovnih prostorija.

U posebnim sudbenim postupcima iz oblasti u kojima društvene odnose uređuje Federacija Bosne i Hercegovine, postupak sprovodi i odluke donosi sudac pojedinac ako posebnim zakonom nije drukčije određeno.

Članak 37.

Molba za brisanje osude na osnovu sudbene odluke i molba za prestanak mjera sigurnosti odnosno pravne posljedice osude podnose se općinskom sudu na čijem području osuđeni ima prebivalište.

IV SJEDIŠTE I PODRUČJE SUDOVA

Članak 38.

Sjedište Kantonalnog suda je u Tuzli.

Članak 39.

Općinski sudovi su:

1. Općinski sud u Banovićima - za područje općine Banovići;
2. Općinski sud u Brčkom - za područje općina Brčko;
3. Općinski sud u Čelici - za područje općine Čelić;
4. Općinski sud u Gračanici - za područje općine Gračanica;
5. Općinski sud u Gradačcu - za područje općine Gradačac;
6. Općinski sud u Kalesiji - za područje općine Kalesija;
7. Općinski sud u Kladnju - za područje općine Kladanj;
8. Općinski sud u Lukavcu - za područje općine Lukavac;
9. Općinski sud u Maloj Brijesnici - za područje istočnog dijela općine Dobojo;
10. Općinski sud u Srebreniku - za područje općine Srebrenik;
11. Općinski sud u Teočaku - za područje općine Ugljevik-Teočak;
12. Općinski sud u Tuzli - za područje općine Tuzla;
13. Općinski sud u Zvorniku u Sapni - za područje dijela općine Zvornik;
14. Općinski sud u Živinicama - za područje općine Živinice.

V UNUTARNJA ORGANIZACIJA

Članak 48.

Članak 40.

Unutarnju organizaciju u sudovima, osim broja sudaca; utvrđuje predsjednik suda.

Na akt predsjednika suda iz prethodnog stava suglasnost daje ministar pravde Kantona.

Broj sudaca utvrđuje se zakonom Kantona.

1. Sudbena uprava

Članak 41.

Poslovi kojima se osiguravaju uvjeti za pravilan rad i poslovanje suda obavljaju se u okviru sudbene uprave.

Članak 42.

Poslovi sudske uprave obuhvaćaju osiguranje uvjeta za pravilan rad i poslovanje suda, a naročito:

- organiziranje unutarnjeg poslovanja u sudu;
- staranje da se poslovi u sudu vrše uredno i na vrijeme;
- stručne poslove u svezi s ostvarivanjem prava i dužnosti radnika iz radnog odnosa;
- organiziranje stručnog obrazovanja sudija, stručnih saradnika, pripravnika i ostalih radnika suda;
- vođenje statistike i izvješća službe suda;
- poslove pozivanja i raspoređivanja sudaca porotnika; poslove u svezi sa stalnim sudskim tumačima i vještacima;
- poslove izvršenja krivičnih sankcija;
- finansijsko-materijalno poslovanje suda;
- poslove ovjere isprava namijenjenih za uporabu u inozemstvu;
- poslove u vezi sa pritužbama stranaka na rad suda;
- druge poslove određene zakonom.

Članak 43.

Poslovima sudbene uprave rukovodi predsjednik suda.

Članak 44.

Predsjednik suda predstavlja sud prema drugim organima i organizacijama i obavlja druge poslove određene zakonom.

Članak 45.

Predsjednik suda je naredbodavac za izvršenje finansijskog plana i predračuna sredstava suda.

Predsjednik suda vrši nadzor nad pritvorenima u Okružnom zatvoru, a predsjednik općinskog suda nad pritvorenima u općinskom zatvoru.

Ako se u Okružnom zatvoru nalaze i pritvorenici prema kojima je pritvor određen rješenjem ili presudom općinskog suda, nadzor nad tim pritvorenima može vršiti i predsjednik općinskog suda koji je donio rješenje ili presudu kojima je određen pritvor.

Članak 46.

Predsjednik suda utvrđuje raspored poslova i osigurava njihovo izvršenje.

Rasporedom poslova obvezno se određuje sudac za maloljetnike, a u Kantonalnom sudu i drugostepeno vijeće za maloljetnike.

Članak 47.

Predsjednik suda rasporedom poslova određuje zamjenika koji ga zamjenjuje u njegovoj odsutnosti ili sprječivosti i koji mu, prema potrebi, pomaže u vršenju poslova sudbene uprave.

Sudovi mogu imati tajnika suda koji pomaže predsjedniku suda u poslovima sudbene uprave.

Predsjednik suda može prenijeti na tajnika suda vršenje određenih poslova sudbene uprave.

2. Sudbena odjeljenja i sjednica svih sudaca

Članak 49.

U sudovima u kojima ima više vijeća odnosno sudaca pojedinaca, koji odlučuju u stvarima iz iste pravne oblasti, obrazuju se sudbena odjeljenja u čiji sastav ulaze sutci koji odlučuju u stvarima iz iste pravne oblasti.

Članak 50.

Na sjednicama sudbenih odjeljenja razmatraju se pitanja od interesa za rad odjeljenja, a naročito: organiziranje unutarnjeg poslovanja odjeljenja, praćenje stanja poslova odjeljenja, ujednačavanje sudbene prakse po pravnim i drugim pitanjima odjeljenja, unapređenje metoda rada odjeljenja i stručno uzdizanje sudaca, stručnih suradnika i pripravnika diplomiranih pravnika.

Članak 51.

Sjednica sudbenog odjeljenja se saziva i kada se utvrdi da o pitanjima primjene zakona postoji nesuglasnost u shvaćanjima između pojedinih vijeća ili kada jedno vijeće odstupa od pravnog shvaćanja usvojenog u svojoj praksi ili od pravnog shvaćanja koja su usvojila sva vijeća.

Sjednica sudbenog odjeljenja utvrđuje pravna shvaćanja većinom glasova svih sudaca odjeljenja.

Pravno shvaćanje usvojeno na sjednici sudbenog odjeljenja obvezno je za sva vijeća koja su u sastavu odjeljenja.

Ako je u konkretnom slučaju vijeće drugostepenog suda već donijelo odluku koja nije u suglasnosti sa pravnim shvaćanjima drugog vijeća, predsjednik suda će odrediti da se zastane sa slanjem prijepisa odluke i da se pitanje nesuglasnosti raspravi na sjednici sudbenog odjeljenja.

Ako u takvom slučaju sjednica sudbenog odjeljenja zauzme stav protivan donesenoj odluci, vijeće koje je donijelo odluku dužno je o predmetu ponovo odlučivati.

Članak 52.

Sudbenim odjeljenjem rukovodi rukovoditelj odjeljenja, koji se određuje rasporedom poslova.

Sjednicu sudbenog odjeljenja saziva i njenim radom rukovodi rukovoditelj odjeljenja.

Predsjednik suda može sudjelovati u radu sjednice sudbenog odjeljenja i ima pravo glasa.

Članak 53.

U sudovima se održavaju sjednice svih sudaca na kojima se razmatraju pitanja od interesa za rad suda kao i pitanja koja su značajna za društvene odnose i pojave koje je sud pratio i proučavao i na probleme sudbene prakse, pripremaju izvješća i priopćenja za nadležne sabore i druge organe i organizacije i daju mišljenje predsjedniku suda za raspored sudačkih poslova.

Predsjednik suda može na sjednicu svih sudaca pozvati i sutce porotnike kada se razmatraju pitanja koja se odnose na društvene odnose i pojave, izvješća i priopćenja za nadležne sabore i druge organe i organizacije kao i druga slična pitanja.

Članak 54.

Sjednica svih sudaca razmatra i pitanja iz članka 50 i 51. ovog zakona u sudovima koji nemaju uvjete obrazovati sudbena odjeljenja.

Članak 55.

Sjednicu svih sudaca saziva i njenim radom rukovodi predsjednik suda.

3. Stručni suradnici i ostali radnici suda

Članak 56.

Sudovi mogu imati određeni broj stručnih suradnika i drugih radnika za vršenje stručnih i administrativno-tehničkih poslova sa odgovarajućom stručnom spremom.

Članak 57.

Za stručnog suradnika u Kantonalni ili općinski sud prima se odnosno raspoređuje diplomirani pravnik sa položenim pravosudnim ispitom.

Stručni suradnici pomažu sutcu u proučavanju i pripremanju predmeta za rasprave, pretrese i referiranje, proučavanju pravnih pitanja u vezi sa radom suda u pojedinim predmetima, izradi sudbenih odluka, uzimaju na zapisnik tužbe, prijedloge i druge podneske i izvave stranaka i vrše samostalno ili pod nadzorom i po uputstvima sutca druge stručne poslove predviđene zakonom ili pravilnikom o unutarnjem poslovanju redovitih sudova ili aktom o unutarnjoj organizaciji suda.

Broj stručnih suradnika u sudu utvrđuje se aktom o unutarnjoj organizaciji sukladno s orijentacionim mjerilima o potrebnom broju sudaca i ostalih radnika.

4. Pripravnici

Članak 58.

U sudovima postoji određen broj pripravnika - diplomiranih pravnika.

Broj pripravnika iz prethodnog stava utvrđuje se aktom o unutarnjoj organizaciji.

Članak 59.

Sudovi mogu primati na praksu i druge osobe koje su diplomirale na pravnom fakultetu (pripravnike - volontere) ako im je ta praksa potrebna radi stručnog osposobljavanja i stjecanja uvjeta za polaganje pravosudnog ispita.

Pripravnici - volonterima za vrijeme obavljanja prakse ne pripada naknada za rad na teret suda.

Broj pripravnika - volontera iz stava 1. ovog članka utvrđuje se aktom o unutarnjoj organizaciji suda, ovisno o mogućnosti za obavljanje ove prakse, kao i osiguranih sredstava od nadležnih organa za plaćanje obveznih doprinosa, za slučaj invalidnosti i tjelesnog oštećenja prouzrokovanih povredom na radu ili profesionalnom bolešću.

Članak 60.

Pripravnici - volonteri primaju se na praksu i provode ovu praksu u sudu shodno odredbama koje važe za pripravnike - diplomirane pravnike.

Protiv odluke kojom se odbija zahtjev za prijem na praksu podnositelj zahtjeva može izjaviti prigovor predsjedniku suda u roku od petnaest dana.

Članak 61.

Zbog teže povrede radne dužnosti predsjednik suda može rješenjem pripravniku - volonteru prekinuti dalje obavljanje prakse.

Protiv rješenja iz prethodnog stava može se izjaviti prigovor predsjedniku suda u roku od petnaest dana.

Članak 62.

Pripravnički staž u sudovima traje jednu godinu.

Za vrijeme pripravničkog staža pripravnik se kroz praktičan rad na odgovarajućim poslovima i zadacima, uz stručnu pomoć i pod stručnim nadzorom predsjednika suda ili određenog sutca osposobljava za samostalno vršenje poslova i zadataka čije je vršenje uslovljeno pravosudnim ispitom.

Pripravnički staž provodi se po programu koji utvrđuje ministar pravde Kantona.

Članak 63.

Uvjeti za stjecanje prava na polaganje pravosudnog ispita, program i način polaganja tog ispita uređuju se federalnim zakonom.

VI PRAVOSUDNA UPRAVA

Članak 64.

Ovlašćenja u vezi sa organiziranjem rada u sudovima i nadzor nad vršenjem sudbene uprave vrši Ministarstvo pravde Kantona osim ako zakonom Federacije Bosne i Hercegovine ili Kantona nije drukčije regulirano.

Nadzor nad poslovima sudova obuhvaća naročito i pitanje da li se poslovi vrše uredno i na vrijeme, da li se poslovi sudbene uprave obavljaju u suglasnosti sa zakonom i drugim propisima; ispitivanje pritužbi građana državnih organa, poduzeća i drugih organizacija i zajednica.

Članak 65.

Ministarstvo pravde Kantona:

- osigurava provođenje zakona i drugih propisa i mjera koji se odnose na organizaciju i rad sudova;
- prati provođenje utvrđene politike i proučava stanje i pojave kod sudova i predlaže poduzimanje potrebnih mjera;
- prati i proučava rad sudova u svezi s unapređenjem njihove organizacije i poslovanja, kadrovskim pitanjima, stručnim usavršavanjem kadrova, osiguranjem materijalnih i drugih uvjeta za rad sudova, kao i drugim pitanjima od značaja za pravilan rad sudova;
- ispituje izravno ili preko predsjednika suda pritužbe na rad sudova zbog nepostupanja, odugovlačenja sudbenog postupanja ili drugih razloga;
- vrši i druge poslove predviđene zakonom.

Ministarstvo pravde Kantona može zahtijevati od sudova podatke ili izvješća koji su mu potrebni radi vršenja poslova iz svog djelokruga.

Članak 66.

Ministar pravde Kantona:

- propisuje organizaciju i način unutarnjeg poslovanja u sudovima;
- utvrđuje orijentaciona mjerila o potrebnom broju sudaca i ostalih radnika;
- vrši i druge poslove predviđene zakonom.

Propise iz alineje 1 i 2. prethodnog stava ministar pravde Kantona donosi po prethodno pribavljenom mišljenju sudova.

Članak 67.

Kada se ustanovi da se poslovi sudbene uprave u sudu ne vrše sukladno s propisima ili da se ne vrše blagovremeno, uslijed čega je otežano izvršavanje funkcije suda, Ministarstvo pravde

Kantona upozorit će predsjednika suda i dati uputstva za izvršenje odgovarajućih poslova i otklanjanje propusta.

Ako se i pored tog upozorenja propusti ne otklone, Ministarstvo pravde Kantona o tome će obavijestiti Sabor Kantona odnosno predsjednika Kantonalnog suda i predložiti poduzimanje određenih mjera.

Članak 68.

Ministarstvo pravde Kantona provodi postupak i odlučuje povodom zahtjeva oštećenog za naknadu štete, rehabilitaciju i ostvarivanje drugih prava osoba neopravdano osuđenih i neosnovano lišenih slobode.

1. Unutarnje poslovanje sudova

Članak 69.

Propisom iz alineje 1. članka 66. ovog zakona uređuju se naročito:

- rad sudbene uprave;
- način vođenja evidencija i sudbene statistike;
- rad stalnih sudbenih vještaka;
- pružanje pravne pomoći građanima i održavanje sudbenih dana;
- informiranje javnosti o radu sudova;
- evidencija, pozivanje i raspoređivanje sudaca porotnika;
- evidencija vršenja pripravnicičke prakse u sudovima;
- načela unutrašnje organizacije poslovanja suda;
- način organiziranja i poslovanja sudbenih odjeljenja;
- vrsta, sadržaj i način vođenja upisnika i pomoćnih knjiga;
- obrasci za rad sudova;
- postupanje sa sudbenim spisima;
- rad u vijećima;
- postupanje na sjednicama sudbenih odjeljenja;
- rad na sjednicama sudaca;
- materijalno i finansijsko poslovanje (poslovi depozita);
- način vršenja poslova međunarodne pravne pomoći.

2. Stalni sudbeni tumači

Članak 70.

Stalne sudbene tumače postavlja i razrješava ministar pravde Kantona.

Propise o pravima i dužnostima stalnih sudbenih tumača donosi Vlada Kantona ako donošenje ovih propisa nije u nadležnosti Vlade Federacije Bosne i Hercegovine.

VII SUTCI I SUTCI POROTNICI

Članak 71.

Broj sudaca Kantonalnog suda i općinskih sudova utvrđuje Sabor Kantona.

Broj sudaca porotnika Kantonalnog suda i općinskih sudova određuje Sabor Kantona na prijedlog predsjednika suda.

1. Izbor sudaca i sudaca porotnika

Članak 72.

Inicijativu za izbor sutca Kantonalnog suda može podnijeti ministar pravde Kantona i Kantonalni sud, u sjednici svih sudaca.

Članak 73.

Sutce Kantonalnog suda predlaže predsjednik Kantona a bira ih Sabor Kantona većinom glasova ukupnog broja poslanika.

U Kantonalni sud biraju se suci Bošnjaci i Hrvati i odgovarajući broj ostalih, srazmjerno nacionalnoj strukturi stanovništva Kantona.

Članak 74.

Za sutca Kantonalnog suda može biti izabran državljanin Bosne i Hercegovine, koji ima završen pravni fakultet i položen pravosudni ispit, koji je radio najmanje pet godina kao sudac ili predsjednik suda, tužilac ili njegov zamjenik, pravobranilac ili odvjetnik, koji je radeći na navedenim poslovima stekao ugled pravnog stručnjaka i koji posjeduje najviše moralne osobine za obavljanje službe sutca Kantonalnog suda.

Članak 75.

Kantonalni sud iz reda sudaca Kantonalnog suda bira i razrješava predsjednika Kantonalnog suda dvotrećinskom većinom glasova svih sudaca.

Predsjednik Kantonalnog suda bira se na osam godina i nakon isteka mandata može ponovno biti izabran.

Predsjednik suda koji nije ponovno izabran za predsjednika nastavlja vršiti dužnost sutca u istom sudu bez ponovnog biranja.

Članak 76.

Sudac Kantonalnog suda bit će u službi do dobi od 70 godina, ukoliko ne podnese ostavku ili ne bude smijenjen od vršenja dužnosti sutca.

Članak 77.

Za sutca porotnika Kantonalnog suda može biti izabran državljanin Bosne i Hercegovine koji je punoljetan i koji posjeduje najviše moralne osobine za obavljanje službe sutca porotnika Kantonalnog suda.

Sutce porotnike Kantonalnog suda predlaže predsjednik Kantonalnog suda a bira ih, većinom ukupnog broja glasova poslanika Sabora Kantona.

Suci porotnici Kantonalnog suda biraju se na četiri godine i po isteku tog roka mogu ponovno biti izabrani.

Članak 78.

Kada je protiv sutca porotnika Kantonalnog suda pokrenut krivični postupak ili pokrenut postupak za njegovo smjenjivanje od službe, predsjednik Kantonalnog suda neće pozivati sutca porotnika da vrši službu dok se ovi postupci pravnosnažno ne dovrše.

Članak 79.

Sutcima porotnicima za vršenje službe pripada naknada nastalih troškova, naknada za neostvarenu plaću ili zaradu i nagrada.

Uvjete, visinu naknade i nagrade iz stava 1. ovog članka određuje ministar pravde Kantona.

Članak 80.

Odredbes ovog zakona koje se odnose na broj i nacionalnu strukturu sudaca Kantonalnog suda, shodno se primjenjuju i na sutce porotnike Kantonalnog suda.

Članak 81.

Za sutca općinskog suda može biti imenovan državljanin Bosne i Hercegovine, koji je diplomirani pravnik i ima položen pravosudni ispit i koji je proveo na radu na pravnim poslovima najmanje dvije godine nakon položenog pravosudnog ispita i koji

posjeduje stručnu sposobnost i najviše moralne osobine za obavljanje službe sutca općinskog suda.

Članak 82.

Inicijativu i prijedlog za imenovanje sutca općinskog suda može podnijeti ministar pravde Kantona ili općinski sud na sjednici svih sudaca.

Članak 83.

Sudac općinskog suda bit će u službi do dobi od 70 godina ukoliko ne podnese ostavku ili ne bude smijenjen od vršenja službe.

Članak 84.

Sutce općinskog suda imenuje predsjednik Kantonalnog suda nakon konsultacija sa općinskim načelnikom.

Ukoliko mjesno područje općinskog suda obuhvaća dvije ili više općina, sutce takvog općinskog suda imenuje predsjednik Kantonalnog suda nakon konzultacija sa općinskim načelnicima tih općina.

Nacionalna struktura općinskog suda u cjelini odražava nacionalnu strukturu stanovništva općine ili općina za koje je osnovan općinski sud.

Članak 85.

Općinski sud iz reda sudija općinskog suda bira i razrješava predsjednika općinskog suda dvotrećinskom većinom glasova svih sudaca.

Predsjednik općinskog suda bira se na osam godina i nakon isteka mandata može biti ponovno izabran.

Predsjednik suda koji nije ponovno izabran za predsjednika suda nastavlja vršiti dužnost sutca u istom sudu bez ponovnog imenovanja.

Članak 86.

Za sutca porotnika općinskog suda može biti imenovan državljanin Bosne i Hercegovine koji je punoljetan i koji posjeduje najviše moralne osobine za obavljanje službe sudije porotnika općinskog suda.

Sutce porotnike općinskog suda predlaže predsjednik općinskog suda a imenuje predsjednik Kantonalnog suda.

Sutce porotnike općinskih sudova imenuju se na četiri godine i po isteku tog roka mogu ponovno biti imenovani.

Članak 87.

Prije stupanja na službu sutci i sutci porotnici Kantonalnog suda daju svečanu izjavu pred predsjedavajućim Saborom Kantona, a sutci i sutci porotnici općinskog suda pred predsjednikom Kantonalnog suda.

Tekst svečane izjave glasi:

"Izjavljujem da ću se u vršenju službe sutca - sutca porotnika pridržavati ustava i zakona i da ću službu sutca - sutca porotnika vršiti savjesno i nepristrasno".

Članak 88.

Odredbes članka 78. i 79. ovog zakona shodno se primjenjuju i na sutce porotnike općinskog suda.

Članak 89.

Izbor sudija Kantonalnog i imenovanje sudaca općinskih sudova vrši se na osnovu javnog natječaja.

Javni natječaj raspisuje i daje stručno mišljenje o ispunjavanju uvjeta za izbor sutca Ministarstvo pravde Kantona, sukladno sa odredbama ovog zakona.

2. Prestanak službe sutca i sutca porotnika

Članak 90.

Sutcu i sutcu porotniku služba prestaje smjenjivanjem od vršenja službe i podnošenjem ostavke na vršenje službe, te navršavanjem 70 godina životne dobi.

Članak 91.

Sudac Kantonalnog i općinskog suda bit će smijenjen od vršenja službe ako bude osuđen za krivično djelo koje ga čini nedostojnim za vršenje službe sutca; ako se utvrdi da je izvršio težu povredu službe, odnosno ugleda službe sutca; ako se utvrdi da nije stručno sposoban za vršenje službe sutca ili da kroz duže vrijeme neuredno obavlja službu sutca, odnosno da kroz duže vrijeme ne postiže zadovoljavajuće rezultate u radu ili ako se na osnovu mišljenja zdravstvene ustanove utvrdi da je trajno izgubio sposobnost za vršenje službe sutca.

Članak 92.

Prijedlog za pokretanje postupka za smjenjivanje sutca Kantonalnog suda od vršenja službe može podnijeti ministar pravde Kantona i predsjednik Kantonalnog suda.

Prijedlog za pokretanje postupka za smjenjivanje sutca općinskog suda od vršenja službe može podnijeti ministar pravde Kantona i predsjednik općinskog suda.

Članak 93.

Odluka o smjenjivanju sutca Kantonalnog suda iz razloga navedenih u članku 91. ovog zakona donosi se konsenzusom sudija Vrhovnog suda Federacije Bosne i Hercegovine.

Odluka o smjenjivanju sutca općinskog suda iz razloga navedenih u članku 91. ovog zakona donosi se konsenzusom sudaca Kantonalnog suda.

Članak 94.

Odluku o smjenjivanju sudaca porotnika Kantonalnog suda od vršenja službe iz razloga navedenih u članku 91. ovog zakona donosi Sabor Kantona, a odluku o smjenjivanju sudaca porotnika općinskog suda donosi predsjednik Kantonalnog suda.

Članak 95.

U postupku smjenjivanja sutcu će se omogućiti da se izjasni o razlozima smjenjivanja.

Članak 96.

Sudac Kantonalnog suda i sudac općinskog suda bit će udaljen od vršenja službe ako mu je određen pritvor.

Sudac može biti udaljen od vršenja službe ako je protiv njega pokrenut krivični postupak ili postupak za smjenjivanje od vršenja službe za djelo koje ga čini nedostojnim za vršenje službe sutca.

Članak 97.

Odluku o udaljenju sutca od vršenja službe donosi predsjednik suda, po prethodno pribavljenom mišljenju sjednice svih sudaca tog suda; za predsjednika općinskog suda predsjednik Kantonalnog suda, a za predsjednika Kantonalnog suda predsjednik Vrhovnog suda Federacije, po prethodno pribavljenom mišljenju sjednice sudaca tog suda.

Članak 98.

Sudac i sudac porotnik Kantonalnog suda može podnijeti stavku na vršenje službe Saboru Kantona.

Sudac i sudac porotnik općinskog suda može podnijeti ostavku na vršenje službe predsjedniku Kantonalnog suda.

Sutcu, odnosno sutcu porotniku prestaje vršenje službe sljedećeg dana od dana u koji je ostavka primljena.

3. Prava i dužnosti sudaca

Članak 99.

Sudac je dužan čuvati svoj ugled i ugled suda u kojem vrši dužnost.

Sudac ne može biti nosilac funkcije niti član izvršnog tijela političke organizacije, kao niti član zakonodavne i izvršne vlasti.

Bračni drugovi, srodnici u pravoj liniji, odnosno srodnici u pobočnoj liniji do drugog stupnja ne mogu vršiti službu sutca u Kantonalnom odnosno u istom općinskom sudu.

Članak 100.

Sudac ne može vršiti drugu službu ili posao.

Članak 101.

Sudac za vrijeme službe ima pravo na plaću i druge naknade utvrđene zakonom, koja sudcu osigurava potpunu materijalnu i društvenu neovisnost.

Plaće i druge naknade sudaca ne mogu biti umanjivane tijekom trajanja službe.

Sudac ima pravo na mirovinsko, invalidsko i zdravstveno osiguranje i prava koja iz toga proizilaze po općim propisima, pravo na odmore i dopuste koje imaju djelatnici u sudu i godišnji odmor u trajanju od 30 radnih dana, pravo na materijalne troškove pod uvjetima predviđenim zakonom i drugim propisima, naknadu za službena putovanja i putne troškove u svezi s obavljanjem sudačke dužnosti, kao i pravo na stručno usavršavanje i specijalizaciju u okviru sredstava osiguranih za tu namjenu.

Članak 102.

Sudac Kantonalnog ili općinskog suda bez svog pristanka može biti privremeno upućen na rad u drugi sud najduže tri mjeseca, a po svom pristanku najduže šest mjeseci u jednoj kalendarskoj godini.

Privremeno upućivanje na rad u drugi sud vrši se samo ako zbog spriječenosti ili izuzeća sudaca ili iz drugih opravdanih razloga bude dovedeno u pitanje redovito vršenje poslova u tom sudu.

U Kantonalni sud može biti privremeno upućen na rad sudac općinskog suda, a u općinski sud sudac drugog općinskog ili Kantonalnog suda.

Rješenje o privremenom upućivanju na rad u drugi sud donosi predsjednik Kantonalnog suda uz suglasnost predsjednika suda u kojem sudac obavlja dužnost.

Protiv rješenja o upućivanju na rad u drugi sud sudac ima pravo prigovora ministru pravde Kantona u roku od osam dana od dostavljanja rješenja. Odluka ministra pravde na prigovor konačna je.

Članak 103.

Ako sudac bude imenovan za funkcionera u izvršnoj ili zakonodavnoj vlasti, sudačka dužnost mu miruje dok obavlja dužnost na koju je imenovan, u izvršnoj ili zakonodavnoj vlasti.

Sudac uz svoj pristanak može biti raspoređen i na druge poslove u Ministarstvu pravde Kantona ali ne duže od dvije godine, za koje vrijeme mu sudačka dužnost miruje.

U slučaju iz prethodnog stava ovog članka sudac ima pravo na plaću koja je za njega povoljnija.

Odluku o rasporedu sudaca prema stavu 2. ovog članka donosi ministar pravde Kantona uz suglasnost predsjednika suda u kojem sudac obavlja sudačku dužnost.

Članak 104.

Kanton odgovara za štetu koju u vršenju službe nanese i sudac građaninu ili pravnoj osobi svojim nepravilnim ili nezakonitim radom.

Kanton može od sutca zahtijevati naknadu isplaćene svote samo kada je sudac štetu učinio namjerno ili iz krajnje nepažnje.

Zahtjev za naknadu štete iz stava 2. ovog članka zastarijeva u roku od šest mjeseci od dana isplaćene naknade.

Članak 105.

Nadležna tijela izvršne vlasti dužna su u svakom trenutku osigurati osobnu sigurnost i fizičku zaštitu sudaca i njihovih obitelji.

VIII SREDSTVA ZA RAD SUDOVA

Članak 106.

Sredstva za rad sudova osiguravaju se u budžetu Kantona.

Sredstva za rad sudova obuhvaćaju sredstva za obavljanje redovite djelatnosti (sredstva za plaće sudaca i ostalih radnika, sredstva za materijalne rashode, sredstva za amortizaciju stvari, opreme i zgrada) i sredstva za posebne namjene.

Sredstva iz stava 2. ovog članka osiguravaju se u visini koja će osigurati redovito obavljanje svih poslova u sudu, te materijalnu i društvenu neovisnost sudaca.

Članak 107.

Financijsko i materijalno poslovanje sudova obavlja se na način koji važi za organe državne uprave, a financijsko i materijalno poslovanje sa strankama na način određen zakonom i propisom koji donosi ministar pravde Kantona.

IX PRIJELAZNE I ZAVRŠNE ODREDBE

Članak 108.

Kantonalni i općinski sudovi počinju sa radom danom početka primjene ovog zakona.

Po stupanju na snagu ovog zakona u roku od 30 dana donijet će se zakon o broju sudaca i izvršiti izbor i imenovanje sudaca, predsjednika sudova i sudaca porotnika Kantonalnog i općinskih sudova.

Izuzetno sutci koji nisu stekli uvjete za izbor do dana donošenja ovog zakona, mogu biti birani - imenovani u roku iz stava 2. ovog članka.

Članak 109.

Danom početka rada Kantonalnog i općinskih sudova redoviti sudovi (osnovni i Viši sud) ustupit će predmete iz svoje nadležnosti utvrđene ovim zakonom Kantonalnom i općinskim sudovima, osnovanim ovim zakonom.

Članak 110.

Predsjednici sudova donijet će u roku 30 dana od dana početka rada sudova pravilnik o unutarnjoj organizaciji suda.

Članak 111.

Do donošenja pravilnika o unutarnjoj organizaciji sudova prema odredbama ovog zakona, primjenjivat će se postojeći pravilnik o unutarnjem poslovanju redovitih sudova ako nije u suprotnosti sa ovim zakonom.

Do donošenja propisa koje po odredbama ovog zakona donosi ministar pravde Kantona, primjenjivat će se postojeći propisi ako nisu u suprotnosti sa ovim zakonom.

Propisi za čije je donošenje po odredbama ovog zakona ovlašten ministar pravde Kantona, donijet će se u roku od 30 dana od dana stupanja na snagu ovog zakona.

Članak 112.

Ovaj zakon stupa na snagu osmog dana od dana objavljivanja u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Sabor
Broj: 01-011-205-6/96
Tuzla, 8. srpanj 1996. g.

Predsjedatelj
Saborom
Tuzlansko-podrinjskog
kantona,
Mustafa Ramić, v.r.

187

Na osnovu člana 9. stava 1. alineja 3. Zakona o plaćama i drugim osobnim primanjima radnika ("Sl. list Republike Bosne i Hercegovine" br. 21/95), člana 2. stav 1. i člana 26. Zakona o naknadama plaća poslanika i o plaćama funkcionera koje biraju ili imenuju skupštine društveno-političkih zajednica ("Sl. list Republike Bosne i Hercegovine" br. 8/93 i 13/94), člana 24. a u vezi sa članom 23. Ustavnog zakona Tuzlansko-podrinjskog kantona" br. 1/94) i člana 69. Poslovnika o radu Skupštine Tuzlansko-podrinjskog kantona ("Sl. novine Tuzlansko-podrinjskog kantona" br. 1/94), Skupština Tuzlansko-podrinjskog kantona, na prijedlog Administrativne komisije, na sjednici od 8. jula 1996. godine, donosi

ODLUKU

**O IZMJENAMA I DOPUNAMA ODLUKE O
UTVRĐIVANJU PLAĆA FUNKCIONERA KOJE BIRA
ILI IMENUJE SKUPŠTINA TUZLANSKO-
PODRINJSKOG KANTONA, NAKNADA IZGUBLJENE
ZARADE I NAKNADA ZA VRŠENJE FUNKCIJE
POSLANICIMA U SKUPŠTINI TUZLANSKO-
PODRINJSKOG KANTONA ZA VRIJEME RATNOG
STANJA ILI NEPOSREDNE RATNE OPASNOSTI**

Član 1.

U Odluci o utvrđivanju plaća funkcionera koje bira ili imenuje Skupština Tuzlansko-podrinjskog kantona, naknada izgubljene zarade i naknada za vršenje funkcije poslanicima u Skupštini Tuzlansko-podrinjskog kantona za vrijeme ratnog stanja ili neposredne ratne opasnosti broj: 01-011-397/95 ("Sl. novine Tuzlansko-podrinjskog kantona" br. 4/95)

- u članu 5. pod tačkom 3. koeficijent "6,5" zamjenjuje se koeficijentom "7".

- u članu 6. iza stava 1. dodaje se novi stav 2., koji glasi:

"Poslaniku koji izostane sa sjednice Skupštine ne pripada poslanički paušal predviđen u prethodnom stavu za mjesec u kojem je sjednica održana".

U stavu 2., koji postaje stav 3. broj "50" zamjenjuje se brojem "80".

Iza stava 3., koji postaje stav 4. dodaje se novi stav 5., koji glasi:

"Članu Kolegija Skupštine za prisustvo sjednici Kolegija Skupštine pripada naknada u visini od 50% prosječne plaće po radniku u privredi Republike Bosne i Hercegovine isplaćene za prethodni mjesec".

Dosadašnji stav 4. postaje stav 6. a u prvom redu tog stava iza riječi Skupština dodaje se "zarež" i riječi "Kolegija Skupštine".

Član 2.

Ova Odluka stupa na snagu danom donošenja, a biće objavljena u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Skupština

Broj: 01-011-208-15/96
Tuzla, 8. jula 1996. g.

Predsjedavajući
Skupštinom
Tuzlansko-podrinjskog
kantona,
Mustafa Ramić, v.r.

188

Na osnovu člana 24. stav 1. tačka e) Ustavnog zakona Tuzlansko-podrinjskog kantona ("Sl. novine Tuzlansko-podrinjskog kantona", broj 1/94), na prijedlog Vlade Tuzlansko-podrinjskog kantona, Skupština Tuzlansko-podrinjskog kantona, na sjednici od 8. jula/srpnja 1996. godine, donosi

ODLUKU

I

Privremeni korisnici stana u državnoj ili privatnoj svojini (koji posjeduju rješenje nadležnog organa) - porodice šehida - poginulog borca, ratni vojni invalidi, pripadnici oružanih snaga R BiH i prognanici, u slučaju povratka nosioca stanarskog prava u roku iz člana 10. zakona ili vlasnika stana, ne mogu se iseljavati dok im se ne obezbijedi adekvatan smještaj.

Adekvatnim smještajem smatraće se stambeni prostor koji ispunjava kriterije racionalnog korištenja stana predviđene Zakonom o stambenim odnosima.

II

Privremeni korisnici stana u državnoj ili privatnoj svojini (koji posjeduju rješenje nadležnog organa) - porodice šehida - poginulog borca, ratni vojni invalidi, pripadnici oružanih snaga R BiH i prognanici, nakon proteka roka privremenog korištenja stana prema izdatom rješenju, ne mogu se iseljavati prije nego što im se obezbijedi adekvatan smještaj.

III

Ukoliko se prilikom revizije napuštenog stambenog fonda od strane općinskih organa uprave utvrdi da privremeni korisnik posjeduje kuću ili stan u vlasništvu na području Tuzlansko-podrinjskog kantona sa osnovnim uslovima stanovanja ili se ti uslovi mogu obezbijediti minimalnim ulaganjima isti se mogu iseliti bez obezbjeđenja nužnog smještaja.

IV

Nadležni općinski organi uprave u postupku donošenja rješenja o iseljenju nezakonito useljenih lica - porodica šehida - poginulog borca i ratni vojni invalidi, ne mogu donijeti rješenje o iseljenju bez prethodno pribavljenog mišljenja Ministarstva za urbanizam, prostorno uređenje i zaštitu okolice Tuzlansko-podrinjskog kantona Tuzla.

V

Zadužuju se nadležni općinski organi uprave koji to do sada nisu učinili, da za privremene korisnike evidentiranih napuštenih stambenih objekata u privatnom vlasništvu izdaju odgovarajuća rješenja u skladu sa zakonom.

VI

Ova odluka stupa na snagu danom objavljivanja u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Skupština
Broj: 01-011-208-13/96
Tuzla, 8. juli/srpanj 1996. g.

Predsjedavajući
Skupštinom
Tuzlansko-podrinjskog
kantona,
Mustafa Ramić, v.r.



189

Na osnovu člana 24. stava 1. tačke m) Ustavnog zakona Tuzlansko-podrinjskog kantona ("Sl. novine Tuzlansko-podrinjskog kantona" broj: 1/94), člana 29. stava 1. i člana 105. stav 2. Poslovnika o radu Skupštine Tuzlansko-podrinjskog kantona ("Sl. novine Tuzlansko-podrinjskog kantona" broj: 1/94), Skupština Tuzlansko-podrinjskog kantona, na sjednici održanoj 8. jula/srpnja 1996. godine, donosi

ODLUKU

I

Obrazuje se Komisija za izradu nacrtu Ustava Tuzlansko-podrinjskog kantona (u daljem tekstu: Komisija), kao privremeno radno tijelo Skupštine Tuzlansko-podrinjskog kantona.

II

U Komisiju se imenuju:

1. Seada Palavrić;
2. Mirza Jusufović;
3. Šaban Mujčinović;
4. Ismet Trumić;
5. Nedim Nuhić;
6. Željko Pešić;
7. Rizah Pašić;
8. Simo Simić;
9. Emin Halilčević;
10. Boris Ferković;
11. Dževad Čosickić;
12. dr Sead Avdić;
13. Hazim Vikalo i
14. Mehmed Bajraktarević.

Za predsjednika Komisije imenuje se Seada Palavrić, dipl. pravnik.

III

Komisija ima zadatak da, u što je moguće kraćem roku, izradi nacrt teksta Ustava Tuzlansko-podrinjskog kantona.

IV

Ova odluka stupa na snagu danom donošenja, a biće objavljena u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Skupština
Broj: 01-011-210-4/96
Tuzla, 8. jula/srpnja 1996. g.

Predsjedavajući
Skupštinom
Tuzlansko-podrinjskog
kantona,
Mustafa Ramić, v.r.

190

Na osnovu člana 24. stav 1. tačka m) Ustavnog zakona Tuzlansko-podrinjskog kantona ("Sl. novine Tuzlansko-podrinjskog kantona" br. 1/94) i člana 105. stav 1. Poslovnika o radu Skupštine Tuzlansko-podrinjskog kantona ("Sl. novine Tuzlansko-podrinjskog kantona" br. 1/94), te zaključka Zakonodavno-pravne komisije Skupštine Tuzlansko-podrinjskog kantona sa sjednice od 4. 7. 1996. godine, a na prijedlog predsjedavajućeg Skupštine Tuzlansko-podrinjskog kantona, Skupština Tuzlansko-podrinjskog kantona, na sjednici održanoj od 8. jula/srpnja 1996. godine, donosi

ODLUKU

O OBRAZOVANJU KOLEGIJA SKUPŠTINE
TUZLANSKO-PODRINJSKOG KANTONA

I

Obrazuje se Kolegij Skupštine Tuzlansko-podrinjskog kantona kao radno tijelo Skupštine Tuzlansko-podrinjskog kantona (u daljem tekstu: Kolegij Skupštine).

II

U kolegij Skupštine imenuju se:

1. Predsjedavajući Skupštinom Tuzlansko-podrinjskog kantona;
2. sekretar Skupštine Tuzlansko-podrinjskog kantona i
3. predsjednici klubova poslanika.

III

Kolegij Skupštine ima slijedeća prava i dužnosti:

- koordinira aktivnosti na pripremi sjednica Skupštine Tuzlansko-podrinjskog kantona (u daljem tekstu: Skupština) i utvrđivanju prijedloga dnevnih redova na tim sjednicama;
- utvrđuje prijedlog programa rada Skupštine i usklađuje aktivnosti na njegovoj realizaciji;
- stara se o ostvarivanju prava i dužnosti poslanika u vezi sa vršenjem njihove funkcije;
- pokreće inicijative da se određena pitanja stave na dnevni red radnih tijela Skupštine;
- stara se o ostvarivanju saradnje Skupštine i Vlade o utvrđivanju i izvršavanju programa rada i pripremanju materijala za Skupštinu;
- razmatra pitanja ostvarivanja odnosa s Vladom, kantonalnim organima uprave i drugim organima i organizacijama, te sa općinskim vijećima kantona;
- stara se o ostvarivanju saradnje Skupštine sa političkim organizacijama i udruženjima građana;
- stara se o prijemu delegacija stranih predstavničkih tijela i o upućivanju delegacija Skupštine stranim predstavničkim tijelima i o pripremanju političke osnove za razgovore sa delegacijama stranih predstavničkih tijela.

Na sastancima se razmatraju i:

- pitanja skupštinske procedure i primjene Poslovnika o radu Skupštine;
- izvršavanje zadataka Službe Skupštine i unapređivanje njenog rada;
- inicijative i prijedlozi upućeni Skupštini.

Inicijative za razmatranje pitanja iz ovog člana pokreće predsjedavajući Skupštinom, sekretar Skupštine i predsjednici klubova poslanika.

IV

Kolegij Skupštine za vrijeme ratnog stanja ili u slučaju vanrednog stanja, pored poslova i zadataka iz člana III ove Odluke:

- razmatra neposredne zadatke koje u vezi sa ratnim stanjem, odnosno vanrednim stanjem, treba preduzeti u vezi sa radom Skupštine;
- predlaže mjere i utvrđuje zadatke koje treba izvršiti i preduzima neophodne mjere i određuje vrijeme i mjesto održavanja sjednica;
- razmatra i zauzima stavove o načinu pozivanja poslanika na sjednice i o načinu dostavljanja materijala poslanicima za te sjednice i može, ako to zahtijevaju posebni uslovi ratnog stanja odnosno vanrednog stanja, odrediti da se poslanici pozovu na sjednice javnim pozivom (preko radija, televizije i štampe), preko državnih organa, organizacija ili na drugi način.

V

Za vrijeme ratnog stanja ili vanrednog stanja, Kolegij Skupštine iz prethodnog člana može, u skladu sa ocjenom političke i bezbjedonosne situacije, predložiti Skupštini da se zakoni, drugi propisi i opći akti Skupštine donose bez razmatranja nacrt, da se sjednica Skupštine i radnih tijela Skupštine saziva u rokovima kraćim od rokova predviđenih ovom Odlukom i druga odstupanja od odredaba ove Odluke.

Materijali za sjednice mogu se poslanicima uručiti i neposredno uoči sjednice ili na samoj sjednici, ako nije bilo mogućnosti da se dostave ranije ili iz drugih opravdanih razloga.

VI

Kolegij Skupštine iz člana IV ove Odluke polazeći od ocjene političke i bezbjedonosne situacije, ocjenjuje da li je potrebno i moguće sazvati Skupštinu radi donošenja propisa i mjera iz njihove nadležnosti.

Ako ocijeni da se Skupština ne može sastati ili da bi sazivanje sjednice Skupštine uticalo na efikasnost u donošenju propisa i preduzimanju mjera, Kolegij Skupštine obavijestice o tome predsjednika Tuzlansko-podrinjskog kantona i Vladu, kako bi predsjednik Tuzlansko-podrinjskog kantona preduzeo odgovarajuće mjere u skladu sa svojim ustavnim ovlaštenjima i donio propise.

VII

Na poziv Kolegija Skupštine u radu na sastancima učestvuju i predsjednici radnih tijela Skupštine, predstavnici Vlade, kantonalnih organa uprave i drugih organa i organizacija.

Sastanke Kolegija Skupštine saziva predsjedavajući Skupštinom. Sekretar Skupštine radi na pripremanju sastanka i obezbjeđuje vođenje zapisnika u kojem se kratko unose pitanja o kojima se raspravlja i dogovorene aktivnosti, stavovi i zaključci.

VIII

Kolegij Skupštine kao privremeno radno tijelo obrazuje se i imenuje do donošenja Odluke o izmjenama i dopunama Poslovnika o radu Skupštine Tuzlansko-podrinjskog kantona.

IX

Ova odluka stupa na snagu danom donošenja, a objaviće se u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON,
Skupština

Broj: 01-011-208-19/96
Tuzla, 8. jula/srpnja 1996. g.

Predsjedavajući
Skupštinom
Tuzlansko-podrinjskog
kantona
Mustafa Ramić, v.r.

191

Na osnovu člana 24. stav 1. tačka m) Ustavnog zakona Tuzlansko-podrinjskog kantona ("Sl. novine Tuzlansko-podrinjskog kantona" br. 1/94), na prijedlog Administrativne komisije, Skupština Tuzlansko-podrinjskog kantona, na sjednici od 8. jula 1996. godine, donosi

PRAVILA

**KOJIMA SE UTVRĐUJU KRITERIJI ZA
OPRAVDAVANJE IZOSTANAKA SA SJEDNICA
SKUPŠTINE I RADNIH TIJELA SKUPŠTINE
TUZLANSKO-PODRINJSKOG KANTONA**

Član 1.

Ovim pravilima utvrđuju se kriteriji u kojim slučajevima se izostanci sa sjednica Skupštine Tuzlansko-podrinjskog kantona (u daljem tekstu: Skupština) i radnih tijela Skupštine smatraju opravdanim.

Član 2.

Opravdanim se smatra izostanak sa sjednice Skupštine i radnog tijela Skupštine učinjen uslijed:

- a) Odlaska na službeni put;
- b) Odsustva po pozivu Ministarstva za odbranu R/F BiH;
- c) Bolesti poslanika ili člana radnog tijela;
- d) Smrtnog slučaja u porodici ukoliko je smrtni slučaj nastupio pet dana prije ili na dan zasjedanja;
- e) Porođaja bračnog druga ukoliko je porođaj nastupio dan prije ili na dan zasjedanja;
- f) Sklapanja braka koje je izvršeno tri dana prije ili na dan zasjedanja.

Član 3.

Pravdanje izostanaka po kriterijima iz člana 2. ovih pravila poslanik ili član radnog tijela vrši dostavljanjem Službi Skupštine:

- a) Putnog naloga za službeni put;
- b) Potvrde o boravku u jedinici Armije R/F BiH;
- c) Otpusne liste iz bolnice;
- d) Smrtoznice;
- e) Otpusne liste iz bolnice;
- f) Izvoda iz matične knjige vjenčanih.

Opravdanje se vrši odmah po prestanku razloga izostanka, a najkasnije 15 dana od dana održavanja sjednice Skupštine ili radnog tijela Skupštine.

Član 4.

Pravila stupaju na snagu danom objavljivanja u "Službenim novinama Tuzlansko-podrinjskog kantona".

Član 5.

Ova pravila objavit će se u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
Skupština

Broj: 01/2-011-208-14/96
Tuzla, 8. jula 1996. g.

Predsjedavajući
Skupštinom
Tuzlansko-podrinjskog
kantona
Mustafa Ramić, v.r.

192

Na temelju člana 6. i 25. Zakona o Vladi Tuzlansko-podrinjskog kantona ("Službene novine Tuzlansko-podrinjskog kantona" broj: 2/94 i 4/95), Vlada Kantona, donosi

ODLUKU**o dopuni Odluke o osnivanju Kantonalnog biroa
za investicione programe****I**

U Odluci o osnivanju Kantonalnog biroa za investicione programe, u tački II, iza alineje 8. dodaje se alineja 9. koja glasi: "Muhamed Šadić, načelnik općine Čelić".

II

Ova odluka stupa na snagu danom donošenja i bit će objavljena u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
VLADA

Broj: 02/1-011-4294/96
Tuzla, 25. 06. 1996. g.

Predsjednik
Tuzlansko-podrinjskog
kantona
Izet Hadžić, v.r.

V

Proizvođači kravljeg mlijeka dužni su da sredstva premije koja ostvare upotrijebe za razvoj poljoprivrede.

VI

Ovlašćuje se ministar za poljoprivredu, šumarstvo i vodoprivredu Tuzlansko-podrinjskog kantona da donese bliže propise o načinu i postupku za ostvarenje premije iz ove odluke, kao i da utvrdi dokumentaciju koju proizvođači treba da prilože zahtjevu za premiju.

VII

Ova odluka stupa na snagu osmog dana od dana objavljivanja u "Sl. novinama TPK".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON
VLADA

Broj: 02/1-335-4988/96
Tuzla, 11. 07. 1996. g.

PREDSJEDNIK VLADE
Izet Hadžić, v.r.

193

Na osnovu člana 6. Zakona o Vladi TPK ("Sl. novine TPK" broj: 2/94), a na prijedlog Ministarstva za poljoprivredu, šumarstvo i vodoprivredu TPK, Vlada Kantona na sjednici održanoj 10. 07. 1996. godine, donosi

ODLUKU**o određivanju premije za kravlje mlijeko u 1996. godini****I**

Preduzećima, zemljoradničkim zadrugama i drugim oblicima udruživanja zemljoradnika (u daljem tekstu: proizvođačima) koji proizvode kravlje mlijeko sami ili u saradnji sa udruženim ili drugim zemljoradnicima, isplaćuje se premija od 5 BHD po 1 litru kravljeg mlijeka proizvedenog i isporučenog kupcima u toku 1996. godine.

II

Premija iz tačke I ove odluke isplaćuje se proizvođačima pod slijedećim uslovima: - da je kravlje mlijeko proizvedeno u isporučeno na području TPK;

- da je proizvedeno i isporučeno kravlje mlijeko sadržavalo 3,2% - 04,2% mliječne masti.

III

Premija za kravlje mlijeko isplaćuje se samo onim proizvođačima koji, za vlastitu proizvodnju odnosno za proizvodnju mlijeka u saradnji sa udruženim i drugim zemljoradnicima, vode matično knjigovodstvo, selekciju i kontrolu produktivnosti i zdravstvenog stanja muznih krava i koji su sa udruženim i drugim zemljoradnicima za mlijeko proizvedeno u saradnji zaključili ugovor o proizvodnji i isporuci odnosno preradi mlijeka.

Kontrolu ispunjenja uslova iz prethodnog stava vrše organi poljoprivredne i veterinarske inspekcije na način i pod uslovima određenim Zakonom o poljoprivrednoj inspekciji odnosno Zakonom o zdravstvenoj zaštiti životinja.

IV

Premija se isplaćuje iz sredstava budžeta Tuzlansko-podrinjskog kantona namijenjenih za podsticaj poljoprivredne proizvodnje po podnošenju pismenog zahtjeva proizvođača za isplatu premije.

194

Na osnovu člana 8. Zakona o ministarstvima i drugim organima uprave Tuzlansko-podrinjskog kantona ("Sl. novine Tuzlansko-podrinjskog kantona" br. 3/94) a u vezi sa odredbama Zakona o zaštiti životinja od zaraznih bolesti koje ugrožavaju cijelu zemlju ("Sl. list R BiH" br. 2/92), ministar za poljoprivredu, šumarstvo i vodoprivredu, donosi

NAREDBU**I**

U cilju preduzimanja propisanih i drugih stručnih-upravnih mjera zaštite protiv slinavke i šapa (registrovana pojava u Grčkoj, Albaniji, Makedoniji, a nezvanično raspoložemo informacijom o postojanju zaraze u Srbiji) naređujem sprovođenje slijedećih mjera:

1. Da svi stručni organi i organizacije iz oblasti veterinarstva ostvare potpuni uvid u stanje i raspored prijemčivih vrsta životinja (goveda, ovce, koze i svinje) a operativne organizacije (Veterinarske stanice, Veterinarski zavod) da preispitaju stanje kadrova, opreme i materijalno-tehničkih sredstava nužnih za eventualno preduzimanje mjera zaštite područja.
2. Da organi veterinarske inspekcije pojačaju kontrolu u proizvodnji i prometu svih vrsta životinja kao i sirovina, proizvoda i otpadaka životinjskog porijekla i efikasno sprovedu odgovarajuće veterinarsko-sanitarne mjere zaštite prvenstveno na granici kao i na svim mjestima mogućeg prometa životinja u graničnim područjima (područja između entiteta). Kontrola se mora vršiti svakodnevno. Sve eventualne posljedice koje nastanu ne izvršavanjem ove mjere snose opštine, odnosno opštinski veterinarski inspektori.
3. Zabranjujem kretanje u prometu svih vrsta životinja, a naročito na mjestima mogućeg prometa životinja u graničnim područjima bez odgovarajuće veterinarske dokumentacije (uvjerenje o zdravstvenom stanju stoke, potvrda o pregledu stoke pri utovaru, potvrda o izvršenoj dezinfekciji prevoznog sredstva). U slučaju da se prilikom kontrole utvrdi da lica koja vrše promet stoke kao i sirovina, proizvoda i otpadaka životinjskog porijekla ne posjeduju odgovarajuću veterinarsku dokumentaciju

(Zakonom predviđenu) u pogledu obaveznog veterinarsko-sanitarnog pregleda, zabraniti dalji promet, a stoka, sirovine, proizvodi i otpatci životinjskog porijekla se vraćaju na područje sa kojeg je stavljeno u promet.

4. U svim slučajevima postojanja, sumnje na prisustvo zaraze potrebno je obavijestiti federalni i kantonalni organ uprave, opštinsku veterinarsku stanicu kao i kantonalni veterinarski zavod u Tuzli, a do završetka dijagnostičkog postupka osigurati strogu izolaciju sumnjivog dvorišta.
5. Sprovoditi najstrožije mjere zdravstvene kontrole svih životinja prilikom njihovog uvođenja u uzgoj sa drugih lokaliteta, a po ocjeni odrediti i karantin.
6. Obezbijediti kontrolu životinja na sajmovima, stočnim pijacama i drugim mjestima prodaje, izložbama, dogonima i drugim javnim smotrama (svi vlasnici stoke moraju imati Uvjerenje o zdravstvenom stanju stoke). Zabraniti klanje stoke na klaonicama za stoku koja ne posjeduje uvjerenje o zdravstvenom stanju stoke kao i druge zakonom predviđene veterinarske dokumentacije.
7. U slučaju da nadležni federalni organ utvrdi da postoji neposredna opasnost od slinavke i šapa on će odrediti sprovođenje preventivnog cijepjenja životinja.

II

Naređujem opštinskim veterinarskim inspektorima Tuzlansko-podrinjskog kantona da preduzmu odgovarajuće mjere a naročito obaveznu veterinarsko-sanitarnu kontrolu pri prometu i istovaru svih vrsta životinja, sirovina, proizvoda i otpadaka životinjskog porijekla.

III

Ova naredba stupa na snagu odmah a objaviće se u "Službenim novinama Tuzlansko-podrinjskog kantona".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON

MINISTAR
Idriz Vrtačić, dipl. ing., v.r.

Ministarstvo za poljoprivredu,
šumarstvo i vodoprivredu
Broj: 04/1-336-5252/96
Tuzla, 20. 07. 1996. g.



195

Na osnovu tačke 6. Odluke o određivanju premije za kravlje mlijeko ("Sl. novine TPK" broj: 2/94), ministar za poljoprivredu, šumarstvo i vodoprivredu, donosi

UPUTSTVO


**o načinu i postupku za ostvarivanje premije
za kravlje mlijeko u 1996. godini**

1. Preduzeća, zemljoradničke zadruge, i drugi oblici udruživanja zemljoradnika (u daljem tekstu: proizvođači) koji imaju pravo na premiju u smislu tački I i II Odluke o utvrđivanju premije za kravlje mlijeko (u daljem tekstu: Odluka) ostvaruju premiju za kravlje mlijeko proizvedeno na području TPK, podnošenjem pismenog zahtjeva Ministarstvu za poljoprivredu, šumarstvo i vodoprivredu TPK.
2. Uz zahtjev proizvođač prilaže:
 - a) fakturu o izvršenoj prodaji kravljeg mlijeka sa obaveznom naznakom procenata mliječnih masti koje mlijeko sadrži i cijenu po jednoj masnoj jedinici;
 - b) dokaz o isporuci prodatog mlijeka (tovarni list, otpremnice i sl.);
 - c) potvrdu izdatu od organa određenog opštim aktom proizvođača u kojoj su za mlijeko, za koje se traži premija, posebno naznačeni: - količine kravljeg mlijeka koje potiču iz vlastite proizvodnje sa muznim kravama u državnoj svojini i - količine kravljeg mlijeka koje potiču iz proizvodnje u saradnji sa udruženim i drugim zemljoradnicima;
 - d) obračun premije u koji se unose podaci o prodatim i isporučenim količinama mlijeka;
 - e) potvrdu izdatu od organa određenog općim aktom proizvođača (za kravlje mlijeko proizvedeno u saradnji) da je sa udruženim i drugim zemljoradnicima zaključen ugovor o proizvodnji;
 - f) potvrdu o vođenju matičnog knjigovodstva, selekcije i kontrole produktivnosti i zdravstvenog stanja muznih krava izdatu od organa određenog opštim aktom proizvođača.
3. Ministarstvo za poljoprivredu, šumarstvo i vodoprivredu TPK, provjerom dokumentacije iz prethodne tačke utvrđuje pravo proizvođača na premiju.
4. Na osnovu utvrđenog prava na premiju, Ministarstvo za finansije daje nalog za isplatu odgovarajućeg iznosa premije na teret računa budžeta TPK, a u korist računa proizvođača.
5. Ako se uz zahtjev za premiju prilažu prepisi izvornih isprava (fakture, tovarni list i slično) oni moraju biti ovjereni od ovlašćenih lica i na njima mora biti utisnut pečat proizvođača, a izvorne isprave podnose se na uvid.
6. Ovo uputstvo stupa na snagu osmog dana od dana objavljivanja u "Sl. novinama TPK".

Republika Bosna i Hercegovina
Federacija Bosne i Hercegovine
TUZLANSKO-PODRINJSKI
KANTON

MINISTAR
Idriz Vrtačić, dipl. ing., v.r.

Ministarstvo za poljoprivredu,
šumarstvo i vodoprivredu
Broj: 04/1-334-4544/96
Tuzla, 05. 07. 1996. g.



SLUŽBENE NOVINE TUZLANSKO-PODRINJSKOG KANTONA

OGLASNI DIO

OGLAS

Ministarstvo pravde Tuzlansko-podrinjskog kantona rješenjem broj 06-3441/96. upisalo je u registar udruženja građana u knjigu I. pod rednim brojem 15 slijedeće podatke:

Upisuje se u registar udruženja građana DOBOR KULA Udruženje građana opštine Modriča sa sjedištem u Gradačcu, Varoška bb.

Osnovni sadržaj djelatnosti udruženja je:

- Programski ciljevi djelatnosti i zadaci Udruženja odnose se na aktuelna pitanja i potrebe iz života i rada članova Udruženja i građana opštine Modriča u oblasti kulture, prosvjete, umjetnosti, sporta, socijalnog, zdravstvenog i profesionalnog statusa, humanitarnih i drugih životnih potreba i interesa.

Udruženje će djelovati na području Tuzlansko-podrinjskog kantona.

Udruženje zastupa i predstavlja Osman Zeljković, predsjednik, Muris Čamdžić-sekretar, Sabahudin Tursić, član i Šaban Bajrić, član.

Danom upisa u registar udruženje stiče svojstvo pravnog lica.

16/96

OGLAS

Ministarstvo pravde Tuzlansko-podrinjskog kantona rješenjem broj 06-213-3702/96 upisalo je u registar udruženja građana u knjigu I. pod rednim brojem 19 slijedeće podatke:

Upisuje se registar udruženja građana "BIHAMK" Auto moto klub "BANOVIĆI" iz Banovića sa sjedištem u Banovićima.

Osnovni sadržaj djelatnosti udruženja je:

- osigurava ostvarivanje prava kad se članovi sa vozilom nalaze na putovanju,

- zastupa interese članova kao potrošača u oblasti saobraćaja, automobilizma i turizma, te obavlja administrativne poslove u vezi saobraćajnih dozvola i vozačkih ispita, vozačkih isprava, itd.

- zastupa i štiti interese članstva i drugih motorizovanih građana pred državnim organima, privrednim i drugim organizacijama,

- prati stanje i probleme bezbjednosti saobraćaja na putevima u opštini i području kantona, predlaže i zahtjeva da nadležni organi preduzimaju određene mjere u cilju bezbjednosti saobraćaja,

- organizuju pružanje saobraćajno tehničke i druge pomoći članovima i drugim učesnicima u saobraćaju i članovima inostranih auto-moto klubova,

- službe pomoći i informacija, turing i pravnu pomoć i sl.

- podstiče razvoj i unapređenje auto-moto sporta, te organizuje takmičenja, smotre i druge vidove prezentacije auto-moto sporta,

- učestvuje u saobraćajno-tehničkom obrazovanju mladih, kroz razne vidove edukacije, te organizuje saobraćajno tehnička takmičenja,

- obavlja poslove javnih ovlaštenja koja mu u skladu sa zakonom i Statutom povjeri BIHAMK,

- vrši obuku kandidata za vozače motornih vozila svih kategorija. Udruženje će djelovati na području Tuzlansko-podrinjskog kantona.

Udruženje zastupa i predstavlja Cilović Sead, predsjednik i Čebić Mehmed, podpredsjednik.

Danom upisa u registar udruženje stiče svojstvo pravnog lica.

17/96

OGLAS

Ministarstvo pravde Tuzlansko-podrinjskog kantona rješenjem broj 06-213-3866/96 upisalo je u registar udruženja građana u knjigu I. pod rednim brojem 21 slijedeće podatke:

Upisuje se registar udruženja građana nezaposlenih demobilisanih pripadnika OS BiH sa sjedištem u Banovićima bb. Osnovni sadržaj djelatnosti udruženja je:

- zapošljavanje, materijalno i zdravstveno zbrinjavanje demobilisanih, nezaposlenih pripadnika Armije RBiH,

- prekvalifikacija i doškolovanje,

- izrada i realizacija programa, za namjensko zapošljavanje demobilisanih, nezaposlenih pripadnika Armije,

- izgradnja demokratskog društva uz puno uvažavanje prava i sloboda čovjeka bez obzira na naciju, vjeru, rasu, političko i socijalno porijeklo,

- da živimo od sopstvenog rada,

- nastavak borbi protiv fašizma, revanšizma, nacionalne isključivosti, vjerske netrpeljivosti i mržnje.

Udruženje će djelovati na području opštine Banovići.

Udruženje zastupa i predstavlja Ahmetović Asim, predsjednik.

Danom upisa u registar udruženje stiče svojstvo pravnog lica.

18/96

OGLAS

Ministarstvo pravde Tuzlansko-podrinjskog kantona rješenjem broj 06-3265/96 upisalo je u registar udruženja građana u knjigu I. pod rednim brojem 22/96 slijedeće podatke:

Upisuje se registar udruženja građana Auto-moto klub Živinice sa sjedištem u Živinicama, II ulica br. 18.

Osnovni sadržaj djelatnosti udruženja je:

- osigurava ostvarivanje prava kad se članovi sa vozilom nalaze na putovanju,

- zastupa interese članova kao potrošača u oblasti saobraćaja, automobilizma i turizma, te obavlja administrativne poslove u vezi saobraćajnih dozvola i vozačkih ispita, vozačkih isprava, itd.

- zastupa i štiti interese članstva i drugih motorizovanih građana pred državnim organima, privrednim i drugim organizacijama,

- prati stanje i probleme bezbjednosti saobraćaja na putevima u opštini i području kantona, predlaže i zahtijeva da nadležni organi preduzimaju određene mjere u cilju bezbjednosti saobraćaja,

- organizuju pružanje saobraćajno tehničke i druge pomoći članovima i drugim učesnicima u saobraćaju i članovima inostranih auto-moto klubova,

- službe pomoći i informacija, turing i pravnu pomoć i sl.

- podstiče razvoj i unapređenje auto-moto sporta, te organizuje takmičenja, smotre i druge vidove prezentacije auto-moto sporta,

- učestvuje u saobraćajno-tehničkom obrazovanju mladih, kroz razne vidove edukacije, te organizuje saobraćajno tehnička takmičenja,

- obavlja poslove javnih ovlaštenja koja mu u skladu sa zakonom i Statutom povjeri BIHAMK,

- vrši obuku kandidata za vozače motornih vozila svih kategorija.

Udruženje će djelovati na području Tuzlansko-podrinjskog kantona.

Udruženje zastupa i predstavlja Šljivic Sakib, predsjednik, Tadić Fračnjo, podpredsjednik i Pozderac Dubravko, direktor kluba.

Danom upisa u registar udruženje stiče svojstvo pravnog lica.

19/96

OGLAS

Na osnovu rješenja Ministarstva pravde Tuzlansko-podrinjskog kantona broj: 06-231-4176/96 od 25. 6. 1996. godine u Registar udruženja građana Tuzlansko-podrinjskog kantona u knjigu I, pod rednim brojem 23, dana 25. 6. 1996. godine upisan je Košarkaški invalidski klub "VETERANI" sa sjedištem u Tuzli, 18. Hrvatske brigade br. 47.

Skraćeni naziv Udruženja je: KIK "VETERANI".

Osnovni sadržaj djelatnosti udruženja je:

- košarkaška i druga sportska djelatnost invalidnih lica

- organizovanje stručnog i vaspitnog rada u cilju razvoja kvalitetnog košarkaškog sporta invalidnih lica,

- organizovanje i učestvovanje u sportskim takmičenjima,

- te druge djelatnosti kojima će Klub obezbjeđivati sredstva za stvaranje materijalnih uslova za izvršavanje ciljeva i zadataka Kluba, u koju svrhu Klub može formirati preduzeće u skladu sa zakonom.

Udruženje će djelovati na području opštine Tuzla.

Udruženje zastupa i predstavlja Halilbegović dr. Emir, predsjednik Kluba i Upravnog odbora.

Danom upisa u registar udruženje stiče svojstvo pravnog lica.

20/96

OGLAS

Na osnovu rješenja Ministarstva Tuzlansko-podrinjskog kantona broj 06-231-4264/96 od 28. 6. 1996. godine u Registar udruženja građana Tuzlansko-podrinjskog kantona u knjigu I, pod rednim brojem 25, dana 28. 6. 1996. godine upisan je Atletski klub "ZIJAD IMAMOVIĆ ZIJO" sa sjedištem u Lukavcu, Sportska bb. Skraćeni naziv udruženja je: A.K. "ZIJAD IMAMOVIĆ-ZIJO".

Osnovni sadržaj djelatnosti udruženja je:

- takmičarske aktivnosti iz atletskih disciplina po kategoriji pionira-pionirki, kadeta-kadetkinja, seniora-seniorki,

- stručno pedagoški i vaspitni rad,

- razvijanje vrhunskog atletskog sporta,

- informisanje i propaganda,

- briga o zdravstvenoj zaštiti članova Udruženja.

Udruženje će djelovati na području opštine Lukavac.

Udruženje zastupa i predstavlja Mujkić Bego, predsjednik Skupštine i Delić Muhamed, predsjednik Upravnog odbora.

Danom upisa u registar udruženje stiče svojstvo pravnog lica.

21/96

OGLAS

Na osnovu rješenja Ministarstvo pravde Tuzlansko-podrinjskog kantona broj 06-213-3895/96 od 1. 7. 1996. godine u Registar udruženja građana Tuzlansko-podrinjskog kantona u knjigu I, pod rednim brojem 28, dana 1. 7. 1996. godine upisan je Teniski klub "Lukavac" sa sjedištem u Lukavcu, 13. septembar br. 20. Skraćeni naziv udruženja je: T.K. "LUKAVAC".

Osnovni sadržaj djelatnosti udruženja je:

- takmičarske aktivnosti,

- stručno-pedagoški i vaspitni rad,

- informisanje i propaganda,

- briga oko zdravstvene zaštite članova kluba i

- druge djelatnosti iz domena tenis kluba.

Udruženje će djelovati na području opštine Lukavac.

Udruženje zastupa i predstavlja Husić Suljo, predsjednik Begović Mirza, podpredsjednik Podhradski Miroslav, podpredsjednik.

Danom upisa u registar udruženje stiče svojstvo pravnog lica.

22/96

OGLAS

Na osnovu rješenja Ministarstvo pravde Tuzlansko-podrinjskog kantona broj 06-4069/96 od 2. 7. 1996. godine u Registar udruženja građana Tuzlansko-podrinjskog kantona u knjigu I, pod rednim brojem 29, dana 2. 7. 1996. godine upisano je Udruženje logoraša Sjeveroistočne Bosne sa sjedištem u Živinicama, Tuzlanskog odreda blok A/3. Skraćeni naziv udruženja je: U.L.S.I.B.

Osnovni sadržaj djelatnosti udruženja je:

- prikupljanje svih podataka o zatvorima i logorima,

- rješavanje statusnih problema bivših logoraša (resocijalizacija, medicinske pomoći, priznavanje radnog staža naknada ratne oštete, unapređivanje socijalne i ekonomske sigurnosti, edukacije, pravna i humanitarna pomoć i sl.),

- izdavanje prigodnog informativnog glasila - biltena,

- izdavanje monografija o zatvorima i logorima i drugih publikacija,

- pružanje pomoći u naučno istraživačkom radu u razobličavanju počinjenog zločina i genocida, a u cilju njihovog sankcionisanja,

- zalaganje za primjenu i sprovođenje propisa o statusu i zaštiti logoraša shodno odredbama međunarodnih konvencija i drugih propisa,

- zalaganje na ostvarivanju međuopštinske i međunarodne saradnje sa srodnim organizacijama i udruženjima,

- druženje i okupljanje logoraša u cilju ostvarivanja programa sekcija i udruženja.

Udruženje će djelovati na području opštine Živinice.

Udruženje zastupa i predstavlja Burgić Mehmed, predsjednik Fazlić Nermin, podpredsjednik.

Danom upisa u registar udruženje stiče svojstvo pravnog lica.

23/96

OGLAS

Na osnovu rješenja Ministarstvo pravde Tuzlansko-podrinjskog kantona broj 06-4276/96 od 2. 7. 1996. godine u Registar udruženja građana Tuzlansko-podrinjskog kantona u knjigu I, pod rednim brojem 30, dana 2. 7. 1996. godine upisan je Udruženje studenata Vlasenica sa sjedištem u Tuzli, Studentski dom, Rudarska br. 3. Skraćeni naziv udruženja je: USV.

Osnovni sadržaj djelatnosti udruženja je:

- kontinuirano brine o statusnim pitanjima studenata u vezi sa studijem,

- brine o studentskom standardu i zdravstveno-socijalnoj zaštiti,

- udruženje će organizovati susret i druženje studenata radi stručnog usavršavanja, razmjene znanja i iskustva,

- udruženje će pokušati da ostvari međunarodnu saradnju sa studentskim organizacijama i asocijacijama kao i međunarodnim naučno-nastavnim institucijama i fondacijama,

- poseban aspekt u svom djelovanju stavit će se na pitanje statusa studenata šehidskih porodica, studenata, invalida - kao i status studenata pripadnika Armije i MUP-a Republike Bosne i Hercegovine i obezbjeđenje beneficija istim.

Udruženje će djelovati na području opštine Vlasenica privremeno Tuzla.

Udruženje zastupa i predstavlja Baltić Mevludin, predsjednik i Halilović Emir, podpredsjednik.

Danom upisa u registar udruženje stiče svojstvo pravnog lica.

24/96

**“Službene novine Tuzlansko-podrinjskog kantona”,
br. 3/96 od 8. jula/srpnja 1996. godine**

SADRŽAJ

185. Zakon o unutrašnjim poslovima Tuzlansko-podrinjskog kantona (bosanski jezik)	37	194. Naredba o preduzimanja propisanih i drugih stručnih-upravnih mjera zaštite protiv slinavke i šapa	74
185. Zakon o unutaršnjim poslovima Tuzlansko-podrinjskog kantona (hrvatski jezik)	45	195. Uputstvo o načinu i postupku za ostvarivanje premije za kravlje mlijeko u 1996. godini	75
186. Zakon o sudovima Tuzlansko-podrinjskog kantona (bosanski jezik)	54		
186. Zakon o sudovima Tuzlansko-podrinjskog kantona (hrvatski jezik)	62	OGLASNI DIO	
187. Odluka o izmjenama i dopunama Odluke o utvrđivanju plaća funkcionera koje bira ili imenuje Skupština Tuzlansko-podrinjskog kantona, naknada izgubljene zarade i naknada za vršenje funkcije poslanicima u Skupštini Tuzlansko-podrinjskog kantona za vrijeme ratnog stanja ili neposredne ratne opasnosti	71	16. Oglas o upisu Udruženja studenata Vlasenica - Tuzla	5
188. Odluka o pravima privremenih korisnika napuštenih stanova	71	17. Oglas o upisu Udruženja logoraša Sjeveroistočne Bosne - Živinice	5
189. Odluka o obrazovanju Komisije za izradu nacarta Ustava Tuzlansko-podrinjskog kantona	72	18. Oglas o upisu Udruženja građana u Teniski klub “Lukavac” - Lukavac	5
190. Odluka o obrazovanju i imenovanju Kolegija Skupštine	72	19. Oglas o upisu Udruženja građana u Atletski klub “Zijad Imamović Zijo” - Lukavac	5
191. Pravila kojima se utvrđuju kriteriji za opravdavanje izostanaka sa sjednica Skupštine i radnih tijela Skupštine Tuzlansko-podrinjskog kantona	73	20. Oglas o upisu Udruženja građana u Košarkaški invalidski klub “Veterani” - Tuzla	6
192. Odluka o dopuni Odluke o osnivanju Kantonalnog biroa za investicione programe	73	21. Oglas o upisu Udruženja građana u “Auto-moto klub” - Živinice	6
193. Odluka o određivanju premije za kravlje mlijeko u 1996. godini	74	22. Oglas o upisu Udruženja građana nezaposlenih demobilisanih pripadnika OS BiH - Banovići	6
		23. Oglas o upisu Udruženja građana u “BIHAMK” “Auto-moto klub” - Banovići	6
		24. Oglas o upisu Udruženja građana “DOBOR KULA” Modriča - Gradačac	6